

WANTOK

Niuspepa bilong Papua Niugini stret

- 25 yia nau

40 pes

Namba 1093

Wik i stat long Fonde, Jun 8, 1995

50 toea

Pangu i no inap sapatim riform

BIKPELA politikel pati insait long Chan/Haiveta gavman, Pangu Pati i tokaut long aste Trinde, Jun 8, olsem em em i no inap vot long dispela bilong kamapim senis long provinsal gavman sistem.

Pangu Pati tokaut long dispela tingting bilong en bihain long ol provinsal presiden, palamentari lida na memba bilong pati bung long Mosbi dispela wik na holim wanpela miting. Namba tu Praim Minista na Palamentari lida bilong Pangu Pati, Chris Haiveta i tokaut olsem ol bai tokaut long tingting bilong ol long Praim Minista Sir Julius Chan na ol arapela bikpela kolisen pati bilong gavman. Dispela nau i min olsem 24 memba bilong Pangu bai no inap vot long dispela bil long Jun 20 taim palamen i long gen. Na holim namba tri na las riting bilong dispela bil. Mista Haiveta i tokaut olsem long nau yet, i gat planti asua na rong i stap long dispela bil we i wetim palamen long holim namba tri na las riting. Olsem na olgeta lain husat i karim aut wok bilong putim kamap, dispela bil, i mas stretim ol asua.



LFA meknais long ol

● Tripela mama ya bilong Morobe i mekimsave stret long singsing. Em ol sapota stret bilong Buresong soka klap bilong Lae Futbol Asosiesen (LFA). Las wiken tripela i joinim pilaia na kisim fil long amamasim kalsarel de bilong LFA. Poto: Yakam. Kelo.

Nogat mani bilong prov gavman riform

PALAMEN long namba 20 de bilong dispela mun (Jun) bai holim namba tri na las riting long bil bilong kamapim senis long sistem bilong provinsal gavman insait long kantri.

Aninit long sapatim dispela bil i bin na wok long kisim, i gat bikpela luksave i stap olsem ol nesanel memba long palamen bai tokorait long dispela bil. Na bil ya bai kamap lo long kamapim sampela senis long provinsal gavman sistem.

Taso! i gat bikpela luksave i stap, long ol gavman dipatmen na ejensi, olsem sapos palamen i tokorait long dispela bil bilong kamapim senis long provinsal gavman sistem, gavman bai nogat mani long putim kamap sistem we Micah Komiti redim. Dispela long wanem i nogat mani stap bihainim hevi bilong mani gavman i bungim long nau yet.

Ol hait ripot i kam long Dipatmen Bilong Praim Minista, i tokaut olsem long nau yet, gavman i nogat inap mani. Na dispela i min olsem gavman bai bungim bikpela hevi tru long putim kamap na ranim sistem bilong Micah Komiti we bai kisim ples bilong provinsal gavman sistem.

Wanpela sinia opisa long

GODFRIED YASSAFAR i raitim

Dipatmen Bilong Praim Minista i tok gavman bai bungim bikpela hevi. Bikos gavman i no basetim o skelim mani long karim aut ol wok we i kam aninit long sistem bilong Micah Komiti. Dispela sinia opisa, husat i les long Wantok i kolim nem bilong em, i tokaut olsem sapos palamen i go het na holim namba tri riting long bil na tokorait, dispela bai kamapim bikpela hevi long gavman.

"Gavman i no basetim mani long karim aut ol wok aninit long sistem we bai kisim ples bilong provinsal gavman sistem. Dispela i min olsem planti samting na wok aninit long nupea sistem bai no inap wok," dispela sinia opisa i tok.

Em i tok wok politik i wok long mekim na nesanel gavman i wok long putim hevi go long ol provinsal gavman. Na i wok long stong olsem provinsal gavman sistem i mas pinis. Tasol gavman i no luksave olsem em i no skelim mani long ranim ol wok na samting we bai kamap aninit long nupea sistem.

Wanpela arapela ripot Wantok i kisim i tok olsem long nau yet, ol provinsal politisen bilong 14-

pela provins i paitim toktok pinis. Na ol i tokorait long yusim mani aninit long provinsal baset long kisim pinis mani bilong ol sapos palamen i pasim bil long Jun 20.

Ripot ya i tok ol dispela 14-pela provins ol provinsal politisen i tokorait long kisim pinis mani long provinsal baset em Isten Hailans, Simbu, Maun Hagen, Westen Hailans, Sauten Hailans na Enga. Long ol provins long Mamose rijon, 4-pela tasol i tokorait long mekim dispela samting. Long sait bilong Niugin Ailan, tupela tasol i tokorait. Na long Sauten (Papua) rijon, tripela ol provinsal politisen bilong tripela provins tasol i tokorait long yusim provinsal baset long kisim pinis mani bilong ol.

Tokorait bilong ol provinsal politisen long dispela 14-pela provins long kisim pinis mani bilong ol long provinsal baset i kam aninit long wanpela tokorait Provinsal Eksekutyutiv Kaunsil ((PEC) bilong provinsal gavman bilong wanwan bilong ol dispela provins i kamapim.

Dispela sinia opisa long Praim Minista dipatmen i tok sapos olgeta 19 provinsal gavman i kamap wantaim wankain tokorait, dispela bai kos K10-K20 milien long baim ol provinsal politisen.

Gavman i no inap baim skul fi ol papamama baim

GAVMAN i no inap bekim mani bilong ol papamama husat i baim skul fi bilong pikinini bilong ol long stat bilong dispela yia. Dispela em skul fi bilong ol pikinini husat i skul long 7-pela hai skul long provins.

Asisten Edukesen Seketeri bilong provins, Tony Tsora long dispela wik i tok ol skul fi we ol papamama i peim em inap long mak we Provinsal Edukesen Bod i bin makim. Antap long em, skul subsidi we ol i kisim long gavman i no bin inap long mak we ol edukesen atoriti long provins i skelim long karamapim wanwan sumatin. Tasol Mista Tsora i tok ol papamama long sampela skul i kisim rifu long projek fi mani. Bikos sampela skul i bin ova sasim ol papamama. Long wankain taim tu ,ol edukesen atoriti long provins i mekim ol wok redi nau long statim ol skul riform. Olsem na 6-pela edukesen opisa long Buka i bin kam bek bihain long wanpela lukluk raun ol i mekim long Wes Nu Briten na Nu Ailan provins. Foapela opisa i bin go long Wes Nu Briten long lukim we ol i ranim ol komyuniti na hai skul top ap progrem, em i bin stat long 1993. Long neks yia, Not Solomons bai i statim komyuniti skul riform long ol skul olsem Monoitu, Lontis, Hantoa, Petats na Tinputs. Hutjena Hai skul long Buka bai statim riform long 1997. - VERONICA HATUTASI



DELTA



BIKPELA KEBIN SPEIS

STRONGPELA TRU NA INOPILAI NABAUT TRAK...
DSELA TRAK IGAT BIKPELA SPEIS LONG KEBIN
NA TU IGAT BIKPELA SPEIS ARASAIT BILONG
KARIM PLANTI KAGO NA OL MANMERI
NABAUT. DELTA. ISTAP NAU LONG
ELA MOTORS BRANS KLOS
TU LONG PLES BILONG YU!

PORT MORESBY 229400 - LAE 422322 - KOKOPO 927983 - MADANG 822188
GOROKA 721844 - MT HAGEN 521888 - WEWAK 862255 - KAVIENG 942132
KIMBE 935155 - TABUBUL 589060 - VANIMO 871254 - PORGERA 579367
ALOTAU : WALTERS WORKSHOP 611174 - ORO MOTORS 297002

Ela Motors
OLGETA HAP LONG
PAPUA NIUGINI

**Plis
RIPOT**



MT HAGEN: Olpela provinsal memba bilong Wes Kambia insait long Westen Hailans, Taku Taime i bin dai long samting olsem 11 klok long dispela wik Mande moning. Plis ripot i tok dispela em bihain long sampela birua i katim het bilong em taim em i sindaun insait yet long bas.

Ripot i tok long peim bek dispela birua, ol lain bilong olpela memba i bin kilim dai tupela man, wanpela long sem de yet na narapela long Tunde moning. Ekting provinsal plis komisina Leo Kabilo i tok sindaun na stap long provins nau ino gutpela bikos long dispela trabel.

Mista Kabilo i tok pasin we ol man i mekim long kilim dai olpela memba em i nogut tru na man wantaim tingting ino inap long mekim dispela kain samting. Em i tok bihain long dai bilong Mista Taime, ol hauslain bilong em ibin hajekim wanpela ambalens, go insait long ples Nondugulna sutim dai wanpela man bilong Sigmil eria. Dispela ripot i tok daiman ya ibin wanpela hauslain bilong ol lain husat i bin kilim dai olpela memba.

NEBILYER: Plis long dispela wik i bin painim bodi bilong wanpela yangpela manki klostu long wanpela wara long Wapip insait long Nebilyer eria. Plis i ripotim olsem krismas bilong dai manki ya em 14 yia. Na plis i bilip strong olsem manki ya i bin stap wantaim planti arapela manki husat bin wok long kisim kopi long wanpela plantesis em nogat man i lukautim nau. Ol i no save husat man tru i ronim dispela manki na kilim em.

Plis i wok long sekim wokabaut bilong ol man long dispela eria. Na sindaun long hap i no gutpela nau.

LAE: Wanpela plis ka ibin kapsait taim em i lusim Lae long go long Hagen. Na wanpela pasindia ibin dai bihain long ka i kapsait klostu long Yonki. Ekting Provinsal Plis Komanda Leo Kabilo i tok birua ya i kamap long taim plis ibin ron mekim wok bilong ol long las Sarere nait.

MENDI: Plis long Sauten Hailans i holim pasim na sasim tupela man long rong ol i wokim long bagarapim wanpela mama bilong 11 mun pikinini. Tupela man i bilong ples Tente insait long sauten hailans yet. Nem bilong ol em Binowi Nisa wantaim 27 krismas na John Peki wantaim 19 krismas. Mama wantaim liklik bebi ibin wokabaut i kam long rot taim tupela man i pulim em i go long bus na bagarapim em. Long wankain taim tu, Mista Kabilo i autim nem bilong sikspela man husat ibin bagarapim ol pawa pailon long Porgera main na Haid Ges. Olgeta man ya i bilong Tari eria. Hia nau nem bilong ol: David Kuku na Egari Kuni tupela bilong ples paiyaka, Eganda Esendi na John Yahari tupela bilong ples Eganda, Malingi Koimo long ples Haripa na Andane Ekape long ples Ampa.

MOSBI: Spesel Task Fos long Mosbi i holim bek pinis tupela long ol hatko kriminel husat ibin ranawe long Bomana haus kalabus long tupela wik i go pinis. Nem bilong ol em Moroba Aia bilong ples Ilaip na Kippy Kippy bilong ples Kiripa insait long Tapini eria bilong Sentrel provins.

Ol papagraun bilong Hawain oraitim kampani long katim timba

SOVEREIGN Hill kampani, bihain long sampela mun long pasim wok na stap, i redi nau long go het gen long karim aut wok bilong katim timba long Hawain Lokol Fores Eria (HLFA) long Wewak, Is Sepik Provins.

Wok bilong Sovereign Hill long karim aut loging operesen long HLFA i bin stop long sampela mun. Bikos planti papagraun insait long eria we HLFA i kam aninit long en i no bin amamas. aSampela i bin komplem na tokaut olsem papagraun kampani, Wongwong i no wanpela trupela papagraun. Olsem na Wongwong i no makim olgeta papagraun bilong HLFA.

Wanpela ripot Wantok Niuspepa i kisim long Wewak i no longtaim i go pinis i tok olsem ol bikman bilong Sovereign Hill i bin holim wanpela bung wantaim ol papagraun bilong ples Parom. Na i kamapim

GODFRIED YASSAFAR i raitim

wanpela tokorait wantaim ol. Na ol i givim tokorait long kampani ken katim diwai long graun bilong ol.

Dispela ripot i tok 9-pela papagraun grup, Sovereign Hill i baim wanwan bilong K500 bihain long ol i tokorait long kampani ken karim aut loging operesen long bus na graun bilong ol.

Bihainim dispela tokorait, Sovereign Hill i bringim ol nupela masin i go kamap long Kep Kolang-wanpela eria arere long solwara we bris bilong kampani stap long en. Sampela bikman na lida bilong ol arapela we HLFA i kam aninit long en, i tok ol i gat bilip olsem Sovereign Hill i wok long traim long yusim wanpela nupela rot o sistem long grisim ol papagraun.

Ol bikman na lida bilong ol dispela ples i tok kampani luksave olsem ol papagraun bai no inap tokorait na sapo-

tim wok bilong kampani. Olsem na kampani traim nau long go na paitim toktok wantaim ol lida na papagraun bilong wanwan ples. Astingting em long kisim tokorait bilong ol papagraun.

Ol i tok ol i gat bilip olsem taim kampani karim aut wok long graun bilong ol papagraun bilong ples Parom, ol bikman na bikbos bilong kampani bai traim long stre-tim toktok wantaim ol papagraun bilong ol arapela ples. Na kisim tokorait long karim aut wok bilong katim timba.

Wantok i traim tasol i no inap long kisim toktok bilong provinsal fores opis.

Tasol wanpela sinia pablik sevan long Wewak i tokim Wantok olsem sapos Sovereign Hill i gat dispela kain tingting, em bai bungim moa hevi. Bikos planti papagraun long ol arapela ples long HLFA i no amamas long dispela kampani. Dispela

sinia pablik sevan long Wewak i tokaut olsem long karim aut gen loging operesen long HLFA, papagraun kampani, Wongwong i senisim olpela siaman na dairekta, Robert Lazarus Passu. Na makim wanpela man long ples Parom long kisim ples bilong em. Em i tok ol papagraun long ol arapela ples long HLFA i luksave olsem Wongwong i rausim Mista Passu olsem dairekta long amamas ol pipel. Long wankain taim, long kisim sapot bilong ol papagraun. Na ol papagraun i ken sapotim kampani.

Wanpela wok sekap Wantok i wokim long opis bilong Invesmen Promosen Atoriti long Mosbi soim olsem nem bilong Robert Lazarus Passu i stap yet olsem dairekta bilong Wongwong. Wantok i traim tasol i no inap long kisim toktok bilong Mista Passu na ol bikman bilong Wongwong na Sovereign Hill.

Kot kalabusim 9-pela man long kilim man

YAKAM KELO i raitim

NESENEL kot long Lae is sasim pinis 9-pela man Morobe long kisim 23 krismas long kalabus. Dispela em bihain long ol i kilim wanpela man i dai long Epril 12, 1993.

Kot i painimaut olsem ol man man bilong ples Gurakor long Mumeng i bin kilim Michael Udmon bilong ples Timini. Ol i bin kilim Michael na katim ol han, lek na bodi bilong em long naip na tamiok. Bihain ol i katim win paip bilong em. Na subim ol lip na graun i go insait na singautim ol lain Timini long kam karim abus bilong ol na go.

Nesanel kot jas, Jastis Mark Sevua i tokaut long kot long las wik Fraide olsem pasin 9-pela man ya i mekim i no pasin bilong ol man. Olsem na ol inap kisim sas bilong indai.

Dispela pait i stat taim ples Timini na ples Gurakor i bin bung long 12 Epril, 1993 long soka tonamen. Pait i kamap long pilai na wanpela ka bilong Furakor i bagarap. Na long dispela taim ol i kilim Michael Udman. Michael i bilong Is Sepik provins. Michael i marit long Timini na i gat 5-pela pikinini.


Jas Sevua i tok dispela pait i winim tru kain pait ol man i gat het i save mekim. Olsem na tokorait bilong em em bai bihainim yet lo bilong Palamen aninit long seksen 300,519 bilong Kriminel Kot, we i tok man i kilim narapela man nating mas stap long kalabus inap em i dai. Aninit long lo bilong kilim mani i dai, jas yet i save skelim na givim laip yia o oda bilong hangamapim trabel man long rop na em bai indai.

Stet kaunsil i bin mekim ripot long lo i mas kilim 9-pela man ya i dai. Stet kaunsil em Richard Saranduo. Jas Sevua i tok em i bin skelim pinis ripot bilong Stet Kaunsil long kilim ol lain ya i dai. Tasol em i skelim tu tingting bilong givim ol laip yia kalabus.

Jas Sevua i tok em i skelim pasin ol lain ya i mekim i olsem ol i katim mit bilong sipsip. Bikos ol i katim hap lek na nek bilong man ya.

Olsem na dispela pasin i abrusim tu mak bilong man i kilim man. Bihain tasol long kot i pinis, wanpela lida bilong ples Gurakor, Isaac Lupi i tokim Wantok olsem dispela pait i no inap kamap bikpela.

Tasol ol plisman bilong Lae yet i bin pusim bel bilong ol. Mista Lupi i tok plis i bin kamap na lukim olsem ol lain Timini i bagarapim ka bilong Gurakor. Olsem na ol i pusim ol yangpela long go bek na pait. Bihain long dispela, Michael i bin indai.



Taim bilong banana long Goroka

● Nase Paul husat i gat 4-pela krismas tasol i so op long bikpela rop banana bilong em long Genoka Setelment. Foto: Sape Metta.

Kabinet givin orait long Nari

NESENEL Eksekyutiv Kaunsil (NEC) i tokorait pinis long sanapim Nesanel Agrikalsa Risets Institut (NARI) olsem wanpela stetuteri bodi em yet. Minista bilong Agrikalsa na Laipstok Bernard Narokobi i

autim dispela toktok long dispela wik.

Dispela i min olsem institut ya bai i karimaut ol risets wok painimaut long ol rop na diwai kalkai, laipstok, ol kes krop na risoses menesmen insait long kantri.

All departments Phone: 25-2500 Fax: 25-2579

WANTOK

Published Weekly, Thursdays, for
Word Publishing Co Pty Ltd

Printed and published by Anna Solomon of Bittam Place, Gordons, at Allotment 2, Section 209, Spring Garden Road, Hohola, for Word Publishing Co Pty Ltd. General Manager and Company Secretary: Ian Fry Group Editor in Chief: Anna Solomon Editor of Wantok: Leo Wallwa Acting Advertising Manager: Anthony Lilou

Advertising deadlines Display bookings: Monday, midday Camera ready copy: Tuesday, midday Classified advertising: Wednesday 2 pm

Regional office: Suite Haus Tias, Second Street Lae, P.O. Box 1726, Lae, Morobe Province Phone/fax 42-0618 Phone 42-1562 District Manager: Alphonse Pu Papers distributed by air throughout PNG. Available by airmail subscription within Papua New Guinea and overseas Australia & New Zealand Representatives: Tonkin Media Pty Ltd PO Box 101 Avoca Beach NSW 2251 Aust. Sydney, James Tokin, (043) 85 1746 Melbourne, Glen Smith, (03) 907 2311

PO Box 1982 Boroko NCD Papua New Guinea

Narokobi no amamas long sik bilong ol abus kam long PNG

AGRIKALSA na Laipvstok Minista, Bernard Narokobi i no amamas long sik bilong ol animel na ol diwai, purpur na kaikai bilong ol arapela kantri i kam insait long PNG na bagarapim ol abus bilong mipela.

Olsem na em i mekim strongpela toktok i go long ol Kwarantint Opisa long kantri long was na sekim gut ol boda eria. Na tu taim ol animel, diwai samting, na kaikai bilong ol kakaruk i kam insait long kantri.

Mista Narokobi i autim dispela toktok bihainim wanpela lukluk raun we em i mekim i go long Risets na Kwarantint ot opis bilong Agrikalsa na Laipvstok Dipatmen long Kilakila insait long Mosta dispela wik.

Long dispela taim tu, Mista Narokobi i bin odaim Dairekta bilong Kwarantint seksen, Gapi Kula na Deputi Seketeri bilong Teknikel Divisen, Ted Sitapai long painimaut long wanpela pasel we i gat long em ol kaikai bilong ol kakaruk we Ilimo Fam ibin odaim. Tasol taim ol kwarantint opisa i sekim, ol i painim olsem em i gat sampela pipia na binatang insait we i ken kamapim sik na bagarap long ol animel na diwai samting long hia.

Mista Sitapai na Mista Kula i tok plastik kaikai bilong kakaruk i bin kam long Australia. Tasol wanem hap tru ol bai painimaut long em.

Tasol Mista Narokobi i tok maski ol man i no minim na salim ol dispela samting i kam insait long kantri o em i wanpela asua,

VERONICA HATUTASI i raitim

mas gat gutpela wok sekap long ol samting i kam insait long kantri.

"Mipela i no inap long resis long kamapim ol mit na poltri prodak o salim na baim samting fri wantaim ol arapela kantri sapos kantri i nogat ol samting bilong sekim na kontrolim ol kain sik olsem", Mista Narokobi i tok.

Hevi we i bin kamap long Makam Veli i no longtaim i go pinis we ol animel i kisim sik long ol binatang i bin kamap bikos long dispela kain asua tasol, Minista i tok.

Wanpela long ol sik bilong ol kakaruk we kwarantint opis i no laik stret long kam insait long PNG em long wanpela sik ol i kolim long 'Nu Kasel disis'. Dispela sik i bikpela long ol kakaruk long Indonesia, we i save kilim dai hariap planti kakaruk tru. Na opis i sekim gut tru nogut sik ya i kam olsem long boda sait bilong Irian Jaya na PNG.

Dokta bilong ol animel wantaim Kwarantint seksen, Ilagi Puana i bin tok mipela long PNG i laki tru long wanem i nogat bikpela sik i stap long ol animel bilong mipela.

Tasol dipatmen i wokim wanpela stadi nau long kirapim wanpela prosek long sekim ol bafalo we ol opisa i painimaut olsem sampela bilong ol i gat sik ol i kolim long 'bovain TB'.

Mista Ilagi i tok ol i kisim

helpim long AusAID wantaim K11 milien long go hetim dispela program na ol arapela moa prosek bilong divisen bilong ol.

Mista Sitapai na Mista Kula na arapela wanwok i bin kisim Mista Narokobi long lukluk raun i go long ol opis na laboretori we ol save sekim ol animel, pis na ol arapela samting moa long taim ol i laik salim ol i go ausait long kantri. Dispela em i namba wan taim bilong wanpela minista i raun long opis na ol laboretori we i save sekim na lukautim ol kaikai samting i kam insait na lusim kantri tu. Ol dispela em ol i bikpela samting tru long laip na sindaun bilong yumi na i gutpela olsem ol masin na ol ikwipmen long laboretori imas stap na wok gut. Na tu imas gat inap man save long mekim ol dispela wok.

Tasol bihain long lukluk raun, minista i painimaut long tupela samting we gavman mas lukluk nau tasol. Em long mani i sot long lukautim ol masin na wok bilong divisen. Na tu divisen i sot long ol saveman long go hetim ol wok.

Mista Narokobi i tok agrikalsa i lukautim 85 pesen long ol pipel bilong yumi husat i stap long ol rurel eria. Na em i sori tru long lukim olsem nogat gutpela wok kamap na helpim i go long lukautim ol samting insait long Kwarantint Divisen. Olsem na em bai wokim wanem samting em i ken mekim long helpim dipatmen long taim em i stap olsem Agrikalsa minista.

Buk bilong Misis Havini autim moa hevi long PNG sekyuriti fos

PAPUA Niugini i mas redi long ansa long wanpela indipenden traibunel long ol rong we Stet i mekim long bagarapim laip na sindaun long ol pipel bilong Bogenvil.

Dispela i stap insait long wanpela nupela buk we i ripotim ol trabel, bagarap na dai insait long Bogenvil stat yet long Me 1988, i kam inap nau. Buk ya i gat 46 pess olgeta. Na samting olsem 99 pesen long dispela buk o ripot i autim ol indai na bagarap we ol PNG sekyuriti fos na ol resisten paitman grup long Bogenvil i mekim. Long ol bagarap we ol Bogenvil Revoluseneri Ami lain i wokim insait long 7-pela yia bilong trabel long ailan, buk ya i ripotim 10-pela rong tasol.

Ol rong we ol i ripotim long dispela buk i karamapim kilim dai, bagarapim meri, ambus o banisim na kilim dai, bagarapim sindaun na laip, paitim nogut na ol sampela arapela moa rot olsem bilong bagarapim laip na sindaun bilong ol pipel.

Nem bilong buk em "Compilation of human Rights Abuses Against

the People of Bougainville -1989-1995." Na Marilyn Taleo Havini, husat i memba bilong Bogenvil Freedom Muvmen long Australia i raitim dispela buk ya. Dispela grup i sapotim pait bilong ol BRA long mekim Bogenvil i kamap kantri bilong em yet. Buk ya i kam aut long las mun tasol.

Marilyn em i meri bilong Moses Havini, wanpela strongpela BRA lida na mausman husat i stap long Australia. Marilyn i bilong Australia. Tasol em i bin lusim Bogenvil bihain long em i maritim Moses, man Buka.

Sapos man i ritim buk ya, em bai kisim strongpela tingting olsem ol PNG ami na sekyuriti

fos tasol i wokim planti bikpela rong long ol pipel bilong Bogenvil. Na ol lain BRA i nogat. Bikos i gat moa long wan tausen rong na bagarap long olgeta hap long Bogenvil meri ya i raitim kamap long dispela buk.

Sampela lain husat i lukim dispela buk i tok buk i autim wansait ripot tasol. Ol i tok ripot ya i no wankain long tupela sait wantaim. Bikos ol BRA tu i wokim planti rong long bagarapim sindaun bilong ol pipel long Bogenvil. Planti pipel husat buk i ripot olsem ol i dai i stap laip yet. Na sampela ol birua we BRA i wokim, ol i sutim tok gen long ol ami na resisten paitman grup.

Ol primia tok Micah Komiti no tokaut long kos bilong Provinsal Gavman Rifom

SAPOS provinsal gavman sistem i kos bikpela mani long ranim, olsem wanem long pinisim dispela sistem na edministresen bilong nupela sistem. Dispela bai kos liklik mani o bikpela mani? Inap gavman i ken katim daun kos na i no ken pinisim provinsal gavman sistem?

Dispela tupela askim i stap insait long wanpela ripot pepa ol primia i givim i go long Praim Minista Sir Julius Chan.

Long dispela ripot bilong ol, ol primia i tokaut long Praim Minista Sir Julius olsem Palamentari Bai-Patisen Komiti Ripot bilong Provinsal Gavman i no tokaut long kos bilong putim kamap na ranim nupela sistem. Ripot ya i tokaut tasol long sampela nupela senis. Tasol ol dispela senis bai kos bikpela mani long putim kamap na ranim.

Ol i tok aninit long histori, i bin gat ol

GODFRIED YASSAFAR i raitim

Provinsal Atoriti long 1970. Ol nesenei memba bilong palamen i stap olsem ol memba bilong atoriti. Na Seksen 16 bilong Ogenik Lo bilong Provinsal Gavman i givim okorait long ol nesenei memba long kamap memba bilong provinsal asembli.

"Ol lain husat i bin paitim toktok long provinsal gavman sistem pastaim long Papua Niugini kisim indipendens, i tok olsem koloniel gavman sistem we bai putim pawa na atoriti long wanpela eria tasol bai kos bikpela mani na tu i no gutpela. Ol gavman sistem we bai givim aut pawa na atoriti gutpela long Papua Niugini," dispela ripot pepa bilong ol primia i tok.

Arapela bikpela samting, ol primia i tok, i olsem wok bilong wokim disisen i go moa klostu long ol pipel. Olsem na ol disisen i kamap i mas kamap aninit long tingting na laik bilong ol pipel. Tasol nau gavman i laik bringim olgeta pawa i go bek long wanpela eria tasol we ol lain ong bipo i egensim.

Ol i tok: Mipela i no ken putim asua i go long provinsal gavman sistem long ol hevi kamap. Bikos dispela sistem o ol arapela sistem i gutpela. Tasol ol pipel husat i ranim sistem i save bagarapim. Ol lain husat i save ranim dispela sistem em nesenei gavman na ol ejensi bilong em. Taim wanpela man i toktok long yusim mani krangi, em i no toktok long sistem. Em i toktok long ol politisen na pablik sevan husat i stap insait long dispela sistem.

ASKIM LOKOL STUA BILONG YU

- Strongpela sop bilong klinim ol samting
- Bilong wasim ol klos, wok bilong haus kuk na tu ol arapela wok na samting



Wanpela sop tasol we yu ken yusim long solwara !!

- Gutpela na strongpela na i ken stap longpela talm.
- Isl long yu ken klism

Distributed by **CBChee** LAE: 42 1333 HAGEN: 52 1579

Bilong Holsel Seving



WANTOK

NIUSPEPA BILONG OL PAPUA NIUGINI STRET

Noken hariap long ol rifom

Bikpela toktok i stap yet long ol senis em bai kamap long wok bilong provinsal gavman insait long kantri. Palamen bai bung gen neks wik, na givim namba tu vot long dispela bilong rifom.

Pangu, bikpela pati insait long kolisen gavman bilong Chan/Haiveta i tokaut pinis long dispela wik olsem em i no nap vot long ol senis long taim palamen i bung.

Gutpela ol primia i putim pinis sampela gutpela askim bilong ol long ol dispela rifom. Bikpela askim em Micah Komiti i no tokaut long kos, na sampela arapela samting long ol dispela rifom gavman i laik kamapim.

Bikpela samting em i nogat mani bilong karimaut ol dispela senis. Olsem na i gutpela long larim ol rifom i stap pastaim inap kantri i gat mani. Em i no samting bilong hariap. Bikpela samting em stretim hevi bilong mani insait long kantri pastaim.

Nius bilong Bougainville

Planti yanpela dring hombru bia

VERONICA HATUTASI i raitim

OL MERI long Bogenvil i wari tru nau long ol yangpela man long provins. Bikos planti bilong ol i wok long dringim hombru bia na kamapim hevi long ol yet, na tu insait long ol wanwan komyuniti.

Hombru em strongpela dring bilong spak, we ol yangpela man yet i wokim long ples, bihain long ol i kukim ol mau prut olsem banana, painapel na ol arapela prut moa.

Presiden bilong Provinsal Kaunsil bilong ol Meri long ailan, Agnes Titus i tokaut long dispela samting long dispela wik.

Em i tok ol mama na ol meri grup long provins i wari tru. Bikos long nau yet, i nogat inap marasin o gutpela samting long lukautim ol yangpela man long taim ol i kisim asua, bihain long ol i kisim krangki hombru.

Olsem na Misis Titus i autim singaut bilong ol meri husat i laikim aweanes kempen i mas kamap. Na tokaut long ol hevi we hombru i ken kamapim long bodi bilong man.

Ol mama, Misis Titus i tok, i wari tru bikos planti pikinini man husat i drigim hombru em bodi bilong ol i no luk gutpela nau. Hevi long hombru i moa yet long Buka Ailan. Na nau yet i wok long go insait long bikples Bogenvil tu.

Drigim hombru i kamapim ol kain hevi we wanpela long ol em hevi long kidni. Nau yet i nogat inap marasin na dokta long Bogenvil long stretim dispela kain sik.

Narapela samting ol mama i wari tru long en em planti yangpela man i no givim bek ol gan na ol arapela samting bilong pait i go long ol atoriti. Na taim ol i spak long ol hombru, ol i ken yusim ol samting ya long pait sapos ol i kros o bel nogut long narapela.



● Ol mama na grup bilong ol sios i kempen egensim pasin bilong wokim hombru bia.



● Ol emti ges kontena bilong wokim ol hombru bia. Bikpela kempen i kamap na ol yangpela man givim ol i go long ol atoriti.

Tupela meri lida go long Beijing, Saina

TUPELA meri lida long Bogenvil bai go long Beijing, Saina. Dispela em long stap insait long bikpela kibung bilong ol meri, husat i memba long ol Non Gavman Ogenaisesen long wol.



● Helen Haken, seketeri bilong Katolik Wimens Asosiesen.

Nem bilong dispela tupela meri em Agnes Titus na Helen Haken. Agnes em Presiden bilong Provinsal Kaunsil bilong ol Meri long provins, na memba bilong Bogenvil Transisene Gavman. Helen em i seketeri bilong Asosiesen bilong ol Katolik meri long Bogenvil.



● Agnes Titus, presiden bilong provinsal Kaunsil bilong ol meri long Bogenvil.

Wanpela NGO grup bilong Australia ol i kolim long Intanesenel Wimens Developmen Ejensi (IWDA) i sponsarim dispela wokabaut bilong tupela meri ya.

Bai stori long hevi long Bogenvil

Misis Titus i tok olsem long stat long las yia yet, ol meri long Bogenvil i bin mekim ol wok redi bilong dispela kibung. Olsem na tupela i redim pinis ol samting we ol bai toktok long em long dispela kibung.

Em i tok ol i redim pinis ol pepa bilong karim wantaim ol i go long Beijing.

Dispela em ol samting olsem ol stori we i toktok long ol hevi we ol mama, pikinini na ol meri long Bogenvil i bungim long taim bilong trabel long ailan. Na tu tupela i gat ol vidio piksa we i stori long ol dispela hevi. Tupela meri bai lusim Bogenvil long namel bilong mun Ogas long stap insait long bung. Bung bai stat long namba 30 de bilong mun Ogas.

WANTOK

NIUSPEPA BILONG OL PAPUA NIUGINI STRET

P.O. Box 1982 BOROKO
telepon Namba: 25 2500
Feks Namba: 25 2579

PE BILONG WANPELA YIA 52 NIUSPEPA

| PLES | AIR |
|-----------------------|---------|
| Mosbi | K30.00 |
| Arapela PNG eria | K60.00 |
| Australia na NuSilan | K92.00 |
| Esia pasifik na Japan | K123.00 |
| Amerika na Yurop | K180.00 |

BIABIA GO HOLIDE LONG PLES...



NAU EM PAINIM WANPELA OLPELA BOM NA MEKIM WANPELA DAINAMAIT NA GO PAINIM PIS... SSSSS



NAU EM I GO TESTIM LONG SOLWARA...

EM TINGTING LONG GO PAINIM PIS

TASOL EM I LES TRU LONG KALAR. IGO DAUN LONG WARA... NAU EM TINGIM WANPELA AIDIA...



TASOL!... YU SAVE PINIS... EM POPAIA NA BAGA NOGUT KLOSTU BUNGIM MATMAT...



Wok stat nau long Mamagota bris

WOK long kirapim Mamagota wof o bris we ol sip bai sua long en long Siwai eria bilong saut wes Bogenvil bai stat nau.

Dispela i bihainim wanpela Memorandum bilong Andastending (MOU) o tokorait we ol papagraun na nesene gavman i bin sainim long las wik.

Distrik menesa bilong Saut Wes Interim Atoriti, Joseph Noro i bin makim maus bilong ol pipel na papagraun husat i tokorait long dispela projek i kamap long graun bilong ol na kam long Mosbi long sainim MOU wantaim ol lain bilong gavman, na man i makim helpim grup bilong Australia, AUSAID. AUSAID i givim K1.9 milien long wokim dispela bris.

Mista Noro i tok ol i kisim tu liklik helpim wantaim K6,000 i

kam long Pablik Invesmen Projek mani long mekim bris ya.

Long wokabaut bilong ol i go long Bogenvil long mun Epril las yia, palamenteri grup bilong Australia i bin kisim askim i kam long ol pipel bilong Siwai long helpim sanapim wanpela bris long Mamagota.

Gavman i amamas long ol papagraun i wanbel long larim wok ya i go het long hap graun bilong ol.

Mista Noro i tok ol pipel i lukim olsem bris ya bai helpim ol tru long kisim sevis i go long eria bilong ol.

Em i tok tu olsem sanap bilong bris long Siwai bai opim planti moa bisnis wok long eria. Na tu bai mekim isi long ol smol groa o fama long salim ol kakau, kopra na ol arapela samting moa we ol i laik salim long kisim mani.

Pangu makim tupela kendidet long Tewai-Siasi bai ileksen

PANGU Pati i no paul nau long wanem samting bilong mekim. Bikos nau yet, em i makim pinis tupela kendidet long makim em long Tewai Siasi bai ileksen long Morobe provins, em bai kamap long Julai 8-14.

Na sapos ol bikman bilong pati i no stretim dispela hevi bipo long ileksen, dispelabai givim sans long ol arapela pati o indipenden kendidet long win.m Bikos Pangu bai paulim vot bilong ol i go i kam.

Seketerj bilong Pangu Pati brens long Siasi nau yet i no amamas long kendidet husat i makim Pangu Pati long resis. Nem bilong dispela kendidet em Roden Aigal. Na Morobe Rijonal Memba, na

YAKAM KELO i raitim

Minista bilong Leba na Emploimen, Jerry Nalau i makim Mista Aigal long resis long dispela sia long tiket bilong Pangu.

Ol stori i kam i tok olsem dispela kendidet i no winim sapat bilong olgeta Pangu Pati memba long Siasi ailan.

Seketeri bilong Pangu brens, Alex Koro i salim wanpela ripot egensim kendidet bilong Mista Nalau. Em i tok bai ol i skulim komiti bilong ol long wok egensim, na winim Mista Nalau na kendidet bilong em.

Long ripot bilong Mista Koro, em i tok Pangu Pati brens long

Tewai Siasi i makim pinis spika bilong Morobe provinsal gavman, Isaac Narol long sanap long dispela bai ileksen olsem Pangu Pati kendidet.

Mista Koro i tok bai Mista Narol i mas holim dispela sia bilong Tewai Siasi inap 1997 nesenel ileksen i kamap. Na olpela memba, Peter Garong yet i ken go bek na resis long winim.

Pangu Pati brens long Tewai Siasi i makim Mista Narol long resis. Na ol bai yusim sain bilong Pangu Pati antap long posta na ol kempen pepa bilong em.

Ripot bilong Mista Koro i tok sapos Mista Narol i win, em bai wokim rot bilong Mista Garong

long go bek long palamen long 1997. Ol i laik yusim Mista Narol long banisim dispela sia bilong Tewai Siasi olsem sia bilong Pangu Pati man stret.

Narapela Pangu memba long Wasu distrik, Yambi Irun i tok ol papamama na skul tisa long Tewai Siasi no inap votim kendidet bilong Jerry Nalau.

Ol tisa i kisim toksave pinis olsem Mista Nalau i bin tok long paitim ol tisa long taim ol i bin straik. Dispela em long taim olgeta skul tisa insait long kantri i bin holim tupela wik straik long potnait pe na kondisen bilong ol.

Mista Irun i tok ol manmeri i skelim Mista Nalau olsem wan-

pela man husat i nogat tingting moa long kamapim gutpela helpim long Morobe provins.

Long 1992 i kam inap 1995 mipela i no harim wanpela gutpela helpim o development bilong em long pipel. Mista Nalau i no mekim wanpela samting long taim bilong em long palamen, Mista Irun i tok.

Mista Irun i tok ol i save harim tasol em ol stori bilong Mista Nalau i rausim ol manmeri long setelmen.

Na dispela em piksa bilong lapun man husat i nogat strong na save moa long lukautim ol pipel wantaim gutpela save na tingting.

PNG bai lukaitim bikpela Pasifik Ailan Nius bung long Jun

OL niusman long olgeta hap bilong Pasifik rijon bai bung long Papua Niugini long pinis bilong mun Jun. Dispela em long stap insait long Pasifik Ailan Nius Asosiesen (PINA) bung, em i ave kamap long olgeta yia.

Dispela bai namba wan taim bilong PINA long holim bung bilong em long Papua Niugini, long Jun 26 i go inap long namba 30 de.

Moa long 85 niusman meri long rijon, wantaim bilong Australia, Yunaited Stet ov Amerika, Japan, na planti Pasifik Ailan kantri, bai kamap long bung bilong PINA. Long PNG yet em moa long 70 niusman meri wantaim ol bikman bilong gavman bai stap insait tu long bung. Praim Minista Sir Julius Chan bai opim dispela bung long Mande moning, Jun 26 long Islander Hotel, Mosbi. Sir Charles Maino, olpela Sief Ombudsmen bilong PNG, bai mekim sampelatok tok tu, bihain long praim minista.

7-pela bung bai kamap

Bung bilong 1995 bai kamap aninit long het tok: "Pipel, Nius na Gavman"

Long dispela wanpela wik bung, bai gat 7-pela kibung we ol nem niusman meri na gavman bikman bai toktok long ol wok bilong kisim nius tude. Namba wan kibung bai kamap long Mande long belo taim. Na ol bai paitim toktok long "Wok bilong kisim ol Bisnis Nius".

Rowan Callick, husat i bin stap wantaim Word Publishing, na nau wantaim Australian Financial Review, bai bungim sampela dita na ol bisnis bikman, na toktok long rot bilong kisim ol gutpela nius. Dispela em long wok bilong promotim kantri long ol ovasis lain i kam inves o wokim bisnis long hia.

Namba tu kibung bai kamap long Tunde moning, Jun 27 long Islander Hotel. Het tok bilong kibung ya em: "Pacific Visions". Kibung i bilong paitim toktok long

Bung bilong 1995 bai kamap aninit long het tok: Pipel, Nius, na Gavman.

lukim ol ovasis kantri i lukim Pasifik olsem wanem. Na ol niuspepa na televisen wantaim redio long rijon i ken apim gutpela nem bilong rijon olsem wanem.

Ol lain bilong go pas long kibung ya em ol bikman bilong PNG Dipatmen bilong Foren Afeas na Tred na Solomon Ailan Gavman, wantaim Lucy Palmer bilong Australia Asosiet Pres

(AAP) na David Robie, wanpela sinia nius tisa long Yunivesiti bilong Papua Niugini.

Namba tri kibung bai luluk long "Raskol pasin na rait bilong pablik long save long wanem raskol pasin i kamap". Anna Solomon bilong Word Publishing bai go pas long kibung ya. Kibung bai toktok long we ol niusman i ken raitim ol raskol pasin stori long ol liklik sosaiti, na rot ol redio wantaim niuspepa na televisen i ken wok bung wantaim plis.

Ol arapela lain bilong go pas long dispela kibung bai kam long Royal Papua Niugini Plis Konstebuleri, EM-TV, Cook Islands News na Tonga Nius Asosiesen. Long Tunde apinun, ol lain i kamap long bung bai go piknik long Loloata Ailan Risot. Long hap, ol bai holim namba 4 kibung.

Na bai toktok long wok bilong ol niusman meri ogenaiesen na media trening program.

Namba 5 o 6 kibung bai kamap long Trinde moning, Jun 28 long Islander Hotel. Namba wan kibung bai luluk long "Ol Hevi insait long Pasifik Rijon: Na ol rot bilong ripot long tupela sait wantaim."

Sorariba Nash bilong UPNG bai go pas long dispela kibung, we bai ol i toktok long ol hevi olsem bilong Bogenvil, Irian Jaya, Is Timo, Nu Kaledonia na taim ami tekova long gavman long Fiji.

Ol arapela lain husat bai sindaun long fran bilong kibung em Sean Dorney bilong ABC na Wally Hiambohn bilong Post Courier.

Ol bai toktok long ol hevi bilong kisim ripot long hap pait i kamap, na hevi bilong kisim stretpela ripot long tupela sait husat i gat hevi.

Namba 6 kibung bai luluk long "Hevi bilong dispela graun we i kapsait long Saut Pasifik: Rot bilong skuim na mekim ol pipel long lukautim envoironmen." Man i go pas long dispela kibung em Frank Senge Kolma, edita bilong The National niuspepa.

Ol arapela lain bai sindaun wantaim em long fran long tebol em Meg Taylor, Alfred Sasako bilong Saut Pasifik Forum, na

Monica Miller, Presiden bilong PINA. Dispela namba 6 kibung bai toktok long we ol niuspepa, redio na televisen long Pasifik i ripot long wok bilong ol biknem kantri long testim bom long Pasifik solwara, wok bilong lukautim envoironmen bilong bus, solwara na graun.

Namba 7 na las kibung bai kamap long belo taim long Fonde, Jun 29. Na bai luluk long "Wok bilong kisim nius long hap i gat hevi olsem graun i bruk". Oseah Philemon, edita bilong Post Courier.

Kainkain woksop bai kamap tu

Bai gat sampela woksop tu we bai skulim ol memba bilong dispela PINA bung long wok bilong ripotim nius long televisen, askim kwesten long kisim nius, raitim nius, redio stesin menesmen, brodkas long wokim profit mani, kisim poto, edvetaising na maketing long media, yusim ol komyuta long media, mekim ol media wok i kisim inap profit mani, wok bilong sios long autim nius long ol komyuniti, wok wantaim ol palamen memba olsem pres opisa, sosisip na kopirait lo, skul bilong kamap niusman meri, wok bilong ol meri long media, na planti moa topik. Ol arapela samting em bai kamap long dispela PINA bung em welkam BBQ em Lod Meya bilong Mosbi bai holim, bung em US Embasi na Australian Hai Komisen bai holim, Minerel Risoses Developmen Kopresen (MRDC) bai holim wanpela belo kaikai, wanpela ron bilong Air Niugini i go long Goroka long Fraide long ol nupela lain i kam long PNG.

Rejistresen fi

PINA bung i op long kainkain manmeri i laik save long wok bilong redio, televisen, niuspepa na gavman. Em i no bung bilong ol niusman meri tasol. Sapos yu laik stap insait long bung, bai yu baim K40 rejistresen fi. Fi ya i karamapim ol memba bilong PINA tasol.

Ol lain i no memba bai baim K100 fi. Wanpela de rejistresen long kamap long wanpela bung tasol, bai yu baim K30 fi. Ol niusman meri bilong PNG wantaim ol studen ken rejista long K10 tasol.

Ol bikpela sponsa bilong dispela PINA Bung ken rejista nating tasol, we ol i no inap long baim fi.

Sapos yu laik save moa long rejista, ringim Anna Solomon long telipon namba 25-2843 or Sharon Onsa long Nau-Fm long telepon namba 20-1996. Yu ken salim feks tu long Sharon Onsa long dispela namba: 20-1995.



F28 balus popaia

□ Poto is soim F28 smok balus bilong Air Niugini em i bin pundaun long Madang ples balus bilong Madang ples balus las wik. Balus wantaim ol pasindia insait long en i popaia long stap na abrusim ranwe i go daun olgeta long solwara. Poto: Alphonse Bariasi.

TU MINIT TINGTING

PASIN GRIDI LONG MANI

WANPELA wokboi bilong king i wokabout aninit long wanpela tri masalai na me i harim wanpela nek i tok olsem long em, "Mi inap givim 7-pela botol pulap long golston long yu. Yu laik kisim ol o nogat?" Man ya i lukluk nabaut na i no lukim wanpela man i stap, nau em i singaut strong moa, "Yesa! Mi laikim ol dispela botol tumas." Nau nek ya i tok moa olsem long em, "Orait. Yu ran tasol i go long haus na bai yu painim dispela 7-pela botol i stap."


Man i mekim, na tru tumas, em painim 7-pela botol; 6-pela i pulap tru long golston; na namba 7 em i pulap hap tasol. Man i lukim dispela na em i laik pulapim dispela namba seven botol tu. Olsem na em i bungim olgeta bilas gol bilong famili na ol i kukim na em i kapsaitim dispela gol i go daun long botol. Tasol em i no pulap yet. Orait, nau man ya i hapim kaikai na i go bun nating, long wanem, olgeta pe bilong me i lus long baim golston bilong pulapim dispela botol. Tasol, sore, botol i no pulap yet.

Nau em i go long king na i askim king long apim pe bilong em. King i lukim dispela man i go bun nating na i askim em, "Olsem wanem? Yu gat sik samting? Pastaim pe bilong yu i liklik, tasol yu hepi tru. Ating - ating yu gat dispela 7-pela botol golston i stap wantaim yu?"

Wokboi i kalap nogut na i tok, "King, olsem wanem na yu save long dispela samting?"

King i lap tasol na i tok, "Yu luk olsem wanpela man Satan i bin traim wantaim dispela 7-pela botol golston. Mi save pinis. Satan i bin traim mi tu. Em i laik givim dispela 7-pela botol long mi na mi askim em, "Mi askim em sapos i orait long mi ken yusim ol dispela golston bilong baim kain kain samting. O mi has holim tasol ol dispela golston na lukluk nating long en. Satan i no bekim tok long mi. Em i pasim maus tasol na ranawe i go."

Nau king i skulim man olsem: "Sapos yu holim mani nating na



FRANK MIHALIC i raitim

yu tambu long yusim em, bai yu laik kisim oltaim moa moa mani. Bai yu kisim sik long dispela skrap skrap long mani. Harim! Mobeta yu givim bek dispela 7-pela botol golston long Satan, na bai bel bilong yu i hepi gen."

Mani em i narakain samting. Pastaim ol tumbuna long olgeta hap bilong graun i no gat mani bras a mani pepa. Nogat. Ol i

save senisim tupela samting: olsem brus wantaim saksak, o yam wan taim pis. . . .na i go olsem. Tasol planti dispela samting i bikpela tumas na ol i no inap karim i go i kam. Olsem na ol i stat long yusim hap pepa o hap bras o ain samting.

Ol yet i givim strong long dispela pepa o bras olsem tude yumi save givim strong long sek bilong yumi. Yumi inap raitim sek inap long K10 o K100. Wanpela sek i luk olsem wanpela hap pepa nating, tasol nogat. Yu sainim em na em i gat pawa nau.

I gat wanpela gutpela skul i stap i insait long yumi. Yumi wan wan i olsem hap pepa o hap bras nating. God na ol gutpela pasin bilong yumi i putim pawa insait long yumi. Sampela manmeri i luk olsem naispela hap pepa, tasol ol i no gat pawa insait long ol.

Ausait bilong ol i naispela, tasol insait bilong ol i stap nating. Na sampela arapela pipel i luk olsem mani pepa i doti, tasol insait long ol i gat bikpela pawa i stap.

Orait, nau yumi askim yumi yet: Yu husat tru? Insait bilong yu i gat

pawa na namba long ai bilong God, o nogat? Yu hap pepa o bras nating? O yu gat namba?

I gat wanpela skul yet long mani; em i go olsem:

Mani em inap baim wanpela bet - tasol em i no inap baim slip.

Mani em inap baim kaikai - tasol em i no inap mekim yu laikim kaikai.

Mani em inap baim wanpela huas - tasol em i no inap baim helt.

Mani em inap baim planti buk - tasol em i no save inap baim save.

Mani em inap baim okain gan - tasol em i no inap bel isi.

Mani em inap baim ol sekyuriti - tasol em i no inap tekewe pret.

Mani em inap baim hul matmat - tasol em i no inap long baim heven.

1 Timoti 6:10 i gat dispela strongpela tok bilong Sen Pol: "Pasin bilong laikim tumas mani em i as bilong olgeta pasin nogut."

Mosbi Asbisop amamas long nupela buk

VERONICA HATUTASI i raitim

KATOLIK Asdaiosis bilong Mosbi i autim pinis wanpela buk i soim stori na poto long lukluk raun bilong Pop John Paul 2 i kam long PNG long Janueri 17, 1995. Dispela em long luksave na wokim lotu bilong Blesed Peter ToRot, namba wan lotu bilong Is Nu Briten long kisim namba bilong kamap Santu.

Buk i kamap aninit long het tok: "Blessed Peter ToRot ... A Martyr of the Church".

Insait long dispela buk, tupela samting i kamap long ples klia we Asbisop Sir Peter Kurongku i tokaut long en.

Asbisop i kisim ol ripot i kam long ol peris we i soim olsem planti moa yangpela pipel i wok long go long ol sios sevis. Dispela i winim ol taim bipo.

Na i no ol yangpela tasol. Namba bilong ol pipel nau husat i save go lotu i go antap insait long olgeta peris long Mosbi.

Asbisop i amamas tru long nius ya. Na em i givim luksave long wokabout bilong Pop John Paul 2, wantaim lotu bilong Blesed Peter ToRot olsem as bilong strongim bilip bilong ol Katolik pipel long Mosbi na Papua Niugini wantaim.

Narapela samting tu we Asbisop Kurongku i amamas long en em long gutpela wok we Post Printing kampani long Mosbi i bin mekim long putim wantaim gut tru dispela piksa na

stori buk, wankain tasol olsem ol buk we ol ovasis kampani save prinim.


"Bikos wok bilong prinim buk i bin kamap insait long kantri yet, dispela i givim sans na wok long ol pipel bilong mipela yet. Na nau bai ol pipel i ken baim buk long liklik mani we i no dia tumas sapos ol ovasis kampani i prinim.

"Long planti taim mipela i save rong long givim wok i go long kampani ausait long kantri. Bikos mipela i ting olsem ol bai mekim gut wok. Tasol mipela i rong. Na dispela nupela buk i soim tru long ples klia olsem Papua Niugini yet i ken kamapim ol top kwaliti buk tu," Asbisop Kurongku i tok olsem long bung bilong autim dispela buk long las wik Fraide, Jun 2.


Asbisop Kurongku i tok em yet i bin kamapim aidia long putim wantaim wanpela buk we i ken stap olsem rekot na memori long wokabout bilong Pop John Paul 2 i kam long kantri.

Dispela em i namba wan taim bilong Katolik sios long kantri i putim aut kain buk long kantri we i gat ol kain piksa na stori bilong pop. Buk i gat tu piksa bilong ol bikman bilong sios long kantri.

BUK i gat 63 pes olgeta. Na i kos K5 long wanpela. Ol manmeri i ken baim buk ya long ol Katolik haus lotu insait long kantri.



• Sir Peter Kuronku (lephan) i sainim nem bilong em long nupela buk na wanpela bikman bilong Post Printing kampani, Allan Robinson i sanap lukluk.



• Fran bilong nupela buk i soim wokabout na lukluk raun bilong Pop John Paul 2 i kam long PNG long lotu bilong Blesed Peter ToRot i kamap Santu.

Kamap 'Disaipel tru bilong Jisas' kos kamap long Kamberatoro

STAN RANGA i raitim

WANPELA bikpela skul bilong kamap 'Disaipel tru bilong Jisas' i bin kamap long Kamberaro Katolik peris, Sandaun long stat bilong mun Me.

Dispela skul em Sista Julian Hunter bilong Lote Pastorel senta i bin go pas long givim, na toktok moa long pasin bilong bihainim Jisas.

Kos ya i ron long 4-pela de olgeta stat long Me 8 i go inap long Me 12. Planti manmeri i bin kamap na kisim dispela kos. Na ol i amamas na laikim tru long lukim kain kos na skul olsem i mas go het insait long ples we planti manmeri long bus i no save yet long toktok bilong Bikpela.

Sista Julian wantaim Katekis Willie Pasika tupela i bin go pas long givim dispela kos. Moa long 35 manmeri long ol liklik ples insait long Kamberatoro peris i kamap.

Pastaim long dispela skul i kamap long Kamberatoro, wankain skul olsem Katekis Robbie Dati i bin givim long ol Katolik manmeri long Utai peris. Bikpela namba tri i bin sindaun long dispela kos.

Ples Ayati bai holim Baibel kem

ARI GUH DANDEE i raitim

PLESD Ayati long Kaindi insait long Wau, Morobe provins nau i wok long redim ol samting bilong holim kamap wanpela bikpela Baibel kem o bung.

Baibel kem ya bai kamap long namba wan wik bilong mun Julai long namba 4 de i go inap long namba 9 de.

Wanpela Evanbjelis long hap, Mista Nathaniel Mataias i tok em i amamas long lukim olsem dispela beibel kem i mas long strongim kristen bilip bilong ol yangpela manmeri long eria.

Mista Mataias i tok ol i autim pinis ol yut grup long eria olsem long Bulolo, Mumeng na Wau eria yet long kamap long dispela baibel kem. Namba bilong grup ol i makim long kamap em 20 olgeta, we i makim 300 yangpela manmeri.

Dispela em i bikpela samting tru. Na bel bilong planti grup nau i wok long kirap long stap insait long dispela kem. Insait long dispela kem, bai ol yangpela na bikman meri wantaim i skul long tok bilong God, em God i kisim bek yumi na God i givim yumi samting.

Mala Yaom bilong ELC-PNG long Lae bai go pas autim dispela gutnius long bung. Bai gat tu planti kainkain stadi na ol pilai i kamap long helpim dispela stadi.



LAS wiken long pentekos Sande, Jun 4 i bin festede bilong Bomana Holi Spirit Seminari Koles ausait tasol long Mosbi siti.

Logg amamasim dispela bikde bilong koles, spesel misa o lotu i bin kamap long haus lotu bilong ol yet long koles, we bos bilong ol daiosisen studen, Pater Gabriel Tovo i bin go pas long en. Eitpela arapela pater i bin bung wantaim long mekim dispela spesel misa. Haus lotu i bin pulap tru long ol kristen manmeri

Bomana Seminari amamasim festede

husat i bin stap long misa bilong amamasim bikde bilong ol yangpela man i skul long kamap pater long seminari. Misa lotu i bin go gut tru wantaim ol gutpela singsing bilong ol lain seminari yet. Wangepela grup bilong ol Solomon Ailan studen long Bomana yet i

bin putim klos bilong tumbuna long pilai musik na danis, na bringim ofa i go long alta long taim bilong misa.

Pater David Halstead long toktok bilong em i bin strongim ol yangpela man long kisim wantaim ol laik i kam long Holi Spirit, na ol yet i ken go aut long olgeta hap bilong graun long autim gutnius bilong Jisas Kraus.

Em i tok taim ol yangpela man i kisim trening long kamap olsem ol minista bilong God, ol i kisim salens long bihainim laip na stap bilong Jisas.

Pater David i makim toktok bilong em long hop. "Insait long ol hevi, ol pait, ol paul tingting i gat yet hop. Olsem hop we Holi Spirit i karim antap long ol man long Pentekos Sande tu, tausen yia i go pinis."

Em i tok Pentekos Sande long dispela yia i gat mining long ol kantri long Yurop husat i stap long pait 50 krismas i go pinis. Long dispela de, Pater David i tok, ol i tingim planti meri, pikinini na ol gutpela man husat i dai bikos liklik lain i laik bosim na lukautim ol pipel.

"Larim 1995 Pentekos Sande i givim nupela hop na save i go long yupela ol yangpela man taim yupeia i karim aut wok bilong yupela olsem ol minista bilong God namel long ol pipel", Pater Halstead i tok.

"Hamamas Wik" stat pinis long Tabubil

ELIZABETH LENY i raitim

LONG dispela longpela Kwins Betde wiken, bai i gat planti samting i kamap long olgeta hap bilong dispela kantri. Long wankain taim, ol pipel long Tabubil, Westen provins bai lukim planti kankain samting.

Amamas bilong ol i stat pinis long Tunde Jun 6, na bai i go inap long Jun 11. Ol i save kolim dispela longpela amamas wiken olsem "Hamamas Wik".

Man husat i go pas long dispela Hamamas Wik, Albert Eketetoni i tok bai gat ol singsing grup na ol arapela pilai grup i go long Tabubil long soim Kalsa na stail bilong ol. Dispela ol grup bai kam long ol arapela kantri olsem Nu Silan na Australia long Mosbi, long ol hailens rijon na long Is Sepik na Sandaun provins.

Long Nu Silan em Moari Kalsa grup bai kamap. Na tu bai gat wangepela grup bilong ol pani man, na ol lain husat i save wokim kankain pait olsem karati i kam long

Australia.

Long Australia yet bai wangepela grup bilong ol man husat i save wokim kankain trik, we bai holimpasim stret ai bilong ol manmeri na pikinini.

Grup bilong Is Sepik em ol i kolim long "Suanumbu singsing grup".

Dispela grup i kam long Yangoru distrik.

Pari singsing grup bai kam long Pari ples long Sentrel provins.

Ol Asaro Mudmen bai kam long Goroka, Isten Hailens provins. Na tu bai gat ol lain Afrika na Kuk Ailan, husat i staap long Mosbi. Ol bai kamap long Tabubil na wokim danis bilong ol.

Bai i gat ol narapela singsing grup olsem Manus na Motlok tu bai go long Tabubil. Dispela ol grup em ol lain i stap long Mosbi yet.

Bai i gat ol narapela samting olsem Biuti Kwin Kontest. Dispela em bai kamap namel long ol yangpela meri husat i stap insait long Tabubil yet.


Ol narapela samting bai kamap em ol kankain pilai olsem ragbi lig na basketbal.



• Absisop Carl Hesse i wokim lotu long odnesen bilong Dikon Louis Lobosi bilong Torokina peris, Bogenvil. Dikon Louis Lobosi em i wangepela greduet bilong Bomana semina, ausait tasol long Mosbi siti.

YU NO INAP WINIM

TOYOTA HILUX 4x4 DABOLCEBIN



Dispela kar tasol em i bikpela na strongpela 1 tonne 4 wil draiv kar long Papua Niugini Toyota Hilux i givim yu nambawan 2800cc disil pawa na i gat 5 pela gia, nambawan ples bilong sindaun bilong 5 pela man. Na i gat ol arapela samting olsem ol TJM Bulba, em bilong pasim ol bulmakau na ol bikpela wil. Yu no inap mekim wangepela samting sapos yu no gat dispela Toyota Hilux 4WD. Bikpela spea pat na sevis divisen bilong Ela Motors long olgeta hap insait long Papua Niugini i sapatim dispela nupela kar.

 **TOYOTA**

Ela Motors



• Ol woka i wokhat long rausim wanpela man em haus i pundaun karamapim em long Neftegorsk siti long Sakhalin Ailan, is sait bilong kantri Rasia. Long las mun, bikpela guria i bin kamap long hap na bagarapim moa long 3,200 manmeri na pikinini. Nau yet ol helpim woka i painim 654 manmeri na pikinini tasol, husat i stap laip. Wok i go het long painim ol lain em ol pipia bilong haus i pundaun na karamapim ol.



• Tupela meri ranawe long go hait long Trinde Me 24 long SArajevo. Ol bikman i tok ol Sebia paitman i yusim ol strongpela samting bilong pait nau. Na tu ol i bin holimpasim sampela soldia bilong Frans, husat i wok aninit long Yunaited Nesens.




• Anatoli Solovyev long lephan em wanpela estronot o saintis bilong Rasia, husat save go long mun. Ol arapela estronot na trena bilong em i amamasim em. Dispela em long taim em i draivim wanpela ka bilong ranawe long Kennedy Spes Senta long Florida, Amerika. Dispela i bin kamap long wanpela spes trening. Amerika na Rasia i wokbung wantaim nau long ami wok olsem gutpela pren. Dispela em bihain long tupela i sainim agrimen long noken moa resis long mekim strongpela samting bilong pait.




• Collin Yamauchi long lephan i givim ripot long kot bilong O.J. Simpson long Amerika. Mista Yamauchi i tok blut bilong Simpson em Los Enjeles Plis i kisim, ol i no lukautim gut. Olsem na em i no gutpela evidens long painimaut olsem Simpson i kilim olpela meri bilong em, wantaim boipren bilong em (olpela meri).



• Prins Charles (depan) i kamap long Dublin, Ailan long Trinde Me 31. Foren Minista Dick Spring (na aaim aiglas) i hungim em. Diso i an i mamba wan taim bilong wanpela royti aaim mamba bilong Kret Britan i go iuk long Ailan, na ol i kantri i go iuk iuk long Ailan, na ol i kantri i go iuk iuk long Ailan, na ol i kantri i go iuk iuk long Ailan, na ol i kantri i go iuk iuk long Ailan.



• Ol sikret sevis wokman i sekim wanpela ka m Leland Modjeski i papa long en. Lelan i bin kalapim banis waia i raunim haus bilong Presiden Bill Clinton bilong Yunaited Stet bilong Amerika em ol i kolim "Wait Haus". Tasol ol wasman i sutim LElan i go daun long graun. Birua ya i bin kamap long Trinde Me 24.



•Antap: Tupela poto i soim manmeri long dulin, Ailan long Yurop i protes egens nupela lo bilong dokta katim meri long rausim o kilim bebi long bel, em ol i kolim long inglis "abortion". Ol sios na planti pipel i bin egensim dispela lo we i olsem bilong kilim man. Tasol sapot long nupela lo i bin kamap long 1992, bihain long wanpela yanpela 14 krismas meri i bel, bikos man nogut i bagarapim em. Tasol kot i tambuim em long rausim laip bilong bebi.

•Rait: Ol pasindia i slip long bikpela intansenel ples balus long Mosko, biksiti bilong kantri Rasia. Dispela i bin kamap long Trinde me 24, taim ol wokman meri i pasimron bilong ol balus. Bikos ol i mekim sekyuriti sekap long lukautim laip bilong ol pasindia na wokman meri wantaim ol balus na gavman propeti.

WAN SOLWARA NIUS

NIU ZILEN: Wanpela wok painim aut i painim olsem Frens i laik kirapim bek wok bilong em long ol nuklia tes insait long saut pasifik. I gat planti protes agensim dispela, tasol ol saveman bilong dispela kain ol samting long Frens i tok dispela taim ol i laik traim tasol na lukim sapos dispela nuklia tes i gutpela.

Tasol ol opisa bilong Grinpis i tokim ol niusmanmeri insait long wanpela konfrens olsem ol i egensim tru dispela tingting ol Frens i gat. Long wanem ol i gat bilip olsem sapos ol i givim tok orait bai ol i go het long wokim olgeta tes bilong ol.

Igat tingting tu olsem dispela kain tingting ol Frens i gat i bai kirapim tingting bilong ol narapela niuklia kantri we i no gutpela tumas.

NIU ZILEN: Ol man husait i save wokim ol wok painim aut long insait long spes long Sen Frensisko Amerika i painim pinis wanpela niupela wei bilong wokim ol kaikai gro. Long dispela niupela wei bai ol i no nap yusim lait bilong sun, tasol bai ol i yusim ol lait we ol man yet i wokim.

Ol bai yusim dispela wei tu long kain ol hap olsem long Pol we i gat ais tasol na nogat inap lait bilong sun. Ol i bai yusim wara bilong ol rabis bilong ol bihain long ol i tanim kamap gutpela. Dispela bai helpim ol saintis husait i go stap wokim ol wok painimaut.

KIRIBATI: Em i namabawan taim tru bilong dispela pasifik kantri long painim aut olsem i gat ol lain husait i save yusim ol iligel drug insait long kantri. Ol i painim aut dispela bihain long kot i painim olsem wanpela bisnisan wantaim meri bilong em i save salim ol Mariwana drug i go long ol narapela kantri long kisim mani.

NIU ZILEN: Wanpela man husait i go pas long ol Niu Zilen UN piskipa i tok i mas i gat tok orait long Niu Zilen long go insait long dispela pait long Bosnia. Bihainim dispela Palamen i bin go het long painim tingting long dispela, aste. Wanpela narapela inausman i tok i mas i gat tokorait long ol UN long go insait long dispela pait.

AKLEN: Grinpis i bin tokim ol niusmanmeri olsem Niu Zilen gavman mas toktok strong egensim ol Frens long wokim ol Nuklia tes bilong ol insait long Pasifik. Wanpela mausman bilong ol grinpis i tok dispela em i taim bilong Niu Zilen gavman long givim tok klia olsem ol i no laik long dispela tingting bilong ol Frens. Long wanem em i tok Niu Zilen em i wanpela kantri husait i save tok nogat long nuklia pawa. Olsem na em i tok ol i mas tok stret olsem ol i no laik long dispela tingting bilong Frens.

CONCENTRATED CLEANING POWER

**STRONGPELA PAWA
BILONG KLINIM,
NAU IKAM LONG
LIK LIK FAB BAR**





• Ol sumatin bilong yunivesiti i bodi bilong wampela tisa bilong yunivesiti i dai. Oigen Konia bilong Simbu i bin dai taim em i painim wampela birua



• Yangpela Dallas Kila bilong mekim wampela danis wantaim tamborin bilong em long makim stat bilong Ret Sil Apil.



•Dispela ol lain mangi bilong ples lalibu i weitim kot bilong ol, ol i baim moa long K7,000 olsem beil moni. Poto M. Monda

Lephan:
Lapun meri ya bilong Milen Be i wokim stail bilong singsing bilong tumbuna long getwe hotel insait long Mosbi



Daunbilo•
Pilal kas em i wampela wei bilong long traim laki long kisim moni. long ples Lakowaru ol yangpela mangi i pilal kwin long haus man

Raithan.
Ol sumatin bilong Fatima Vocational senta i yusim mambu long wokim haus bilong ol.



Ol ripot bilong Ombudsmen Komisen semina wantaim Elizabeth Leny

Askim bilong Ombudsmen wok mas stap long Tok Pisin na Motu

ELIZABETH LENY i raitim

INSAIT long semina, sampela bikman bilong ol gavman dipatmen insait long kantri i kamap wantaim wanpela tingting olsem Ombudsmen Komisen i mas tanim i go long Tok Pisin na Motu ol buk na pepa bilong ol. Dispela ol buk na pepa we ol i raitim ol polisi na lo bilong ol.

Dispela ol i tok i bilong helpim ol memba insait long Palamen husat i no save long tok Inglis. Na tu sampela ol wokman insait long ol gavman dipatmen na long ol grasrut pipel.

Bikpela samting em dispelabai helpim ol bikman i go daun long ol grasrut pipel long luksave long wok na pawa bilong ol Ombudsman Komisen. Na ol i ken luksave long wanem rot kantri i wok long go o bihainim.

Dispela i bihainim toktok bilong Sief Ombudsmen, Simon Pentanu we em i toktok long sait bilong skulim ol pipel olsem wanpela rot bilong helpim na stapim ol hevi long kamap.

Mista Pentanu i tok olgeta lida, ol grasrut pipel, na ol manmeri bilong arapela kantri husat i kam long Papua Niugini long wok, i mas save gut long wok bilong ombudsmen komisen. Na wanem samting komisen i save mekim sapos ol i no

bihainim lo. Na tu long gutpela skul o wok luksave long go het.

Mista Pentanu i tok i mas gat gutpela pasin bilong kisim toktok long tupela sait wantaim. Dispela tupela sait em ol gavman opisa na ol komiti bilong ombudsmen.

Ol lida no save long lo

Bihainim dispela toktok bilong luksave long ol wok na pawa bilong Ombudsmen Komisen, Minista bilong Stet, Arnold Marsipal i tok planti memba bilong Palamen na ol gavman dipatmen husat i bin go insait long opis bipo, i no bin go long skul long lainim wanem samting em long kamap wanpela lida.

Olsem na yumi i wok long bungim planti hevi. Long wanem dispela ol lida i no wok long bihainim ol lo i stap insait long mama lo bilong Papua Niugini. Tasol em i tok i nogat rong long ol i kamap memba long wanem dispela em i bihainim sistem bilong gavman bilong yumi.

Yumi gat demokretik gavman we i tok wanwan man, yu gat save o nogat rait long sanap long ileksen na kamap memba.

Mista Marsipal insait long toktok bilong em i tok tu olsem long dispela taim insait long kantri bilong yumi, pawa bilong mani i wok long winim ol pipel. Em i tok long

stretim dispela, ol lida i mas lainim ol pipel long luksave long pawa bilong mani. Na long wokim dispela wok yumi nidim ol gutpela na honas lida.

Lida mas kirapim gutpela tingting

Em i tok tu olsem ol lida i mas kirapim gutpela tingting namel long ol pipel we ol i mas gat wankain rait na sans long givim tingting bilong ol long we bilong ranim kantri.

Em i tok planti taim ol wokman bilong gavman na ol politison i save krungutum na abrusim gutpela we bilong yumi em Melanesian we.

Taim dispela i kamap yumi save nogat gutpela sindaun long sait bilong stretpela pasin na pasin bilong kisim wankain sans long olgeta samting. Sapos yumi lukluk gut long dispela ol liklik samting, em i tok bai kantri bilong yumi bai kamap gut.

Long lukluk gut long wok bilong tupela sait wantaim em ol Ombudsmen na opisa bilong gavman, ol papa bilong dispela kantri i putim insait long Mama lo bilong dispela kantri dispela sistem ol i kolim Ombudsmen komison. Em i stap olsem wasman bilong ol pipel long lukluk na stretim wanem we gavman i wok long wok. Dispela komisen i bin stat wok long taim kantri i bin kisim independens.

NEC bai sekap long kamapim Humen Raits Komisen

SIEF bilong Ombudsmen Komisen Simon Pentanu i tok Nesanel Eksekutiv Kaunsil bai painim tingting long wokim kamap dispela Humen Raits Komisen long kamap olsem wanpela independen komisen.

Tasol nau long dispela taim mama lo i givim rait long Ombudsmen Komisen long mekim ol wok painimaut na sasim ol lain husat i mekim rong aninit long dispela lo bilong Humen Raits.

Ol i no kirapim wok bilong dispela komisen long kamap wanpela independen bodi yet. Bikos i no gat inap mani yet.



• Ol bikman i bung long wanpela wan de awenes bung bilong Ombudsman komisen i bin kamap long Ailanda Hotel long Mosbi.

Gat tingting bilong Ombudsmen bungim ol Palamen Memba

I GAT wanpela tingting olsem bai gat wanpela semina bilong Ombudsmen Komisen wantaim ol memba bilong Palamen. Dispela bihainim wanpela askim bilong sampela bikman bilong ol gavman dipatmen long taim bilong semia.

Dispela tingting i bin kamap bihain long sampela bikman bilong ol gavman dipatmen i autim tingting bilong ol. Long wanem planti ol toktok ol i mekim i bihainim sampela pasin ol memba bilong palamen i save mekim.

Bihainim dispela askim, Sief Ombudsmen Simon Pentanu i tok i bin gat wanpela tingting olsem long las yia, na komisen i wok long lukluk yet long dispela. Na i luk olsem wanpela dispela kain semina bai kamap bihain long ol i stretim sampela samting.

Ovasis wokman meri

Wanpela narapela wari wanpela bikman em Siaman bilong Nesanel Brodkasting Sevis, Sir Alkan Tololo i bin askim em long sait bilong ol lain long arapela kantri husat i save kam long PNG long wok long kain ol hap olsem ol yunivesiti.

Sir Alkan i tok planti bilong dispela ol lain i wok long traim long pinis long wok bilong ol. Bikos ol i no laik long stap aninit long ombudsmen komisen.

Bihainim dispela, Mista Pentanu i tok dispela ol lain husat i save kam wok em ol lain husat i gat bikpela save. Na sampela taim ol i ken givim tingting long ol man bilong dispela kantri long mekim sampela samting i no gutpela tumas. Olsem na ol i mas stap aninit long komisen. Na komisen bai save long wanem

samting ol i wok long mekim. Dispela em long sekim olsem ol i kam long mekim wok ol i kam long en o nogat.

Nau long dispela taim, komisen tu i wok long bungim yet planti hevi long sait bilong kisim helpim bilong ol gavman dipatmen, na ol narapela gavman ejensis long mekim wok bilong em.

14-15 komplem long wanwan de

Wanpela bikman bilong ombudsmen komisen, Joe Waugla i tok insait long wanwan de, i save i gat samting olsem 14 o 15 komplem i kam long ol. Na i save lukluk na skelim dispela komplem bihain ol i tingting long wanem samting bilong mekim.

Ol i save salim dispela ol komplem inap long ol gavman dipatmen yet i stretim i go bek


long ol. Na sampela ol i save salim notis long kisim toktok long stretim dispela ol komplem. Dispela kain ol komplem em ol bikpela komplem.

Na planti taim ol gavman dipatmen i no save mekim wok bilong ol long givim toktok long stretim dispela ol komplem.

Na taim dispela i kamap, komisen i save salim samons pepa long dispela ol opisa husat i no mekim wok bilong em.

Komisen iu no laikimgdispela long kamap. Olsem na ol i mas wok bung wantaim ol.

Komisen i tok em i wok long go long wanpela rot tasol em long helpim pipel o pablik. Na sapos wanpela i no mekim wok bilong em, bai narapela tu i no inap mekim wok bilong em. Na kantri bai bagarap olgeta.



TELIKOM

TOK


OL I TESTIM MOBAILSAT TELIPON LONG OK TEDI

Ol Opisal bilong Telikom Papua Niugini na Optus Australia long las wik i testim ol mobail setilait telipon long hetkwata bilong Ok Tedi em long Tabubil.

Dispela liklik telipon em yu ken karim raun wantaim i gat 20 kilogram tasol na i save kisim pawa long 12 volt bateri na i gat wanpela antena bilong em i save makim ol ples we ol satelait bilong Optus i sta antap long namel bilong wol (equator). Dispela mobailSat telipon em ol i ken putim long olgeta hap bilong Papua Niugini insait long tupela minit tasol bilong mekim long telipn na faks toktok i go long wanem hap long PNG na Ovasis tu.

Toktok i kamap olsem Ok Tedi Mining Limited bai baim samting olsem 20 telipon long Telikom long yusim long ol ol Sip i save karim kopa i go daun long Fly Wara na tu bilong ol Envaromen Saintis husat i wok long Ok Tedi Wara sistem.

Ol narapela ol mining kampani olsem CRA, Placer Pacific na British Petroleum i soim laik bilong ol tu long baim dispela ol mobailsatelait telipon. Telikom bai soim ol memba bilong Chamber of Mines and Petroleum long rot bilong ol Mobailsatelait telipon long wok long Mosbi long neks wik.



• Tupela wokman bilong Ok Tedi Main i traim dispela MobailSat telipon long sait bilong Maunten Fubilon Gol na Kopa Main. Photo: John Samar

Nau mipela i tok tok!

Ombudsmen no bilong painim ol rong lida tasol

PLANTI pipel i gat dispela tingting olsem Ombudsmen Komisen i stap long painim ol rong tasol bilong ol lida. Dispela i no stretpela tingting.

Bikos komisen i stap long gutpela bilong gavman, na bilong olgeta pipel bilong dispela kantri.

Dispela em toktok bilong Sief Ombudsmen, Simon Pentanu.

Em i mekim dispela toktok long wanpela de semina o kibung bilong

Ol ripot bilong Ombudsmen Komisen semina wantaim Elizabeth Leny

ombudsmen komisen long las wik.

Semina i kamap long Islander Hotel long Mosbi long Fonde Jun 1. Astingting bilong dispela semina em long kliam wok na pawa bilong ombudsmen komisen long pablik. Helpim grup bilong Jemani, Friendch Ebert Faundesen (FES) i sapotim kamap bilong dispela semina.

Mista Pentanu i tok moa olsem nau yet kantri bilong mipela i wok long bungim planti hevi long sait we ol lida i wok long yusim ol pablik mani na propati, na we ol i wok long ranim ol opis bilong ol. Dispela pasin i wok long kamap olsem wanpela samting nating. Na yumi noken larim dispela long kamap.


Em i tok dispela pasin i wok long kilim dispela

kantri. Na sapos yumi ol lida i no traim helpim na stretim, bai yumi kamap olsem ol arapela kantri husat i wok long bungim kainkain hevi. Naem i wok bilong wanwan lida long luksave long wanem samting em i mekim.


Na sapos em i bihainim lo o nogat.

Em i tok i gat lo ol i kolim lidasip kod, we ol lida i mas bihainim i stap insait long mama lo bilong dispela kantri. Insait long dispela lo i

gat sampela samting we ol i no inap mekim olsem ol man nating. Taim ol i no bihainim dispela ol lo, em nau em dispela taim we ombudsmen bai kam insait na lukluk long stretim dispela rong. Mista Pentanu i tok komisen i no save kam long painim rong tasol. Em save traim long helpim dispela lida long luksave long wanem em i bin go rong, na tu long stapim em long



• Simon Penantu



• Dokta Aikon Tololo

mekim moa rong na na trabel.

Sir Alkan Tololo skruim tok

Bihainim dispela tok-tok, Siaman bilong Nesenel Brodkasting Komisen, Sir Alkan Tololo i tok ombudsmen komisen i gat dispela hevi. Bikos ol pipel i gat rong tingting long we na wok bilong komisen.

Dispela i save kamap long wanem planti taim ol niuspepa, redio na televisen i save toktok long wanem rong komisen i painim namel long ol lida.

Olsem na ol pipel i gat dispela tingting olsem komisen i stap long painim rong tasol bilong gavman.

Long stretim dispela, Sir Alkan i tok komisen i mas mekim planti wok luksave long wanem wok bilong ol, na wanem samting ol i mekim long helpim dispela kantri.

Long mekim dispela wok luksave, ol i mas yusim sampela kain rot we planti pipel i ken harim long wankain taim yet.

Em i tok redio em i wanpela gutpela we bilong lainim ol pipel long dispela ol samting.

Mista Pentanu i tok sampela astingting bilong dispela semina em long lukluk long wok ol yet i mekim.

Dispela em long bipo, nau na bihain taim. Em i tok long luksave long wanem rot ol i wok long go, komisen i mas kisim toktok long bikman bilong ol gavman dipatmen.

Dispela ol bikman i mas tokim ombudsmen komisen ol hevi bilong ol. Long displea we, ol i ken traim lukluk na senisim wok bilong ol.

Em i tok tu olsem pasin bilong kisim helpim na wokbung wantaim ol gavman opisa em i bikpela samting tru.

Gutpela wok bilong dispela ol lain husat i kam aninit long lidasip kod, na ol arapela bikman i bai bringim gutpela tingting namel long ol pipel.

Na bai helpim ol lida long wok gut na helpim ol pipel na kantri.

AGAUN

ALOTAU

ARAGIP

AMAZON BAY

BALIMO

BAIMURI

BINIGUN

CAPE V

DARU

EFOGI

ESA'ALA

FANE

FINSCHAFFEN

GOROKA

GUASOPA

IHU

IOKEA

KAGI

KITAVA

KIUNGA

KEREMA

KIKORI

KURI

LAE

LESE

LOSUIA

MALAL

MANAR

MANUMU

MENDI

MISIMA

MT. HAGEN

NOWATA

ONONGE

PARAM

POPONDETTA

PORGERA

PORT MORESBY

PUMANI

RABARABA

SAFIA

SALAMO

SAMARAI

TABABIL

TARI

TAPINI

TERAPO

TUFI

VIVIGANI


WANIGELA

WEDAU

WEWAK

W...

Y...



Boatbuilder, Panaeati Island, Milne Bay Province

1995

PAPUA NEW GUINEA



...when you next travel within Papua New Guinea... fly with an airline that allows you to experience destinations that reflect the true PEOPLES, FACES and PLACES of Papua New Guinea... fly with MBA.



MBA PTY LIMITED. JACKSONS AIRPORT, PORT MORESBY. P.O. BOX 170, BOROKO, PAPUA NEW GUINEA PHONE: 325 2011, 325 2102 FAX: 325 2219 OR CONTACT YOUR NEAREST TRAVEL AGENT

PAWAI LAIP STAIL

Tingim kain pren yumi gat wantaim solwara na graun

ELIZABETH LENY i raitim

DISPELA wik long Mande Jun 5, mipela amamasim gen Wol Environmen de. Planti taim yumi toktok long environmen de. Na planti pipel i save tingting long sait bilong development tasol. Dispela kain ol tingting olsem taim yumi katim diwai yumi mas planim bek ol diwai bilong ol lain bihain long yusim. Yes dispela em i tru. Tasol i gat wampela bikpela samting sampela bilong yumi save lus tingting na sampela i no save.

Dispela samting yumi save lus tingting em pren o wokbung em yumi gat wantaim dispela ol diwai, bus gras na plawa. I gat planti ol narapela pren we yumi gat wantaim ol. Kain ol samting olsem pos bilong wokim haus, kanu, ol i save givim kaikai na planti narapela samting. Tasol wampela bikpela samting tru em dispela ges yumi save pulim.


Ol diwai, gras na plawa i save givim mipela dispela ges ol i kolim oksijen na mipela save givim ol ges ol i save kolim kabondaiok-said.

Dispela em i namba wan pren yumi ol man i gat wantaim ol. Na yumi olgeta (plents na ol man) long tupela sait wantaim i mas i gat wankain sans long kisim dispela ol ges. Sapo wampela sait i no kisim inap ges bai em i dai. Na taim em i dai bai narapela sait tu bai dai.

Pasin bilong katim ol diwai nating, nating i ken bringim dispela hevi. Olgeta taim yumi katim ol diwai, yumi wok long sotim dispela oksijen ges na wankain taim yet larim dispela ol kabondaioksaid ges i raun i stap nating. Dispela ges i no gutpela long mipela ol man na i ken bringim narapela ol hevi.

Hai wara na dai wara

Long dispela taim bai yumi lukim olsem ol hai wara na drai wara i wok long kamap nating nating na hariap tumas. Ol i save kam taim ol pipel i no redi na save bringim kainkain hevi long sait bilong helt a



• Olgeta taim yumi katim diwai, yumi wok long sotim dispela oksijen ges em ol diwai save kamapim long mekim mipela stap laip. Dispela em mipela mas tingim.



• Wara i gat bikpela wok long helpim mipela ol pipel bilong graun. Sapos mipela no lukautim ol gut, wara i no inap gutpela. Na mipela no inap dring gutpela wara.

kaikai. Haiwara na draiwara long dispela taim i no save kam long bilong em stret.

Wampela eksampl em long sepik wara. Sepik wara i save solap bihain long tenpela yia.

Tasol dispela haiwara we i bin kamap i kam hariap tumas bihain long tripela yia tasol. Yumi mas save olsem olgeta samting i gat as bilong ol.

Olsem na dispela kain draiwara na haiwara i gat as bilong em.

Tasol planti bilong yumi no save long as bilong dispela kain ol samting.

I gutpela olsem yumi save long as bilong dispela ol samting na bai yumi train helpim long stopim. Na long wankain taim yet bai yumi luk-save long wanem samting i wok long kamap na bai yumi redim yumi long dispela kain ol taim nogut.

Long dispela taim bai yumi olsem kainkain industri na faktori i wok long kamap long olgeta hap. Yumi mas save olsem olgeta faktori i save wokim planti pipia taim ol i wokim ol samting olsem ol sumuk, bisket na planti ol narapela samting.

Sampela ol pipia i save go aut olsem ol strongpela pipia na ol narapela i save go aut olsem ol ges o simok.

Dispela ges i save go aut em olsem mi tok pinis antap, em kabondaioksaid.

Dispela ges i gat tupela bikpela wok. Wampela em olsem mi tok antap we ol plents i nidim. Na narapela em dispela ges i save helpim helpim long holim ol hot bilong san.

Faktori na ges nogut

Na taim planti faktori i wok long kamap, planti ges tu i wok long kamap. Em nau hevi i save kamap long dispela taim. Long wanem taim yumi i gat planti bilong dispela ol ges, bai ol i holim planti hit. Olsem na sampela taim bai yumi pilim olsem ol ples i bai hot nogut tru.

Em nau taim ples i hot ol ais long ol ples olsem Alaska long not pol i wok long melt i kam go daun long solwara na ol liklik wara. Dispela em i as bilong ol kainkain senis i wok long kamap we ol haiwara i wok long kamap araip tumas na taim nogut i wok long kamap nating.

Sief Haidrologis bilong Papua Niugini i bin tol insait long Post Courier niuspepa bilong Fonde 11 Mei olsem planti bilong dispela ol taim nogut bai i kamap yet. Ol kain samting olsem ol strongpela win na ol haiwara. Long wanem taim bilong dispela ol samting i wok long senis.

Em i tok ol lain i stap arere long namabis bilong Papua bai lukim olsem ol bai kisim planti ol bikpela win. Dispela ol win bai i bikpela moa yet long ol win i bin kamap

long yia i yia i go pinis. Bai i gat ol bikpela ren long ol hap antap long hailens na ol bikpela wara olsem Flai, Kikori na Makam bai tait. Olsem na yumi mas save olsem bai i gat planti bilong dispela hevi bai na bagarapim laipstail bilong ol pipel.

Olsem na yumi mas redi tasol. Long wankain taim yet, yumi ken helpim long stopim. Wampela wei em long noken katim ol diwai nating.

Diwai gen helpim mipela

Long wanem ol diwai i ken helpim mipela long yusim dispela ol kabondaioksaid na long wankain taim yet givim mipela inap oxijen. Na long wankain taim yet givim tingting long gavman long putim ol long kamapani hussait i igat ol faktori long painim narapela wei we ol i noken wokim kamap planti bilong dispela ol ges nogut. Dispela em ol liklik samting planti bilong dispela ol ges nogut. Dispela em ol liklik samting, tasol ol i save wokim kamap ol bikpela samting we i save bagarapim laipstail bilong mipela.

Olsem na moabeta sapos yumi save long dispela kain ol samting

Lo, Oda na Jastis grup helpim tu long stretim Bogenvil

VERONICA HATUTASI i raitim

HEVI long Bogenvil bai kisim taim long stretim.

Bikos planti pipel i dai, planti i kisim bagarap na planti ol arapela samting long olgeta hap bilong ailan i bagarap.

Mipela i save olsem mipela yet em ol man wantaim tingting long ol stretpela pasin, rong pasin na mipela i gat ol pilings tu. Olsem na i no isi long pogivim husat man i kilim dai pikinini, papamama, man bilong yu o poroman stret bilong yu.

Long kisim dispela piksa long sindaun nau long Bogenvil, mipela i noken ting olsem sindaun bai kamap orait kwik. Nogat ya, em bai kisim taim long stretim tingting bilong ol pipel, moa yet ol yangpela long pasin bilong pogivim rong bilong wanpela arapela, kamapim wanbel pasin na sekan wantaim ol birua bilong ol.

Olsem tasol na long helpim wantaim wok bilong kamapim gutpela sindaun long Bogenvil, sampela sios, komyuniti na Non Gavman Ogenaisesen o helpim grup i wok i go hetim ol progrem bilong ol long ailan nau. Ol grup ya i no bikmaus tasol ol iharim singaut bilong ol sief na bikman husat i laikim ol long go na wok insait long ol wanwan komyuniti bilong ol.

Faundesen bilong Lo, Oda na Jastis

Wanpela long ol grup ya em Faundesen bilong Lo Oda na Jastis (FLOJ). Grup ya i bin karim ol progrem bilong em i go

long Buka long 1992. Bruder Pat Howley em i kodinetim progrem ya. Na nau yet em i wokim dispela wok.

Long helpim em i go hetim ol wok progrem insait long wanwan eria, em i trenim ol trena.

Long Buka nau i gat sampela trena husat i helpim Bruder Pat long ol wok long Not Solomons, na tu long ol arapela hap long Papua Niugini husat nau i singautim em long karim ol progrem long provins bilong ol.


Eksampela em long Is Sepik, Simbu na i no long taim i go pinis, sampela NSP trena i bin harim askim bilong ol ol bikman long Aroma eria insait long Sentrel provins long FLOJ long kirapim ol progrem long distrik bilong ol.

Nem bilong ol kos em long Konplik Resolusen kos.

Insait long kos, ol man i kisim skul long rot bilong stretim ol hevi insait long famili, komyuniti na namel long wanwan man na husat em i gat rong o belhevi wantaim. Kos i givim lidasip skul i go long ol lida insait long komyuniti, sios na ples.

Planti yangpela pipel long Buka i bin sindaun long ol kos ya stat yet long 1992. Na sindaun bilong planti i kamap gutpela nau. Planti ol yangpela man long Buka we tingting bilong ol i paul na bagarap long taim bilong bikpela hevi long Bogenvil i kisim bek gutpela tingting nau na ol wok wantaim ol pipel na ol lida insait long wanwan komyuniti long kamapim gutpela sindaun.

Long dispela yia, Bruder Pat wantaim ol trena bilong em i



• Wanpela trena i kisim setifiket pepa bihain long em na ol arapela i pinisim konplik resolusen kos long Buka. Melissa Groome bilong Lo, Oda na Jastis Faundesen i givim setifiket long man ya. Bruder Pat Howley i sanap long lephan

kisim kos i go long bikples Bogenvil. Long ol yia bipo, bikpela hevi ibin pasim bruder long go insait long hap wantaim ol progrem, maski ol bikman i putim rikwes bilong ol long em.

Sot long mani em i wanpela samting we i save kamapim hevi long faundesen i go hetim ol wok progrem bilong em long Bogenvil na insait tu long ol arapela hap long kantri.

Tasol Bruder ino save givap. Em i save painim yet ol rot long kisim fainensel helpim long gavman, ol NGO grup na husat moa grup long kantri na ausait husat i laik givim helpim i go long ol pipel long Bogenvil.

Long nau, tupela voluntia woka bilong Yunaitet Nesens baj i helpim bruder wantaim wok long Bogenvil na Aroma.

Japan gavman helpim

Bruder Pat i tok gavman bilong Japan i givim mani helpim long tupela man long go

hetim wok bilong FLOJ.

Wanpela voluntia bai i beis long Arawa long kodinetim ol Konplik Resolusen kos long Bogenvil. Bikos Arawa em i namel hap na i gat haus bilong slip long em, ol i putim man ya long hap. Orait, narapela bai i stap long Aroma bilong ronim wok bilong komyuniti jastis long hap.

Orait, Arawa, Torokina na Buin em ol ples insait long bikples Bogenvil we ol kos stat pinis long ol.

Long ol ripot, Bruder Pat i tok ol pipel i laikim tru CR kos long helpim ol skul bilong stretim ol belhevi na ol iken kamapim gutpela sindaun bek long Bogenvil.

Torokina

Long Torokina we i stap long wes kos Bogenvil, moa long 40 pipel ibin sindaun long kos. Insait long grup, tupela lapun husat i gat krismas namel long 70 na 80 yia. Tupela lapun ya i bin sindaun long tripela wik kos olgeta.

Arawa

Tupela kos i kamap pinis long Arawa. Tasol ol kos ya i no bin stat hariap bikos ol pipel i no kisim gut toksave. Na tu ol bin gat hevi yet long kain sindaun ol i gat.

Bruder Pat i tok long nau, ol pipel i daunim ol dispela hevi isi na ol i redi long go hetim ol progrem we ol bai i ranim long Arawa Hai skul eria.

Em i tok tu olsem ol trabel we tupela man husat i karim ol kago bilong ol na ol BRA i bin kilim dai ol klosut long Arawa i stapim kos long go het long stat bilong mun Me.

Buin

Long Buin olgeta lain i wok gut wantaim long go hetim CR kos. Ol sekyuriti fos memba, BRA, resiten memba, ol sief na ol bikman long ples i wok bung wantaim long kamapim

gutpela sindaun long distrik.

Ol i wokim tripela kos pinis na trena long hap i kisim planti nem pinis long lista bilong ol lain husat i laik stap insait long narapela kos.

Bruder Pat i tok Kepten Steven (komanda bilong sekyuriti fos long Buin) i putim pinis askim long bruder sapos em i ken kisim kos i go long ples bilong em long Bitapaka insait long Is Nu Briten. Em i pilim olsem ol pipel long hap i laikim helpim bikos planti pipel i stap long hap bihain long hevi bilong maunten paia las yia na planti pipel ibin lusim ol asples bilong ol na ol i stap long Bitapaka nau.

Long Buka nau, wanwok bilong bruder Wendy Clancy bai i givim trening i go long ol meri long wok bilong kaunseling. Bihain ol bai karimaut ol wok insait long ol ples long helpim ol meri we hevi long Bogenvil i bagarapim sindaun na laip bilong ol.

Bihain long dispela kos i ron gut long Buka, ol bai kisim tu i go long bikples Bogenvil.

Bruder i tok tu olsem bihainim singaut na laik bilong ol bikman long Aroma kos, tupela trena bilong Buka ibin statim pinis progrem long hap long las mun. Tupela em long Mary Rafon na Leonard Tsitua. Ol bai wok long Aroma inap long 13 pela wik. Long dispela taim tu, ol bai trenim sampela pipel bilong hap yet long go hetim ol wok taim tupela i go bek long Buka.

Dispela ol kain kos tasol we FLOJ i wokim long Bogenvil bai i helpim long kamapim bel isi pasin, helpim ol yangpela long stretim tingting bilong ol na bihain tasol long sekan pasin i kamap, gutpela sindaun iken kamap bek long Bogenvil. Planti pipel long Bogenvil i lukim gutpela skul bilong FLOJ na ol i singautim Bruder Pat long kisim kos i go long wanwan eria bilong ol.



• Sampela lain long Buka husat i bin stap long dispela kos long lainim pasim bilong pogivim narapela.

Ol yangpela nogat bilip long ol yet



• Ol yangpela mangi bilong Wewak taun i limlimbur long wanpela Fraide. Planti bilong ol nogat bilip long ol yet long mekim kamap sampela gutpela samting long painim gutpela sindaun.

ELIZABETH LENY i raitim

NAU long dispela taim sapos wanpela i askim ol pipel long wanem samting gavman o memba bilong ol i wokim insait long ol ples bilong ol, bai ol i tok mipela i no save wanem samting em gavman na mipela i no laik save long wanem samting em i wok long wokim.

Long wanem ol samting em i wok long mekim i bilong gutpela bilong ol tasol na i no bilong helpim mipela. Taim ol i tok mipela i no save wanem samting em gavman, i no min olsem ol i no save, nogat. Ol i gat save tasol ol i nogat moa bilip long gavman. Dispela i bihainim ol toktok ol i save ritim long niuspepa, harim long redio na lukim long televisen long ol samting i save kamap insait long gavman.

Gavman em ol pipel

Dispela tingting em i no gutpela tumas. Long wanem gavman em ol pipel. Ol pipel i stap na gavman i stap. Na taim ol pipel i nogat bilip long gavman bai ol i nogat bilip long ol yet tu. Na taim ol i nogat bilip long ol yet ol i no inap long helpim ol yet. Na taim ol i no inap helpim ol yet, ol bai nogat samting olsem kaikai na gutpela ples bilong slip. Taim ol i nogat dispela ol samting, em nau ol i save go stil na mekim raskol pasin. Narapela pasin em i no stret em ol i save mekim em long singaut long mani long ol publik ples.

Dispela pasin em i bikpela tru namel long ol yangpela. Na i soim tru olsem dispela ol yangpela i nogat tru bilip long ol yet. Bai yumi tok wanem? I gat bikpela sore tru long dispela kain pasin. Long wanem em dispela ol yangpela husat bai kamap ol lida bilong dispela kantri long bihain taim. Sapos yumi larim dispela pasin long go het, traim tingim taim dispela ol yangpela i marit na i gat famili, pikinini bilong ol bai gat wankain pasin olsem papa bilong ol. Dispela pasin bai stap yet na bai gat planti moa husat bai nogat bilip long ol yet. Na bai gat moa hevi.


Dispela em bikpela hevi tru insait long kantri bilong mipela. Na bai yumi mekim wanem nau?

Ating namba wan samting i mas kamap

em ol lida i mas traim na kirapim gutpela tingting namel long ol pipel pastaim. Long kirapim dispela gutpela tingting ol i noken toktok tasol long wanem em bai ol pipel i tok em mauswara tasol ya. Na tu ol pipel i nogat moa bilip long ol lida husat i save toktok tasol. Long wanem planti ol toktok bilong ol i no save karim kaikai. Na tu long dispela taim ol pipel i laik lukim ol lida i wokim wok tru wantaim han bilong ol. Pasin bilong wok bung wantaim ol piel olsem ol yut. Na pasin bilong bringim wanpela kam daun long level bilong ol pipel na sindaun kaikai wantaim ol em wanpela wei bai kirapim gutpela tingting namel long ol pipel na bai ol i bilip long ol lida na gavman. Na bai kantri bilong yumi ken go het.

Tingting long asples

Na sapos yumi laik stretim dispela hevi namel long ol yangpela olsem mi tok antap, yumi mas tingting go bek pastaim long ol asples bilong yumi. Long wanem planti bilong dispela ol yangpela i save kam long taun long wanem ol i save ting olsem laipstail bilong taun em i moa gutpela long ol samting i stap long ples. Na tu planti ol samting long taun i save pulim ol yangpela i kam long taun. Olsem na mobeta ol lida i mas tingting long developim na skulim ol pipel bilong yumi long ol as ples pastaim. Taim mi tok long developim, mi min long gutpela developmen. Long kirapim gutpela laipstail insait long ol ples. Na dispela kain laipstail i mas stap namel long ol niupela na olpela wei. Long dispela wei ol pipel bai i no nap tingting long lusim ol as ples bilong long go long taun.



• Palamen Haus bilong PNG we ol memba save bung na mekim tokorait long ronim kantri. Tasol oi pipel i nogat bilip long ol memba.

Na tu long helpim ol yangpela long taun yumi mas lukluk go bek long ol welfea servis bilong yumi na edukesen sistem bilong yumi. I luk olsem welfea servis bilong yumi i slek na edukesen sistem bilong yumi no gutpela tumas. Long wanem edukesen sistem bilong yumi wok long skulim planti ol yangpela husat i no inap long helpim ol yet. Na welfea servis bilong yumi i no mekim wok long kirapim gutpela pasin namel long famili husat bai kirapim ol gutpela pipel bilong dispela kantri.

Olsem na mobeta gavman i mas traim lukluk long dispela kain ol liklik samting long helpim ol yet na helpim ol pipel na kantri bilong yumi. Em i 20 yia nau long taim yumi bin kisim independens. Na em i taim yumi senisim ol i samting em ol i no wokgut long helpim kantri bilong yumi.

Nau yet yumi wok long bungim planti hevi na planti ol pipel i wok long sutim tok long gavman tasol na i wok long tok as bilong dispela olgeta hevi em ol lida yet i bin kirapim. Olsem na ol i nogat moa bilip long gavman. Olsem mi tok pinis long kirapim dispela gutpela tingting ol lida i noken toktok tasol ol mas wokim samting tru. Pasin bilong wok bung wantaim ol pipel olsem ol yut. Bringim yu yet kam daun long level bilong ol pipel na sindaun kaikai wantaim ol. Long dispela wei bai ol lida i winim bilip bilong ol pipel, kirapim gutpela tingting na ol pipel bai rispektim ol. Ol lida i mas lukluk gut tu long wanem samting ol i wok long wokim long wanem nau long dispela taim ol pipel i wok long save long ol rait bilong ol. Na ol i save lukluk gut tru long wanem samting gavman i wok long wokim.



■ Kanage em i nupela man long Wewak. Em i no save long kain ol we, trik, tokpilai na stail tok tok bilong PS Kantri. Taim em i lusim Lae na i go stap wantaim susa bilong em long Wewak, em i no save raun tumas. Em i save stap tasol long haus.

Wanpela taim Kanage i go lukluk raun long ol Saina stua long Wewak taun. Boi lukluk raun i go na kamap long wanpela stua. Long dispela stua, tupela yangpela meri wok.

Taim Kanage i laik go ausait, wanpela bilong dispela tupela meri kirap na tok: Turu tumas, yu lodim stret ya. Ating hevi bilong em i mas winim wan kilogram.

Kanage harim olsem na em i paul na tanim lukluk long tupela meri ya. Taim em i lukluk long tupela, arapela i kirap na askim: Yu lukluk long wanem, yu laik kisim bikpela bagarap?

Kanage paul olget olgeta long tok Pisin bilong tupela meri ya na tokim tupela: Em orait, yutupela win. Tasol sapos manki Wopa Kantri holim wanpela bilong yutupela, em bai pairap olsem drai bisket bilong Wopa Kantri.

Tupela meri ya lap na tokim Kanage: Sapos yu pilim olsem yu inap. Nogut bai yu lukim taiswara bilong PS Kantri na pret long waswas.

Father Kanage
MOSBI

□ Kanage dring wantaim ol lain wantok long haus bilong em i go na em i spak nogut tru. Ol i mekimsave i go na em i aut olgeta na pundaun na slip.

Em nau tupela wantok bilong em i karim em i go insait long haus. Kanage i bagarap olgeta na i no save olsem tupela wantok i karim em i go insait long haus. Tasol taim tupela wantok i karim em i go insait long haus na i laik putim em i go daun long bet, em i opim ai. Taim em i opim ai, em i lukim wanpela arapela wantok i slip long bet bilong em.

Taim Kanage i lukim olsem wantok bilong em i slip long bet bilong em, em i krai nogut tru na tok: Ai o, dispela em i namba wan taim tru long mi spak nogut tru na lukim wanpela arapela man i papa long bet bilong mi.

Kanage tok olsem na krai na spak bilong emi ranawe. Na em wantaim tupela wantok i go ausait na joinim ol arapela wantok na ol i dring i go inap tulait.

Kanage's Neighbour
POM SITI

■ Kanage maritim wanpela meri Samatex (Samarai). Wanpela taim tambu meri bilong Kanage kukim kaikai pinis na tokim Kanage long kaikai.

Kanage wok long kaikai stap na tambu meri bilong em i wok long lukluk i stap. Em i lukluk i stap na lukim olsem Kanage i no dring ol sup. Em lukluk i go na i no wanbel long Kanage.

Em nau, tambu meri bilong Kanage kirap na tokim Kanage: Man tambu, yu no dring ol sup. Yu save, yu mas dring planti suk na bai yu fak.

Em i laik tok: yu mas dring planti sup na bai yu fat. Tasol maus i popaia.

Kanage harim tambu meri bilong em i tokim em olsem na em i kirap tokim em: Kain olsem bai pikinini meri bilong yu bai komplem olgeta nait. Na yu bai no inap slip gut tu ya.

Yosep Yagrando
NEWAK

Kas bilong atis Kauage

GODFRIED YASSAFAR i raitim

PAPUA Niugini gat planti biknem atis. Dispela lain i save droim kainkain piksa we i toktok long laipstail, pasin tumbuna, sindaun na wokabaut na tu ol arapela samting insait long ples, komyuniti na sosaiti long kantri. Planti taim, dispela lain i save kisim ol wok bilong ol i go long ol ovasis kantri na promotim nem bilong kantri.

Wanpela bilong ol dispela biknem atis em Kauage Mathias bilong Kembogl long hap Simbu Provins.

Kauage Mathias i marit na i gat 6-pela pikinini: 4-pela pikinini man na tupela pikinini meri. Tupela pikinini bilong em, wanpela pikinini man na arapela meri, long nau yet i wok long skul long Kimbe, Wes Nu Briten Provins. Namba wan pikinini meri marit.

Kauage wantaim famili bilong em i stap long Morata 2 long

Mosbi siti. Em wantaim famili bilong em i gat tripela haus long Morata 2.

Long dispela mun, bihain long tripela wik, Kauage bai lusim famili bilong em na go long ovasis.

Dispela em long soim ol piksa bilong em. Taim em i lusim Papua Niugini, em bai go long Australia na stap 6-pela wik. Bihain em bai lusim Australia na go long Jemeni.

Em bai stap tupela mun long Jemeni. Bihain long tupela mun, em bai go long Ingran na stap tupela mun na tripela de. Taim em i pinis long Ingran, em bai kam bek long Papua Niugini.

Taim em i lusim Papua Niugini na go long dispela tripela ovasis kantri, em bai kisim 36 droing o piksa bilong em i go wantaim em.

Sampela yia i go pinis, mi bin harim nem



• Kauage soim disain bilong em.

Long 1968, taim em i yangpela boi yet, em i save wok olsem wanpela klina long Edministretiv Koles-nau nem bilong koles i senis i go kamap Papua Niugini Institut bilong Pablik Edministresen (PNGIPA).

Em i wok i stap na wanpela taim, em i kisim wanpela buk na droim wanpela pisin, diwai, pataplai na grasopa. Bihain em i kisim ol kala pensil na kalaime. Wanpela wokman bilong koles i lukim ol piksa Kauage i droim na em i kalap nogut.

Bikos Kauage i droim gut tru olsem wanpela atis husat i gat bikpela save.

Em nau man ya kisim dispela piksa Kauage i droim na i go soim long wanpela man Jemeni wantaim meri bilong em-tupela i bin tis long Yunivesiti Bilong Papua Niugini dispela taim. Tupela marit ya i kalap nogut long lukim dispela piksa Kauage i droim.

Nem bilong tupela em Uri Paya na Georgina Paya.

Bihain na tupela i tokim Kauage long go na stap wantaim tupela. Na insait long tupela yia (1968-1969) tupela i lainim Kauage long droim ol piksa.

Na tu ol arapela samting we i kam aninit long wok bilong droim ol piksa.

Long 1970, tupela i tokim Kauage olsem em i bikpela man pinis. Olsem na em i mas i go long ples na maritim wanpela meri.

Kauage bihainim toktok bilong tupela na i go long ples. Na em i maritim meri bilong em.

Na em i kisim meri na kam bek long Mosbi. Orait Mista na Misis Paya i baim wanpela haus long Hohola 1 na givim i go long Kauage wantaim meri bilong em.

Tupela i stap i go na Mista Paya i toktok wantaim wanpela poroman bilong em long Nesenel At Skul na man ya i kisim Kauage i go wok long Nesenel At Skul long 9-pela yia. Insait long ol dispela yia, Kauage i save droim ol piksa.

Na ol piksa bilong em i kukim lewa, ai na tingi-

ing bilong planti man-meri. Bikos em i no wanpela saveman. Em i no save long rit na rait long Inglis. Tasol taim em i droim ol piksa, ol piksa i save kamap stret.

Long 1974, Kauage i lusim Papua Niugini namba wan taim na go long Sidni long Australia.

Long 1980, em i go Adelaird long Australia.

Orait long 1987 na 1988 em i go bek long Sidni. Long 1990 na 1994, Kauage i go long Jemeni.

Kauage i tok em i no wanpela saveman o man bilong rit na rait long Inglis. Tasol taim em i go long ol ovasis kantri, ol wasman bilong em i save kisim em raun.

Wok bilong ol wasman em long tanim tok-Inglis i go long tok Pisin na tok Pisin i go long Inlgis. Em i tok taim em save go long Jemeni, waspapa na wasmama bilong em (Mista na Misis Paya) i save lukautim em na kisim em raun.

Long nau yet, Kauage i save wokim olgeta wok bilong em long haus bilong em long Morata 2. Sampela taim, taim ol wantok i go pulap long haus na mekim planti nais, Kauage i no save wok. Em i save sindaun na stori wantaim ol.

Tasol long nait, taim ples i nogat nais, em i save wok i go inap 4 klok o 5 klok moning. Sampela taim em i save wok i go inap tulait.

Kauage i tok gavman bilong Papua Niugini mas luksave long wok bilong ol atis na wokim wanpela bikpela haus.

Na olgeta atis i ken stap long dispela haus na wokim wok bilong ol. Long wankain tam, yusim dispela haus olsem ples bilong salim ol samting bilong ol. Em nau, taim ol turis i kam insait long kantri, ol bai go stret long dispela haus. Na sekim ol wok bilong ol atis na baim.

Ol droing bilong Kauage i stap long planti kantri. Sampela bilong ol dispela kantri em Japan, Australia, Ingran, Jemeni, Indonesia, Amerika na Afrika.

Baha'i Faith

40 Yia long PNG

"Baha'i bilip em i wanpela lotu bilong God we ol pipel yet i bung na toktok long sindaun na hevi bilong ol long ples. Mi bilip dispela em i wankain olsem tumbuna pasin em ol pipel bilong mipela save bihainim long mekim ol samting. Taim planti bilong mipela i joinim Baha'i bilip long wanem hap mipela i stap, mipela i kamapim Lokol Spirituel Asembli. Dispela em i isi long mipela. Bikos Asembli bai toktok. Na olgeta lain bai autim tingting bilong ol wanwan, bipo wanpela tokorait i kamap. Long we bilong Baha'i long mekim tok orait, mipela bai toktok long tilim aidia, inap mipela kamap long wanpela tok orait na hepi.

"Dispela em i we bilong larim God i helpim mipela long wok bung wantaim, na mi lukim olsem dispela i wok. Dispela em long Asembli we i gat nain-pela man tasol. Tasol long olgeta 19 dei, ol memba bilong Asembli save go bungim na toktok long memba bilong komyuniti long prea we mipela kolim "Nainten De Pati" Ol yangpela na lapun, man na meri save autim tingting bilong ol. Dispela em pasin o stail ol pipel save mekim tok orait long planti yia nau.



RAYMOND TAU,
Wes Sepik Province

"Maski em i wanpela nupela lotu, we i gat planti nupela kainkain lo, Baha'i bilip i gat planti gutnius we i wankain olsem Kristen na ol arapela lotu. Mipela bilip long wanpela God husat i salim pikinini bilong em i kam long dispela graun. Mipela bihainim na save autim toktok long Buk bilong Em. Wok bilong mipela long laip em long luksave na lavim God, husat i kamapim mipela, na bihainim pasin bilong God husat bai kisim mipela taim laip bilong mipela i pinis long dispela graun.

"Oneness of God * Oneness of Man * Oneness of Religion

bilong Kauage Mathias. Mi luksave tu olsem Kauage Mathias i wanpela atis.

Tasol mi no save Kaua Mathias em i wanem kain man-wanpela saveman, longpela man, man bilong kros o man bilong tokpilai na lap.

Taim mi pinisim skul na kam stap long Mosbi na wok, mi lukim sampela droing bilong Kauage. Dispela em long Nesenel Misium na At Galari. Tasol mi no lukim dispela man Kauage Mathias.

I kam inap long las wik Trinde, Mei 31, na Kauage i bringim em yet i kam kamap long opis bilong mi. Na mi lukim em na mitupela i sindaun stori.

Em i kam kamap long opis long painim aut sapos mipela inap raitim wanpela stori bilong em long wok-abaut bilong em long Australia, Ingran na Jemeni. Long dispela taim na mi askim Kauage long stori long wanem rot em i kamap wanpela atis na kisim bikpela luksave long ol droing bilong em.

Kauage i no wanpela saveman. Em i no bin go long wanpela atis skul long kisim save long droim ol piksa. Nogat tru stret.

Nesenel Nakotiks Kontrol Bod



Wanpela samting we Yunaited Nesen i toktok strong long wok bilong em long pait egensim pasin bilong yusim krangi ol drag em i olsem wanwan kantri mas kamapim wanpela sentral opis. Wok bilong dispela opis em long karim aut wok bilong pait egensim dispela hevi. Na tu long kodinetim ol arapela ejensi husat i save mekim dispela wok.

Dispela askim bilong Yunaited Nesen i mekim ol memba kantri bilong Yunaited Nesen i putim

Dispela sentral bodi narakain long sampela samting long wanwan kantri. Tasol olgeta i gat wanpela o wankain wok tasol long pait egensim pasin bilong yusim krangi ol drag.

Long planti kantri, ol i save kolim ol dispela opis olsem Drag Kontrol Bod o Biro.

Dispela hap tok Biro i min olsem opis. Dispela hap tok i makim planti gavman bodi. Eksampel-Biro bilong Pesenel Menesmen o Biro bilong Wata Risoses o Biro bilong Statistik. Biro i no min olsem wanpela opis bilong karim aut wok bilong lo.

Long Papua Niugini, Palamen long Februari 26, 1992, i putim kamap Nesenel Nakotiks Kontrol Bod Ekt. Dispela Ekt bilong Palamen i putim kamap wanpela spesel Bod husat i gat atoriti olsem opisal stetutori bodi long karim aut

Bikos Bod i save karim aut wok bilong kamapim ol polisi, Biro i save karim aut olgeta rises, edukesen, infomesen, lejislesen, rihebilitesen na tu ol arapela wok.

Dispela wok bilong pait egensim drag i no wok bilong wanpela gavman dipatmen o ejensi tasol. Eksampel-dispela wok i no bilong Polis o Helt dipatmen tasol. Dispela wok i karamapim planti dipatmen.

Na tu Ekt i tok olsem ol sios i mas makim wanpela bod memba. Bikos insait long olgeta non gavman ognaisesen, sios i stap moa klostu wantaim ol grasrut pipel. Na i ken karim aut wok long sait bilong rihebilitesen na edukesen.

Ol bod memba i mas ol sinia opisa insait long dipatmen bilong ol. Ol dipatmen het i mas makim ol dispela sinis opisa.

Na minista i mas kasetim nem bilong ol dispela sinia opisa long kamap ol memba bilong bod.

Long dispela taim, Atoni Jenerel na Minista Bilong Jastis em i politikel representativ bilong gavman long dispela Ekt.

Aninit long lo, dispela Bod i stap olsem wanpela stetutori bodi.

Hevi bilong wok resis i wanpela hevi we i stopimsampela kantrilong lo wok we i kam aninit longhevi bilong drag. Wanpela i no aik long serim ol infomesen em i kisim wantaim arapela. Bikos dispela ejensi laik kisim biknem tasol. Nakotiks Bod na Seketeriat bilong en Nakotiks Biro na ol lo ejensi, no laikim olsem wok resis i mas kamap.



• Sampela ol man i wok long soim marijuana

kamap wanpela spesel bod o opis long karim aut dispela wok.

Long kamapim wanpela sentral opis long wanwan kantri long pait egensim hevi bilong drag i soim tru mak bilong wok Yunaited Nesen i laikim i mas kamap long pait egensim dispela hevi.

wok bilong pait egensim ol hevi bilong drag. Aninit long wankain lejislesen o lo, Nesenel Nakotiks Biro i bin kamap olsem Seketeriat bilong Bod.

Wok bilong Biro em long stap olsem wanpela sentral opis long wok bilong pait egensim ol drag.

Dispela i min olsem wanpela opis o bodi we i kamap aninit long lo.

Planti kantri bin bungim hevi. Bikos politikel wok i kontrolim sentral opis bilong ol. Em i moa impoten olsem Bod i mas karim aut wok aninit long gavman.

Tasol long sampela hap, gavman tu i stap insait tu long hevi na kontrol bilong drag lod.


Dispela i banisim na stopim Bod long karim aut wok. Samting tru i olsem ol lain husat i korap i yusim Sentral Bod long mekim hevi kamap moa bikpela taim ol i sapos long pait egensim.

Bikos long dispela as, Bod i mas stap fri. Sapos wok politik i makim ol bod memba o sapos wok politik i ken rausim ol bod memba, rot i op long bod i ken bagarap.

Papua Niugini luksave long dispela hevi o samting. Na i putim kamap ol strongpela lo i karamapim wok bilong apoinim na rausim ol bod memba.

Arapela hevi we i kamap pinis long ol arapela kantri em kros namel long ol gavman ejensi. Ol lo ejensi planti long ol sampela kantri gat nesenel na stet polisi. Na tu ol arapela spesel bodi husat i gat wankain pawa olsem polisi long sampela eria.

Papua Niugini nogat dispela kain hevi. Bikos Papua Niugini gat wanpela Polis Fos tasol. Tasol Kastam dipatmen tu i gat lo pawa



• Pipel bilong Hofaga ples i bin kamautim olsem 200 mairjuana na givim long plis man.

long eria bilong em yet. I gat ol intelijens bodi olsem Nesenel Intelijens Oganaisesen (NIO) o Difens Intelijens.

Ol dispela grup i ken kisim infomesen bilong drag.

Hevi bilong wok resis i wanpela hevi we i stopim sampela kantri long lo wok we i kam aninit long hevi bilong drag.

Wanpela i no laik long serim ol infomesen em i kisim wantaim arapela. Bikos dispela ejensi laik kisim biknem tasol.

Nakotiks Bod na Seketeriat bilong en Nakotiks Biro na ol lo ejensi, no laikim olsem wok resis i mas kamap.

Ol pipel husat i kamap hevi bilong drag i save laikim wok resis. Ol i save pret long pasin bilong wokbung long bagarapim ol.

Aninit long Nakotiks Kontrol Bod, mipela i ken lukim olsem lejislesen bilong Papua Niugini luksave olsem wok resis i kamapim hevi na nogat strong. Na wokbung i kamap strong. Ol dipatmen we i gat ol mausman long Bod em Jastis, Polis, Foren Afeas, Edukesen, Kastam, Korektiv Sevis, Difens, Helt, Yut na Hom Afeas na ol non gavman oganaisesen i kam aninit long ol sios.

Bod i stap olsem opisal edvaisa bilong gavman long ol drag hevi. Wok bilong pait egensim drag i no stap insait long kantri bilong mipela tasol.

Wok bilong Papua Niugini long pait egensim dispela hevi wanpela

pat bilong intanesenel woa o pait bilong pait egensim hevi bilong drag. Olsem na Dipatmen Bilong Foren Afeas i gat bikpela interes long wok bilong Bod.

Edukesen na spesel awenes namel long ol yut i moa impoten long pait egensim dispela hevi. Dipatmen Bilong Edukesen na Yut na Hom Afeas i mas karim aut bikpela wok aninit long wok bilong Bod.

Hevi bilong drag i karamapim helt na tu ol arapela eria we i kam aninit long wokabout, sindaun na laipstail bilong ol pipel husat i yusim drag. Gutpela lo na wok i mas kamap.

Olsem na Dipatmen Bilong Jastis, Polis, Koreksenel Sevis, Difens na Kastam i gat wok long Bod. Ol sios i makim ol komyuniti na lokol eria.

Wok bilong Nakotiks Bod i bikpela tru. Tasol aninit long Bod na tu ol wok bilong Bod i stap long Ekt, Bod i mas givim infomesen sevis i go long gavman.

Moa pipel na ejensi mas kam na wokbung wantaim long pait egensim drag.

Hatwok bai lusim nating sapos wanwan man grup o ejensi tram long karim aut dispela wok em yet. Bikpela samting i olsem gutpela wokbung i mas kamap namel long olgeta ejensi.

Nesenel Nakotiks Kontrol Bod, sapos i wok gut, bai abrusim dispela hevi.

Olgeta grup na ejensi mas wokbung wantaim Bod na Biro long mekim Papua Niugini kamap Drag Fri.

MUSIK NA TELEWISEN

PAPUA NIUGINI



Mandarah Souls mekim nem long Mosbi

RODNEY KAMUS i raitim

MANDARAH long tokples Morobe i min olsem Wel Pik bilong bus. Tasol nau dispela em i no nem bilong wel pik. Nogat. Em nem bilong wanpela nupela ben i kamap taim olpela ben i bruk.

Mandarah Souls em i wanpela bilong ol laip ben husat i bin kamap nupela tasol na i wok long pilai raun nau. Tasol stori bilong ol i longpela liklik long wanem ol i no wanpela nupela ben.

Namba wan ben ol dispela lain mangi i stap nau long Mandarah Souls i save pilai long wanpela ben ol i kolim Sikas.

Taim ol i kisim dispela nem, ol i save pilai raun long ol ples olsem Wau, Bulolo na planti hap moa long Morobe provins. Ben ya i bin pilai raun i kam na kisim planti mani tasol menesmen bilong ol no bin gutpela olsem na ol i lusim planti samting olsem ol gita na ol narapela samting. Olsem na sampela tasol i bin lus lain na kam katim namba wan kaset bilong ol long Mosbi aninit long nem Mandarah Souls.

Ben ya i bin kisim gutpela nem long Mosbi na pilai long ol kain bikpela dei olsem Tred Fair na Mosbi Show

wantaim ol singsing bilong ol long tokples Finshafen.


"Mipela i bin pilai long Mosbi wantaim ol lain olsem Reks Ben, Zugic Kuwig, Darkends na planti moa narapela," Ben lida Asap Umbini i tokaut long Wantok.

Tripela singsing bilong ol em planti man i bilip bai kamap bikpela moa long wanem ol i singim wantaim kainkain stail ol i putim i go insait.

Wanpela singsing ya ol i singim long tokples Kabwum *I Sem Gawo* em ol i singim long wanpela yangpela meri husat i lukim wanpela yangpela mangi na krai na bihainim dispela yangpela mangi. *I Sem Gawo* em i min *Lukim Em Karai na Kam*.

Narapela singsing em long tokples *Yabim* na *Kote* em i wanpela tumbuna singsing bilong ples. Nem bilong singsing ya Simbaumba em i singsing bilong ol sotpela man ol i kolim duof. Ol i sabe go long wara, waswas na kalap antap long ston na kalap go bek long raun wara.

Dispela singsing em ol i singim wantaim pairap bilong kundu tasol taim ol i mekim i go insait wantaim ol masin bilong waitman long mekim musik,



singsing ya i kamap narakain stret.

Atane Ameriku em narapela singsing bilong ol gen i stori long ol man i katim diwai long graun. Dispela singsing em singsing ol man i save singim taim ol i katim diwai na pairap bilong

em i kamap gut tru wantaim Mandarah Souls.

Ol ben memba em Nerus Hegen, Asao Umbini, Nick Apeng, Dorah Narema na Terry Kapi husat tu i save wok olsem ensinia bilong Walterbay Studio long Mosbi.

I KAM LONG Ela Motors OL WIL BILONG NESEN

AUSTRALIA TOP TEN SINGLES

The Australian top 10 singles, as rated by ARIA, with last week's position in brackets:

- 1 (1) Another Night M.C Sar and the Real McCoy (BMG)
- 2 (2) The Hit List Cliff Richard (EMI)
- 3 (10) Dookie Green Day (WARNER)
- 4 (5) No Need to Argue The Cranberries (ISL/POL)
- 5 (1) Hi Fi Way You Am I (roo/WAR)
- 6 (4) Smash Offspring (SHOCK)
- 7 (9) The Celts Enya (WARNER)
- 8 (6) Pulp Fiction Soundtrack (MCA)
- 9 (12) Vitalogy Pearl Jam (EPI/SONY)
- 10 (3) Janet Janet Jackson (VIR/EMI)

LONDON TOP TEN SINGLES

- 1 (1) Think Twice Celine Dion/Epic
- 2 (5) Don't Give Me Your Life Alex Party/Systematic
- 3 (2) I've Got A Little Something For You MN8/Columbia
- 4 (16) Push The Feeling On '95 Nightcrawlers/ffr
- 5 (21) The Bomb! (These Sounds Fall..) Bucketheads Positiva
- 6 (3) No More I Love You's Annie Lenno/RCA
- 7 (8) Reach Up Perfecto Allstarz/Perfecto
- 8 (7) Set Me Free N-Trance/All Around The World
- 9 (4) Bedtime Story Madonna/Maverick
- 10 (-) Wake Up Boo! The Boo Radleys/Creation

USA TOP TEN SINGLES

- 1 (1) Creep TLC LaFace Gold
- 2 (2) On Bended Knee Boyz II Men Motown
- 3 (3) Another Night Real McCoy Arista Gold
- 4 (5) Take a Bow Madonna Maverick-Sire
- 5 (4) Always Bon Jovi Mercury Gold
- 6 (7) You Gotta Be Des'ree Music
- 7 (8) Before I Let You Go Blackstreet Interscope
- 8 (9) Sukiyaki 4 PM Next Plateau
- 9 (6) Here Comes the Hotstepper Ini Kamoze Columbia Platinum
- 10 (10) I'm the Only One Melissa Etheridge Island

EMTV TELEWISEN

PNG TOP TWENTY

THURSDAY 18TH MAY, 1995


- 5.30 STATION OPEN
- 5.47 TRANSMISSION OPEN
- 6.00 ITN NEWS
- 6.30 DAYBREAK NEWS
- 7.00 TODAY SHOW
- 9.00 STATION CLOSE
- 9.01 PROGRAM HIGHLIGHTS
- 2.57 TRANSMISSION RESUMES
- 3.00 KIDS KONA
- 4.00 THE BOOK PLACE
- 4.30 HOT SCIENCE
- 5.00 WONDER WORLD
- 5.28 EMTV TOK SAVE
- 5.29 EMTV NEWS BREAK
- 5.30 HOME AND AWAY (G)
- 6.00 NATIONAL EMTV NEWS
- 6.30 A CURRENT AFFAIR (G)
- 7.00 SALE OF THE CENTURY
- 7.28 LOTTO DRAW
- 7.30 NEIGHBOURS
- 8.00 FIZZ
- 9.00 CATS & DOGS
- 9.30 THE FOOTY SHOW
- 10.30 A CO PRACTICE
- 11.57 MEDITATION WITH PASTOR WALO ARNI
- 12.00 STATION CLOSE

FRIDAY 19TH MAY, 1995

- 5.30 PROGRAM HIGHLIGHTS
- 5.47 STATION OPEN
- 6.00 ITN NEWS
- 6.30 DAYBREAK NEWS
- 7.00 TODAY SHOW
- 9.00 STATION CLOSE
- 9.01 STATION RE-OPEN
- 2.53 TRANSMISSION RESUMES
- 3.00 KIDS KONA
- 4.00 THE BOOK PLACE
- 4.30 HOT SCIENCE
- 5.00 WONDER WORLD
- 5.28 HOME AND AWAY
- 6.00 NATIONAL EMTV NEWS
- 6.30 A CURRENT AFFAIRS
- 7.00 SALE OF THE CENTURY
- 7.28 LOTTO DRAW
- 7.30 NEIGHBOURS
- 8.00 AUSTRALIA'S FUNNIEST HOME VIDEO SHOW
- 8.30 FRIDAY NIGHT FOOTBALL
- 10.52 EMTV TOK SAVE
- 11.00 RAVEN
- 12.00 NATIONAL EMTV NEWS REPLAY
- 12.27 MEDITATION WITH PASTOR WALO ARNI
- 12.30 STATION CLOSE

SATURDAY 20TH MAY, 1995

- 11.00 PROGRAM HIGHLIGHTS
- 11.27 TRANSMISSION OPEN
- 11.30 THE WONDERFUL WORLD OF DISNEY
- 12.30 CENTURY 21 REAL ESTATE GUIDE
- 1.00 WIDE WORLD OF SPORT
- 5.00 BEYOND 2000
- 6.00 NATIONAL EMTV NEWS
- 6.30 HEY HEY ITS SATURDAY
- 8.30 NCDC NEWS
- 9.00 WRESTLING
- 10.00 GILLETTE
- 10.30 MARRIED WITH CHILDREN
- 11.00 LOVE & WAR
- 11.57 MEDIATION WITH PASTOR WALO ARNI
- 12.00 STATION CLOSE
- SUNDAY 21ST MAY, 1995
- 7.20 PROGRAM HIGHLIGHTS
- 7.50 TRANSMISSION OPEN
- 7.52 CHIT CHAT WITH SIR PAULIAS MATANE
- 8.00 BUSINESS SUNDAY
- 9.00 SUNDAY
- 11.00 WIDE WORLD OF SPORTS



- 12.00 THE FOOTY SHOW
- 1.00 GOLF SHOW
- 1.30 LUMEN 2000
- 2.00 MUSIC AND THE SPOKEN WORLD
- 2.30 MAGAZINE PROGRAM
- 3.00 BONANZA
- 4.00 SPORTS SUNDAY
- 6.00 NATIONAL EMTV NEWS
- 6.30 SUNDAY NIGHT FOOTBALL
- 7.30 60-MINUTES
- 8.30 SING WITH JOY
- 9.00 SUNDAY NIGHT MOVIE
- 10.50 CHIT CHAT WITH SIR PAULIAS MATANE
- 11.57 MEDITATION WITH PASTOR WALO ARNI
- 12.00 STATION CLOSE

AS AT 20/5/95

| NO. | SONG | ARIST |
|-----|-----------------------|------------------|
| 3 | (1) Rama Eno | Tarikana |
| 1 | (2) Confuse Mangi | Jr. Kopes |
| 9 | (3) Butterfly | Hollie Maea |
| 2 | (4) Rabaul I Tapnang | Charles Kivovon |
| 5 | (5) Tariga Iau | Painim Wok |
| 4 | (6) Dust Over Rabaul | Wong/Bowman |
| 6 | (7) Kantri Blong Yumi | Reks Band |
| 14 | (8) Red Eyes | JR Kopes |
| 7 | (9) Pulim Win | Greg/Telek |
| 10 | (10) Wopa Country | Bongas |
| 11 | (11) Rabaul Town | Barike |
| 8 | (12) Elisa | Sauga Band |
| 12 | (13) Swit Heart | Painim Wok |
| 13 | (14) Gomang Na | Bongas |
| 15 | (15) Lalohadai | Dokona |
| 16 | (16) Bagawauraidia | Dokona |
| 0 | (17) Rabaul Mi Cry | Basil Greg |
| 17 | (18) la Anna | Raymond Rangatin |
| 19 | (19) Hungara Singa | Crew 5 |
| 20 | (20) Askom Askom | Chako Chako |

• Ratings based on requests on Radio Kalang and not cassette sales.

ELA MOTORS - OL WIL BILONG NESEN

Was pikinini bilong sikau autim meri bilong ples



Wanpela de, taim bilong bikpela san olgeta man-meri i go long bus. Ol i go long painim wel pik, kapul na sampela abus bilong bus. Na wanpela meri husat i gat bel i go wantaim ol long painim abus.

Dispela meri i lusim olgeta pipel na em wanpela tasol i go insait tru long bikbus. Na ol arapela ya i no save long we em i go. Meri ya i wokabaut wok long painim ol abus i go na wanpela drai diwai i bruk na pundaun antap stret long em.

Nogat tok. Em i dai slip i stap na pikinini i kam ausait long bel bilong meri ya. Pikinini i kam ausait slip i stap na i wok long krai.

Trangu i slip krai i stap tasol nogat man o meri stap klostu long harim em na bai kam helpim em. Tasol wanpela lapun sikau man i wok long kaikai gras i kam na i harim dispela

krai. Em harim gut pinis nau na em i bihainim krai ya i kam.

Em i kam klostu long diwai i bruk ya na em i lukim dispela pikinini i wok long krai na tromoi han lek nabaut. Lapun sikau ya i lukim na i pret nogut tru. Na e mi ranawe i go hait long as bilong diwai. Em sanap lukluk i go i go na i tok, "em pikinini tasol na em i noken pret."

I stap longtaim liklik nau na lapun sikau ya i go na karim bebi long maus bilong em. Nau em i karim dispela pikinini i go long as bilong wanpela bikpela diwai save slip long en. Em i go putim em na tupela i stap.

Sikau ya i lukautim gut tru dispela bebi.

Em i save go long bus na painim ol kainkain prut na kaikai na i save kam givim pikinini ya. I go i go na bebi ya i kamap bikpela man.

Em i kamap wanpela naispela boi tru. Wanpela de dispela yangpela boi i go antap long wanpela longpela diwai na i lukluk i go i kam long olgeta hap. Em i lukluk stap na lukim smok i kamap long wanpela hap.

Dispela yangpela boi

i kirap na tanim olsem wanpela retpela koki o kalangar. Na em i flai go stret long hap we smok i kam long en.

Em flai i go daun na kisim hap paia bilong tupela yangpela meri husat i wok long wokim gaden i stap.

Tupela i kirap nogut tru. Tasol wanpela meri i hariap tru na pulim wapela gras bilong dispela smatpela pisin. Dispela pisin i kisim paia pinis na i flai i go bek long hap we em flai i kam long en.

Em i go kamap na wokim draipela paia na papa bilong em i smelim smok na em i hap indai. Tasol boi ya i kisim sikau papa bilong em na putim em klostu long paia. Na i go longtaim nau, hat bilong paia i kisim papa bilong em na em i kirap gen.

Dispela boi i yusim paia na wokim draipela gaden tru bilong tupela yet.

Long ples tru, dispela meri husat i bin pulim gras bilong kalangar ya i wok long tingting long en na krai long en. Em i save olsem i no bin pisin, em i bin wanpela man husat i go na kisim paia bilong em.

Taim ol pipel bilong

ples i wokim kaikai o pati, dispela yangpela meri i save go lukluk raun. Na em bai makim dispela gras long ol boi na traim painim husat tru bai dispela gras inap long en. Olgeta taim em i save mekim olsem tasol gras i makim wanpela boi.

Em save stap na wari tru long dispela boi. Orait long wanpela taim nau, ol pipel long ples i wokim kaikai gen. Na dispela boi bilong bus ya i kam tu. Dispela meri i grisim brata bilong em long kisim gras ya na go makim long olgeta boi i stap long dispela bung.

Brata bilong em i makim i go i go tasol i no inap long wanpela boi. Na em i kam na laik makim las boi nau na gras ya inap tru long en. Dispela boi em i boi bilong bus stret.

Em ran i go hariap tru na tokim susa bilong em. Taim ol wok long kaikai na stori i stap, dispela meri i kisim ol bus rop na i go pasim olgeta hap rot long bus. Em i kam bek na slip.

Na long bikmoning tru em i go long sekap long olgeta hap rot em i bin pasim. Em lukluk i go na i kamap long wan-

pela hap rot we ol rop i lus, na wanpela hap rot we ol rop i lus na wanpela i bruk.

Dispela meri i kirap na bihainim dispela rot i go na na kamap arere long bikpela gaden tru.

Em sanap lukluk raun tasol nogat wanpela man i stap. Ai bilong em i raun na em tasol na i slip long as bilong ol suga. Em slip i dai pinis taim dispela yangpela boi i kam bek long bus na painim em i stap.

Em i go isi tasol long het bilong meri ya na tanim em yet i go olsem wanpela gutpela retpela target. Taim win i kam, dispela target i wok long tromoi wara antap long pes bilong meri ya. Meri ya i kirap nogut tru na i tok, ol sori ya dispela gutpela target i olsem man tru. Yu wok long givim win na wara i kolim gut tru skin bilong mi.

"Bihain target i tanim olsem boi tru. Na kam na kisim meri ya i go long papa bilong em. Em i karim em i go na stap wantaim lapun sikau papa.

Ol famili bilong dispela meri ya i wet, wet tasol em i no kam bek long ples, Neks moning nau, ol i bihainim dispela

rot em i bin i go long em. Ol i go i go inap ol i kamap long ples ol tripela ya i stap long en. Em long bikbus tru.

Ol lain bilong em i kirap na kisim em i go bek long ples. Long ples ol i wokim bikpela kaikai tru. Na olgeta pipel long ples i kaikai. Na neks de ol i pasim meri ya na karim i go long ples bilong man ya.

Ol i go larim em i stap na ol i kam bek long ples. Lapun mama bilong meri ya tasol i stap wantaim tripela long ples bilong man. Dispela lapun meri ya i lukim sikau na i gat draipela laik stret long kaikaim em.

Olsem na em i tokim tupela marit ya long kilim sikau ya na bai em i karim i go long, ples na bai em i kukim na kaikai. Tupela marit ya i strong na tok nogat. Tupela i tok olsem em i papa bilong boi ya. Olsem na ol i noken kilim em.

Ol toktok i go i go tasol lapun meri ya maus bilong em i strong tumas. Lapun sikau ya i kirap na tokim pikinini. Em i orait, lapun meri i kros tumas long yutupela. Yu tokim meri

bilong yu long kisim hap skin bilong suga na paitim lek bilong mi na bai mi dai."

Man ya i tokim meri bilong em. Nau ol i kilim tarangu papa bilong em na karim i go long ples long kukim na kaikai.

Dispela yangpela man tasol i stap long ples bilong ol, em i kirap tasol na krai nogut tru. Em i kisim ol bilas bilong singsing na bilasim em yet pinis na i go long wanpela klia ples.

Em i kisim wanpela rop, na i go antap long wanpela diwai. Rop ya em i pasim hap long nek bilong em na hap em i pasim long diwai. Trangu i kalap i go daun na i dai.

Meri bilong em i kam lukim olsem na i wari tru. Em tu i mekim wankain na hangamapim em yet klostu long man bilong em. Neks de ol brata bilong meri ya i kam lukim olsem na save pinis. Mama bilong ol tasol i as bilong dispela rong. Ol i go bek long ples, kisim tamiok bilong ol na kilim stret mama bilong ol. Na planim tripela wantaim.

**Kenny H Aveo
KAINANTU**

Kastom stopim mi long kamap Kristen na marit long haus lotu



Dia Laiplain,

Mi wantaim prenmeri bilong mi gat tingting long marit. Tasol mitupela i no inap wokim disisen long wanem hap long marit. Em i memba bilong wanpela sios felosip. Tasol mi no wanpela Kristen na i no memba bilong wanpela sios.

Mitupela i luksave olsem marit i save kamap long haus lotu long taun. Tasol long ples bilong mi, marit i save kamap long ples klia.

Mi les long marit insait long haus lotu. Prenmeri bilong mi save askim mi go lotu wantaim em. Tasol mi save tok nogat. Bikos kastom bilong mi no tokorait long mi long kamap Kristen.

Bai mitupela marit olsem wanem?

CUSTOM MAN

Dia Pren,

Hevi yu askim long en i no wanpela hatpela hevi long stretim. Yu no mas olgeta taim go long wanpela haus lotu long marit. Yu ken marit aninit long lo aninit long luksave bilong wanpela opisa bilong Opisa bilong Rejistra Jenerel. Yu ken

marit tu aninit long ol kastom bilong ples sapos yu ken stretim toktok wantaim lain bilong yu na bilong meri bilong yu.

Sapos yu laik marit long wanpela bilong dispela tupela rot, yu bai no inap go long wanpela haus lotu.

Tasol mipela i wok long tingting olsem hevi yutupela i gat em long painim wanpela gutpela na stretpela hap long marit.

Yu tok olsem prenmeri bilong yu i save askim yu long go long lotu. Dispela i soim olsem em i wanpela Kristen. Na lotu bilong em i min bikpela samting long laip bilong em. Tasol yu no bilip long Papa God o pikinini bilong em Jisas Kraus. Na tu yu no laik long senis. Yu tok em i egens long kastom bilong yu long kamap Kristen. Na lotu bilong em i min bikpela samting long laip bilong em. Tasol yu no bilip long Papa God o pikinini bilong em Jisas Kraus. Na tu yu no laik long senis. Yu tok em i egens long kastom bilong yu long kamap Kristen. Na lotu bilong em i min bikpela samting long laip bilong em. Tasol yu no bilip long Papa God o pikinini bilong em Jisas Kraus. Na tu yu no laik long senis. Yu tok em i egens long kastom bilong yu long kamap Kristen. Yu bin tingting tu long maritim wanpela meri we kastom bilong em i no tokorait long em long kamap Kristen?

Mipela i tok olsem bikos planti taim marit namel long wanpela

man o meri Kristen na arapela i no Kristen i no save ron gut. Bikos planti taim marit i save bruk. Yu wantaim prenmeri bilong yu i mas tingting gut long dispela samting. Toktok long ol hevi we bai kamap long marit bilong yutupela. Na long wanem rot yutupela bai stretim ol dispela hevi.

Eksampel-wanpela bikpela hevi we i save kamap long kain marit olsem em rot bilong lukautim ol pikinini. Yu ting yu bai larim ol long kamap Kristen? Sapos ansa bilong yu long dispela askim i "NO" na bilong meri bilong yu i "YES, yutupela bai bungim bikpela hevi, em i stret o nogat? No ken ting olsem bikos yu wanpela man, meri bilong yu bai bihainim toktok bilong yu. Trupela marit i no save wok gut long dispela kain rot. Ciget a samting i stap long luksave na

rispek man na meri gat long wanpela na arapela. Na tu ol disisen tupela i wokim we bai lukautim marit laip bilong tupela.

Mipela i laikim olsem yutupela wantaim i mas tingting gut long dispela samting. Inap yutupela wantaim i tokorait long wanem samting yutupela bai wokim?

No ken ting olsem yutupela i ken marit na bihain stretim ol hevi. Sapos yutupela i gat ol bikpela hevi, i moa gutpela long stretim long nau yet. Sapos yutupela i no inap stretim, moabeta yutupela no ken marit. sapos yutupela i no klia tumas, yutupela i mas surukim taim bilong marit i go long sampela taim bihain. Na taim yutupela i stretim olgeta hevi na wanbel long yutupela yet, yutupela i ken go het wantaim marit bilong yutupela.

Mi Laiplain

Sapos yu gat hevi, rait i kam long LAIPLAIN, P.O.Box 6047, Boroko, o yu ken ringim mipela long telipon namba 26 0011. Ol hevi we i ken givim skul long ol arapela pipel bai mipela tokaut long dispela spes long niuspepa. Tasol ol trupela nem em mipela i no inap tokaut.



□ Tupela wanwok meri bilong Kanage kros na pait long opis long husat bai prenim Kanage. Tupela i no isi isi, tupela kilim skin stret. Olgeta stail bilong pait i pinis-tupela yusim stail bilong Tae Kwando, Karate, Wing Ju, Kwan Jo, Ming Jeng na tu tumbuna stail bilong PNG yet ol i kolim Kakaruk Takol.

Tupela mekimsave i go na sotwin na sanap i stap. Na wanpela arapela wanwok i wokabaut i kam na askim: Olsem wanem, em tasol karim na yutupela kros pait? Em tok olsem pinis na kirap askim Kanage: Yu mekim wanem samting long tupela?

Kanage smail na tok: Wanpela taim tupela wantaim i spak nogut tru na mi kisim tupela i go long haus bilong mi. Taim mipela i go kamap long haus, mipela olgeta i go slip long wanpela bet. Tasol tupela i no save olsem tupela i slip long sait sait na mi slip long namel. Mipela slip tasol i go inap tulait.

Taim ol wanwok bilong Kanage i harim em i tok olsem, olgeta i lukluk long wanpela na arapela na lap indai.


Joke Boss
MADANG



Big Bro **REBO**



Spak **MAIK**






BARGAIN BONANZA


TIMBER – Dar Treated

ALL – 20% Discounted



**NAILS BRIGHT
FLAT & JOLTHEAD**

| | Lae/POM | HGN |
|-------|---------|--------|
| 500gm | 1.00 | 1.10 |
| 25 kg | K37.50 | K39.75 |



MATTRESS

with **FREE** pillow


| | | |
|-----------|---|--------|
| Double 4" | — | K55.00 |
| Single 4" | — | K34.00 |
| Single 3" | — | K27.50 |

TOILET SUITE

CAROMA
CONCORDE



K69⁹⁵



COFFEE MACHINE

KOPI KING


K285⁰⁰

WOODSTOVE



K375⁰⁰

CHEF CONSUL



GAS STOVE

K650⁰⁰

HANDSAW

Stanley
Eagle



24 inch

K8⁵⁰

TOTAL HARDWARE

TOTAL HARDWARE

TOTAL HARDWARE

LAE
Milfordhaven Road
P.O. Box 675
Ph: 42 1065 Fax: 42 2062

PORT MORESBY
Klinki Street, Boroko
P.O. Box 3655
Ph: 25 3988 Fax: 25 2621

MT. HAGEN
Wonye Road
P.O. Box 1
Ph: 52 2285 Fax: 52 2140

Daulo memba stap we nau?

Dia Edita,

Wari bilong mi i go long Memba bilong mipela long Daulo ilektoret, Sowa Gunia, husat i makim mipela long Palamen.

Stat long taim Mista Gunia i winim sia long nesenel palamen, em i tanim bak-sait long ol pipel long ilektret. Em save hait long Mosbi i stap.

Mi askim memba wanem wok tru em i mekim long Mosbi i stap. Mi tokim stret bikman bilong mipela olsem mipela yet ol pipel i bin hatwok long givim vot long taim bilong ileksen. Tasol em yet i go stap hait long Mosbi na mipela ol pipel i longlong i stap long ples.

Ol rot, haus sik, skul, bris na ol kain sevis long heplim ol pipel i bagarap i stap nau. Ol ka i no inap long ron nau long ol rot.

Namba tu long en em bikpela pait i wok long kamap nau long ilektret bilong em. Na memba i no go long toktok long ol pipel long stapim dispela pait, we planti pipel i dai na bungim hevi pinis.

Base Alphonse GOROKA

Joe Mandres painim kandre

Dia Edita,

Mi painim wanpela tambu bilong mi. Em save stap antap long Mendi insait long Sauten Hailans provins.

Mi laik rait o ring long em. Tasol mi no save long adres bilong em. Tambu ya i gat tupela pikinini.

Brata bilong mi i in givim tupela pikinini long trangu meri ya, tasol em i lusim ol na i go long Mosbi, Na em i kisim narapela meri gen long hap.

Mi save stap na tingim tupela liklik liklik kandre na wari. Olsem na mi laik painim tambu meri bilong mi.

Plis mi askim husat i lukim pas ya long givim dispela adres i go long Alice Magea, na em bai i rait i kam long mi long dispela adres:

Joe Mandres,
P. O. Box 23,
Hoskins, WNB.



NAME: JOEL DADAREN
AGE: 21
ADDRESS: Niugini Tablebirds
PO Box 962
Lae, Morobe province.
HOOBIES: Driving,
playing rugby, cracking
jokes and bike racing.

I no gutpela long gavman dinau long NPF

Dia Edita,

Long Me 16, Gavman i pasim tok long dinauim K9 milien i kam long Nesenel Providen Fan long fandim 10 kilomita rot olsem hap long Poreporena Friwe long Mosbi siti.

Mipela olgeta wokman long PNG Fores Prodak i no amamas long tingting bilong gavman.

Long Bulolo, bikpela kompletru i kamap long pasin we gavman i laik mekim long dinauim bikpela hap mani bilong NPF.

Mipela i save olsem NPF ino wanpela sevingso komesel beng. Nogat tru.

Ol mani long NPF em i bilong mipela ol grasrut wokman meri tasol. Na em i no gutpela long gavman i dinau long em.

Long 1981 i kam inap long nau, i nogat wanpela lo we i tok nesenel gavman bai bosim o yusim mani bilong NPF long sampela wok na bihain bekim. Nogat ya.

Orait long 1995 nau em i narakain olgeta. Ol kain disisen i kamap na nau gav-

man bai kisim mani bilong mipela ol grasrut long kirapim wok bilong friwe. Sapos gavman i nogat mani watpo em i no laik lusim projek i stap pastaim?

Mekim na mipela ol wok manmeri bilong Lae Fores Prodak Employis Asosisen i laik lusim NPF na statim wanpela fan bilong mipela yet.

Mipela i sve olsem ino long taim ol kain paul pasin long NPF mani bai kamap bihainim tokorait bilong gavman nau.

Olsem na mi singautim olgeta wokas yunien long bung wantaim na pasim tingting bilong lusim NPF.

Mipela noken yesa long gavman na larim ol olsem mipela inogat save. Mi apil nau long olgeta kampani long noken salim kontribusen mani i go long NPF.

Hamans mani bilong mipela ol wokman bai i go long gavman?

Long olgeta potnait, mipela i save peim takis i go long gavman na nau ol i laik kisim mani bilong mipela gen.

Mi lukim olsem dispela samting ino stret tru ya. Em i pasin nogut we ol bikman i laik paulim mipela na bagarapim mani bilong mipela.

Cleopas Yawal
BULOLO
Morobe provins.

Ol pas long edita mas kam long dispela adres:

The Editor.
Wantok
Niuspepa.
P.O. Box 1982,
BOROKO,
NCD.

So op long mani na tingim bihain taim tu

Dia Edita,

Mi wanpela manki bilong Kavieng long Nu Ailan provins.

Mi laik toktok long pasin em mi lukim sampela yangpela manmeri save mekim tude. Dispela em long taim ol poroman o poromeri bilong mi i kisim ok bikpela wok. Ol bai ek olsem ol bikman na bikmeri stret. Na bai luk pes olgeta long ol lain ol

save poro gut na mekim pani wantaim long bipo.

Ol bai i no inap kam na tok halo o sekan long mi. Ol bai sanap tasol na wetim mipela long go sekan o tok halo long ol. Ol i ek olsem ol bikman stret.

Mi laik tokim yupela ol dispela lain olsem yupela westim tru taim bilong yupela. Tasol yupela lusim ol wok ya na kamap pipia lain, bai yupela kisim taim ya.

Mipela ol grasrut lain bai stap amamas oltaim. Bikos mipela i no wari long mani na ol kain samting olsem.

Mani i mekim na yupela i so op. Na mani bai daunim yupela.

Yupela mas save gut long dispela.

Na lukautim yupela yet na stap.

John Kembo
KAVIENG

Ol Kome no rispektim Tulapi

Dia Edita,

Mi laik autim wari bilong mi long pasin we ol lain Kome bilong Sumi eria i save mekim i go long Nesenel Memba bilong Kagua/Erave, Daniel Bali Tulapi.

Ol Kome i save mekim em olsem em i wanpela manki long ples yet. Olsem na ol i no save soim rispek i go long em olsem wanpela lidaman bilong provins na kantri.

Mi no amamas tu long pasin ol i mekim long askim em tumas long givim ol mani na balus tiket. na ol iken i go ikam long Mosbi na ples. Haus na opis bilong Mista Tulapi i save pulap long ol pasindia na dispela em ino luk gut tru.

Mi laik bai yupela ol pipel husat i wokim pasin ya long lusim dispela sem pasin bikos Mista Tulapi ino memba bilong yupela ol Kome o Sumi tasol em i makim maus long 17 tausen pipel long Kagua/Erave.

Yandipia Yaware
Sumi
Sauten Hailans provins.

Maski aigris long taim bilong lotu

Dia Edita,

Mi laik autim kompletru bilong mi long wanpela pasin we i kamap bikpela nau insait long kantri. Dispela em long ol yangpela manmeri.

Planti taim long ol haus lotu, mi save lukim ol yangpela manmeri i no tingting long lotu.

Ol save giaman long go lotu, na aigris long ol arapela yangpela i stap. Tingting bilong ol i no stap long lotu.

Bai yu lukim wanpela yangpela man i tromoi ai i go i kam long ol naispela yangpela meri. Wankain tu long ol meri.

Kain pasin mi ting i no gutpela long ai bilong God papa.

Mipela mas save olsem haus lotu em i ples bilong rausim olgeta kain tingting nogut, na tingting long lotu.

Yupela ol kain lain olsem, maski noken go long lotu.

Ol bikpela manki mas senisim pasin bilong ol

Dia Edita,

Mi wanpela bikhet yangpela man long bipo. Tude mi senisim laip na kamap wanpela gutpela yangpela man bilong dispela kristen kantri, Papua Niugini.

Mi lukim planti yangpela man i bikhet nabaut, na pretim laip bilong ol arapela gutpela manmeri. Ol save sanap arere long ol stua na rot, na grisim ol manmeri long mani.

Sampela taim bai ol spak liklik na tingting long brukim haus bilong ol manmeri na stilim samting.

Kain pasin i bikpela pinis long ol setelmen, Tokarara, Hohola, Gerehu na sampela moa haus slip eria long Mosbi. Mekim na ol pablik save pret stret tude.

Mi lukim kain pasin i no gutpela tru.

Yupela ol dispela kain bikhet manki mas senisim nau pasin bilong yupela. Mi tu mi bin mekim kain pasin bipo.

Tasol mi lukim olsem em i no gutpela. Olsem na mi senisim laip bilong mi pinis.

Yupela ol kain bikhet manki mas bihainim nau pasin mi mekim. I nogat gutpela as long yupela pretim nating ol gutpela manmeri. Bikos yupela i no inap kisim wanpela gutpela bekim long en.

Trangu ol manmeri i wokhat long kisim mani na baim ol liklik samting na putim long haus olsem redio na televisen. Sapos yupela stil long ol nau, bai ol kisim mani we na baim nupela gen.

Long wanpela famili, dispela min olsem long tripela yia samting ol bai nogat TV sapos yupela stilim bilong ol. Wankain long redio na ol arapela pawa samting.

Em i taim nau bilong rispektim wanpela na narapela. Tingim laip bilong graun em i sotpela taim tasol. Olsem na senisim laip bilong yupela nau.

William Taku
Gerehu
MOSBI

Samson John
MOSBI

Mipela tu igat save long ranim bisnis wok

Dia Edita,

Mi laik autim tingting na komplem bilong mi long askim bilong Wol Beng

long Chan/Haiveta gavman long rausim ol bisnis wok long lista bilong Invesmen Promosen Atoriti (IPA) we ol pipel bilong Papua Niugini tasol i gat rait long kirapim na ranim.

Olsem wanpela man Papua Niugini, mi no amamas tumas long dispela disisen bilong Wol Beng. Na tu mi no amamas long tupela lida ya, Chan na Haiveta i tokorait long dispela askim bilong Wol Beng.

Toktok bilong Minista Bilong Komes na Industri, David Mai gutpela tru.

Bikos toktok bilong em i soim olsem em i laik banisim sampela bisnis wok insait long kantri mas stap yet na tu stap tasol long han bilong ol pipel bilong Papua Niugini.

Long dispela rot, ol bikpela ovasis kampani, bai no inap resis wantaim ol pipel bilong Papua Niugini.

Ating planti liklik bisnisan na bisniseri na tu ol lain husat i laik kirapim na ranim ol liklik bisnis i no amamas long dispela disisen bilong Chan/Haiveta gavman.

Bikos disisen bilong gavman bilong tupela lidaman ya i soim olsem Papua Niugini bai kam aninit long lukaut bilong ol bikpela intanesenel oganaisesen olsem Wol

Beng na Intanesenel Monetari Fan (IMF).

Arapela samting, mi luksave i olsem, disisen bilong gavman i soim olsem gavman i nogat bilip long ol pipel bilong dispela kantri. Nogat bilip long kirapim ol liklik bisnis wok long sapatim, strongim na helpim ekonomi bilong dispela kantri.

Gavman i laik tokim ol pipel bilong Papua Niugini olsem ol i nogat save long kirapim na ranim wok. Olsem na ol ovasis bisnis lain i mas kam insait na kirapim wok. Bikos ol i gat save na bisnis wok bilong ol tasol i ken helpim na sapatim ekonomi bilong kantri.

Watpo na gavman i laik rausim rait bilong mipela ol pipel long han

bilong mipela? Mipela ol pipel i asua na gavman i bungim hevi o gavman yet i asua?

Moabeta gavman i mas skelim gut dispela disisen bilong em. Na paitim toktok gen wantaim Wol Beng na tok klia olsem ol bisnis wok we mipela ol pipel bilong dispela kantri tasol i gat rait long kirapim na ranim bai stap yet long lista bilong IPA.

Long dispela rot tasol, mipela bai lukautim na yusim gut ol risos bilong mipela long gutpela na stretpela rot. Na tu kantri bilong mipela bai stap yet long lukaut na kontrol bilong mipela.

Mino Amamas
WEWAK

Noken sapatim Micah Rifom Komiti

Dia Edita,

Nau long Papua Niugini mipela i gat planti save manmeri.

Sampela bilong ol em ol gutpela lida na sampela nogat. Tasol long nau mipela i lukim olsem kantri i laik pundaun long hul o barek. Bikos Papua Niugini i sot long mani. Ol lida i bin kisim bikpela dinau mani i kam long Wol Beng long taim kantri i kisim independen long 1975 yet i kam inap nau. Na nau kantri i wok long bekim isi i stap. I hat long kisim nupela dinau gen. Olsem na ol i dinau long Nesenel Provinden Fan long mekim ol wok bilong ol. Dispela tu em i hat. Askim bilong mi nau i go long ol pipel bilong kantri long noken sapatim dispela Micah Rifom Kimiti bilong nesenel gavman. Sapos ol i rausim provinsel gavman sistem, mipela long provins bai i nogat toktok long ol samting we i stap long graun, bus na ol wara insait long wanwan provins bilong mipela. Olgeta pawa long bosim ol samting bai i stap long Waigaini wantaim nesenel gavman. Long dispela rot, ol samting long kantri bai i bagarap. Wanem lo ol i wok bai i banisim mipela ol pipel long provins. Na mipela yet bai inogat pawa long komplem.

Provinsel gavman em gavman bilong olgeta man long nambis na bus. Long dispela ol nupela senis we ol i laik kamapim, ol nesenel gavman lida i no wari long mipela ol grasrut pipel long ples. Nau em i taim bilong mipela ol pipel long opim ai na lukluk wetim 1997. Bikos 1997 em i taim bilong pilai soka. Pasim tingting na wetim tasol 1997. Sapos ol lida i laik grisim mipela ol pipel long tromoi vout i go long ol na singaut long kamapim ol gutpela rot, ka na wanem ol arapela samting moa olsem, tokim ol stret olsem ol i giman mauswara tasol bilong ol long kisim pawa ya.

Cleopas Yawal
Fama Yunien presiden
BULOLO, Morobe provins

Gavman noken haitim asua

Dia Edita

Mi laik autim komplem bilong mi long pasin we Chan/Haiveta gavman i wok long mekim long giamanim na paulim mipela ol pipel bilong dispela kantri.

Komplem bilong mi olsem inap gavman bilong Praim Minista, Sir Julius Chan na namba tu bilong em, Chris Haiveta i tokaut stret long mipela ol pipel wanem kain hevi stret gavman i gat o bungim long sait bilong mani.

Mipela planti pipel bilong Papua Niugini paul nabaut. Bikos mipela i no save gut o klia long wanem samting i wok long kamap. Na long wankain taim, wanem samting gavman i wok long mekim long stretim dispela hevi.

Namba tu praim minista na Minista Bilong Fainens na Plening, Chris Haiveta i tokaut olsem hevi bilong mani gavman i bungim i no bikpela tumas. Na tu i wok long kamap orait.

Tasol long arapela han o sait, em wantaim bikbos bilong em, Sir Julius i wok long go long ovasis na warkurai wantaim ol bikpela oganaisesen na gavman bilong ol arapela kantri long kisim helpim o dinau mani.

Dispela pasin bilong gavman i no gutpela tumas. Bai moa gutpela sapos gavman i tokim mipela ol pipel stret long hevi ekonomi bilong kantri gat. I no gutpela long gavman i giaman haitim hevi. Na spenim bikpela mani long i go i kam long ol ovasis kantri long painim helpim na dinau mani.

Mani gavman i wok long yusim na i go i kam long ol ovaisi kantri no bilong gavman. Dispela mani bilong ol pipel. Ol pipel i gat olgeta rait na save aninit long Mama Lo bilong kantri long save long hevi. Na asua o watpo na ol hevi wok long kamap.

Man PNG
MOSBI

Plis no mekim gut long ol pipel

Dia Edita,

Mi wanpela manki asples long Bui-Yebi haus kalabus long Sauten Hailans provins. Mi laik mekim komplem long ol plis na woda long eria bilong mi.

Taim ol kalabusman i ranawe, ol plisman na woda i save pretim ol asples pipel wantaim gan na ol arapela strongpela samting bilong pait long soim pawa bilong ol.

Mi laik tok stret olsem lukautim lo na oda em i wok mani bilong yupela. Na maski long pretim ol pipel nating wantaim ol gan samting.

Na tu yupela i save askim mipela ol pipel long ples bilong helpim yupela long kisim bek ol kalabus lain taim ol i ranawe. Em i no wok bilong mipela long

holimpasim ol kalabus lain. Bikos em tu em i wok mani bilong yupela.

Mipela gen helpim bikos lo na oda em i wok bilong mipela olgeta. Tasol yupela no mekim gut long mipela ol gutpela manmeri na pikinini. Olsem na mipela i no pilim gutpela long helpim yupela.

Yupela i save sutim tok gen long mipela. Na tu giamanim mipela olsem ol kanaka lain tru. Mipela ol pipel long ples i les long kisim nem nogut taim wanpela kalabus man indai long han bilong yupela.

Purre Yasi
Bui-Yebi
MENDI
Sauten Hailans

NAU, BIHAIN LONG 7 PELA KRISMAS

NIUPELA PRAIS
OLGETA STOA!

PRAIS LONG OLGETA STOA



15t



15t



15t




15t



10t

NAU NIUPELA PRAIS MOA YET!



MR BOSMAN BILONG STOA

PLIS SENISIM OL PRAIS LONG P.K STAND BILONG YU OLSEM LONG ANTAP. WANPELA P.K SEILSMAN BAI KAM LONG STOA BILONG YU NA PUTIM OL DISPELA NIUPELA PRAIS STIKA.

SAPOS OL I ASKIM MOA GO LONG NARAPELA STOA!



PROVINSSEL GAVMAN RIFOM

Noken wet na sore long bihain taim.....

Mipela i mas senis long gutpela. Mipela i no nap wet long wanem dispela bai kamapim kainkain paul tingting. Yumi westim taim, ol provinsel gavman politisen bai gat moa sans




"Tudei, planti ol distrik senta i pundaun na ol rot na bris i bagarap taim ol provinsel politisen i ron long ol nupela kar na painim meri na bia na i no harim wanpela toktok bilong ol planti manmeri em ol i makim maus bilong ol"
(Kati: Post -Courier Wed., Mei 31 1995).

Taim ol liklik manmeri long ples i painim hatpela taim long maketim kaikai long kisim mani long baim kaikai, klos na ol narapela samting olsem skul fi bilong pikinini, marasin na toktok wantaim ol wantok long narapela hap bilong kantri long wanem i nogat gutpela rot bilong

long mekim nambaut wantaim pawa.

"Long olgeta yia mipela i harim olsem i gat mani bilong provinsel gavman long stretim ol rot na ples balus. Mipela i harim olsem i gat mani i stap long helpim mipela long kirapim ol projek olsem stua, kakaruk, fish na ol narapela. Hevi em mipela i no save ol dispela mani i save go olsem wanem"

(John: Post Courier Trinde., Mei 17 1995).



Mipela i mas senis nau- Yu yet tingim !



DRAF OGENIK LO BILONG PROVINSEL GAVMAN NA LOKEL LEVEL GAVMAN



pasim toktok i stap na planti moa samting.

OL BIKPELA ASKIM NA BEKIM LONG OL ADMINISTRETIV RIFOM

1: Bai ol Provinsel Dipatmen i pinis?

YES...Olgeta Provinsel Dipatmen bai pinis na bringim olgeta Pablik Sevans i kam aninit long Wanpela Nesenel Pablik Sevis bodi.

2: Husat bai administretiv het bilong provins?

Edminitretiv het bilong provins em ol bai kolim em "Provinsel Edministreta."

3: Husat bai makim Provinsel Edministreta?

Nesenel Ekseketiv Kaunsol(NEC) bai makim Provinsel Edministreta long lista bilong tripela man em ol Provinsel Ekseketiv Kaunsol bai givim nem bihain long ol i toktok wantaim Pablik Sevis Komisin.

4: Husat bai lukautim ol Distrik?

Wanpela Distrik Edministreta bai lukautim ol Distrik. Dipatmen Het husat i lukluk long Provinsel Gavman na Lokel Level Gavman bihain long toktok wantaim Dipatmen Het husat i was long ol Pesenel Samting bai

makim ol Distrik Edministreta.

Em bai wok aninit long Provinsel Edministreta long lukim olsem olgeta polisi na ol sevis i go stret long ol pipel long Distrik level.

5:Wanem samting em mak bilong ol Dsitrik?

Ol Mak bilong ol distrik bai wankain yet olsem mak bilong ol open ilektret bilong Nesenel Palimen.

6: Wanem samting bai kamap long ol Pablik Sevans long ol provins?

Pablik Sevis bai kamap stret gen na ol pablik sevans bai wok i go insait long ol Distrik long lukim olsem olgeta samting gavman i laikim long em olsem ol samting na ol sevis na ol narapela samting i mas kamap tru. Olgeta Pablik Sevans long ol provins bai kam aninit long kontrol bilong Pesenel Menesmen aninit long Distrik Edministreta na Provinsel Edministreta.

7:Wanem kan samting bai yupela i givim long ol Pablik Sevans husat i go aut long ol distrik long sevim ol rurel pipel?

Dispela samting em bai i gat wanpela lo bilong Palimen(em Pablik Sevis Menesmen na Act i karamapim ol Pei na Kondisen Monitoring Komiti).

Dispela samting em i lukim olsem ol wokman i gat gutpela samting bilong sindan na ol narapela samting taim ol i sevim ol rurel eria.

8: Wanem samting bai kamap long ol provinsel dipatmen i stap nau?

Ol Provinsel Dipatmen bai no nap stap moa. Ol Opisa na ol narapela administretiv samting bai kam aninit long lukaut bilong ol Nesenel Dipatmen husat i lukautim ol long ol Provisel Edministreta.

As Tingting:

Dispela olgeta tingting bilong putim olgeta Pablik Sevis aninit long kontrol bilong Edministreta na putim olgeta Provinsel Dipatmen aninit long Nesenel Dipatmen em long katim taim ol paul wok na ol wok i nogat yus em nau i wok long kamap. Tasol Provinsel Edministreta em baiwanpela rot bilong olgeta Edministresen.

Ol Pablik Sevans em ol bai salim ol i go aut long long distrik long karim aut ol plen na polisi bilong Nesenel, Provinsel na Lokel Level Gavman long menesim ol pablik samting we i bihainim lo.

Wanpela bikpela wok i kamap nau long lukim olsem Pablik Sevis



BUK BILONG OL SEVISIS

ELECTRONIC

PAPA BILONG OL TV SAPOS TV BILONG YUPELA I BAGARAP SEKIM WANTAIM MIPELA

O KAM NA LUKIM MIPELA LONG OLGETA LEKTRIK SAMTING YU LAIKIM.

■ SPARE PARTS ■ TOOLS ■ EQUIPMENT
■ REPAIRS TO T.V.'s, RADIOS, ETC.

P.O. BOX 3572 BOROKO, N.C.D. PHONE 25 1952 FAX 25 4743

HAIR & BEAUTY

TREND'S

We wholesale retail large range of black hair & beauty products. We also sell hair pieces, hair equipment.

Ground Floor
Land Mark Building
Reke St Boroko
Phone/Fax: 255894
PO Box 3239 Boroko

PLUMBING & MAINTENANCE

CLEARWATER PLUMBING ETC.

CONTRACTORS & MAINTENANCE SERVICES
FOR ALL YOUR PLUMBING NEEDS

CONTACT:-
PH: 25 8492
FAX/PH: 323 3472

QUALITY SERVICE AT REASONABLE RATES

SIGN WRITING

PUNSIU SIGNWORKS

Signs on cars, trucks, buses, billboards, notice boards.

Phone: 45 7813

REFRIGERATION & AIRCONDITIONING

FOR FAST GOOD QUALITY SERVICE

Call Bata's refrigeration, airconditioning & appliance service on Telephone:
25 8074 or Fax: **25 8588**

TIMBER SALES

TRANSWORLD TRADING (PNG) PTY LTD
The Blue Truck Timber Company
Dla Kastoma,

Mipela i redi long wokim whole-haus baim bilong yu.
Dispela i min olsem mipela bai bringim ol timba, post, nil, ain na ol arapela samting bilong sanapim haus.

Insait long Mosbi yet, mipela no inap sasim kos bilong ka. Ol ples autsait long Mosbi, kos i no dia.
Na sistem i wok olsem: Yu baim. Na bai mipela kisim olgeta samting long haus bilong yu kam.
Ringim mipela long telipon na feks namba **25 5314 (Erima Timber Yard)**










SECONDHAND CLOTHING

TOP GRADE PAYLESS

New bales just arrived. Why pay more when you can PAYLESS @ payless. Special on Brown Bales from K3 per kg (160 kgs to 200 kgs).

Household, shoes & toys also available, limited stock. 50 kgs mixed bale @ K165. Only with Lucky Draw. Phone 25 1477 Fax: 23 2895.

Location: Opp. Hiritano Electrical next to Gaby Fashion Varahe St., Gordons



Yu ken edvetais hia long K10 tasol long wanpela wik. Long painimaut moa long dispela, ringim Augustine, Jack or Joe long telipon namba 25 2500.

**PORT MORESBY SOCCER ASSOCIATION
SOCCER DRAW - WEEK SEVEN
SATURDAY JUNE 10, 1995.**

| TIME | FIXTURES VS BISINI 1 | FIXTURES V BISINI 2 |
|-------|---------------------------|---------------------------|
| 7.00 | E/United v GFC (U/19) | Moukasi v Golo (U/19) |
| 8.00 | Sobou v GFC (PR) | Koupa v Uni (PR) |
| 9.00 | PS Roots v Bilawawa (D2) | Katamani v Sians (D2) |
| 10.00 | PTC v PS Roots (W2) | B/Kumuls v Gerehu/H (W2) |
| 11.00 | C/Bay v Hoods (D1) | Amazon/B v Yellow/P (D1) |
| 12.05 | Wanzesi v Sunam (D1) | STC v Waliya (D1) |
| 1.10 | Moukasi v Waliya (W1) | GFC v Uni (W1) |
| 2.15 | Sobou v GFC (PREM) | Cyclone v L/Biscuits (D2) |
| 3.40 | Moukasi v Rapatona (PREM) | Moukasi v Rapatona (D2) |
| 5.00 | Masters v C/Eastern (D2) | Eastenders v B/Bros (D2) |

SUNDAY JUNE 11, 1995

| | | |
|-------|---------------------------|---------------------------|
| 7.00 | PTC v FBH Def (U.19) | Guria v Uni (U.19) |
| 8.00 | FBH Def v PTC (PR) | B/Kumuls v Guria (PR) |
| 9.00 | Batisalam v Kumunido (D2) | Buresong v SB Bomess (D2) |
| 10.00 | STC v Murat (W2) | Keezsang v Tarangau (W2) |
| 11.00 | Babaka v Murat (D1) | Tarangau v M/Rangers (D1) |
| 12.05 | FBH Def v Wanzesi (W1) | Y. Pages v Sunam (W1) |
| 1.10 | Kurti Andra v Sobou (W1) | Keweh v PS Roots (W1) |
| 2.15 | Golo v Momase (PREM) | K/Andra v E/United (PREM) |
| 3.40 | Guria v Rapatona (PREM) | K/Andra v UNI (PREM) |
| 5.00 | Nasemo v Maset (D2) | Golo v Momase (D2) |

SUNDAY JUNE 11, 1995

GFC OVAL

| | |
|-------|--------------------------------|
| 9.00 | B/Kumuls v Magi Rangers (U/19) |
| 10.00 | Kurti Andra v Rapatona (U/19) |
| 11.00 | De La Salle v Cyclone (U/19) |
| 12.00 | Koupa v Momase (U/19) |
| 1.00 | Club Eastern v Momose (W2) |

NB: Due to the National Club Championship in Lae the following games will be re-scheduled at a later date:-

1. Blue Kumuls V Guria (Premier)
2. Koupa V University (Premier)
3. Guria V LSC (Womens One)

**PORT MORESBY TOUCH ASSOCIATION
June 11**

| Time | Field | Team | Division |
|-------|----------|-------------------|----------|
| 2.00 | Coke | FD1 vs Pom Tech | Women |
| 12.00 | Harbours | FD 2 vs Nau FM | Men |
| 12.45 | Defence | FD 1 vs Harbours | Women |
| 12.45 | Tarangau | FD 2 vs Coke | Men |
| 1.30 | Rebels | FD 1 vs Nau FM | Women |
| 1.30 | Defence | FD 2 vs B/Systems | Men |
| 2.15 | Hyundai | FD 1 vs B/Systems | Women |
| 2.15 | Pom Tech | FD2 vs Hyundai | Men |

Rebels bye: Men
Tarangau by: Women

**NCD GOILALA LEAGUE
ROUND 14**

| Team | Saturday June 10, 1995. | Team | Division |
|-----------|------------------------------|------|----------|
| UK Bears | vs Tetep Bulldogs | | |
| Goi Lords | vs Adda Rocks | | |
| Cowboys | vs Tigers | | |
| | Sunday June 11, 1995. | | |
| Norths | vs Dolphins (14 mile) | | |
| Panthers | vs West | | |
| Sharks | vs Raiders | | |

A Grade Sharks vs Raiders to play as curtain raisers game on Monday for the main event Tapini Goi-Warriors vs Moresby Goipom Pioneers.

**Monday June 12 1995
Show Monday
Launching of the Goilala League**

| | | |
|---------|------------------------------|-------|
| 9.30am | Tapini vs Pioneers | U/21 |
| 10.45pm | Tapini vs Pioneers | A/RES |
| 12.10pm | Raisers \$ Sharks vs Raiders | A |
| 2.30pm | Tapini vs Pioneers | A |

NCD GOILALA LEAGUE

Last weekend games

| "A/Grades" | Saturday June 3, 1995. | PTS |
|---------------|------------------------|-----|
| Bulldogs 10 | beat Adda Rocks | 2 |
| UK Bears 12 | beat Cowboys | 10 |
| Tigers 15 | beat Tapini | |
| "B/Grades" | | |
| Bulldogs 4 | draw Adda Rocks | 4 |
| Sharks 10 | beat Tapini | |
| "C/Grades" | | |
| Adda Rocks 10 | f/fited Bulldogs | nil |
| Sharks 8 | beat Tapini | nil |
| "A/Grades" | Sunday June 4, 1995. | |
| Panthers 16 | beat Tapini | 14 |
| Lions 12 | beat Pioneers | 8 |
| "B/Grades" | | |
| Panthers 20 | beat Tapini | nil |
| Tigers 14 | beat Pioneers | 8 |
| "C/Grades" | | |
| Dolphins 5 | beat Tapini | nil |
| Sharks 7 | beat Pioneers | 6 |

**PORT MORESBY SOCCER ASSOCIATION
PREMIER DIVISION 1995 POINTS LADDER
AS T 4/6/95 (WEEK SIX)**

| Team | GP | W | D | L | GF | GA | P |
|-------------|----|---|---|---|----|----|----|
| Rapatona | 6 | 4 | 2 | 0 | 12 | 2 | 14 |
| Guria | 6 | 4 | 1 | 1 | 17 | 8 | 13 |
| University | 6 | 4 | 1 | 1 | 11 | 5 | 13 |
| Blue Kumuls | 6 | 3 | 3 | 0 | 23 | 8 | 12 |
| Koupa | 6 | 4 | 0 | 2 | 15 | 10 | 12 |
| PTC | 6 | 2 | 4 | 0 | 11 | 5 | 10 |
| Momase | 6 | 2 | 2 | 2 | 5 | 4 | 8 |
| Ela United | 6 | 2 | 2 | 2 | 7 | 7 | 8 |
| FBH Defence | 6 | 2 | 2 | 2 | 5 | 5 | 8 |
| Kurti Andra | 6 | 1 | 2 | 3 | 5 | 9 | 5 |
| GFC | 6 | 1 | 1 | 4 | 5 | 12 | 4 |
| Golo | 6 | 0 | 4 | 2 | 7 | 17 | 4 |
| Sobou | 6 | 0 | 1 | 5 | 8 | 17 | 1 |
| Moukasi | 6 | 0 | 1 | 5 | 4 | 16 | 1 |

Division One

| | | | | | | | |
|--------------|---|---|---|---|----|----|----|
| Sunam | 6 | 5 | 1 | 0 | 9 | 1 | 16 |
| Tarangau | 6 | 4 | 1 | 1 | 8 | 3 | 13 |
| Babaka | 6 | 3 | 3 | 0 | - | - | 12 |
| PS Roots | 6 | 3 | 1 | 2 | 11 | 15 | 10 |
| Keweh | 6 | 3 | 1 | 2 | 7 | 5 | 10 |
| Hoods | 6 | 3 | 1 | 2 | 5 | 4 | 10 |
| STC | 6 | 3 | 0 | 3 | 10 | 9 | 9 |
| Wanzesi | 6 | 3 | 0 | 3 | 10 | 9 | 9 |
| Magi Rangers | 6 | 2 | 1 | 3 | 7 | 2 | 7 |
| Amazon Bay | 6 | 2 | 1 | 3 | 9 | 10 | 7 |
| Murat | 6 | 2 | 0 | 4 | 8 | 10 | 6 |
| Waliya | 6 | 1 | 2 | 3 | 6 | 17 | 5 |
| Claudy Bay | 6 | 1 | 1 | 4 | 3 | 9 | 4 |
| Yellow Pages | 6 | 0 | 1 | 5 | - | - | 1 |

PREMIER RESERVE

| | | | | | | | |
|-------------|---|---|---|---|----|----|----|
| Guria | 6 | 6 | 0 | 0 | 13 | 4 | 18 |
| Ela United | 6 | 5 | 0 | 1 | 11 | 2 | 15 |
| Rapatona | 6 | 4 | 0 | 2 | 7 | 6 | 12 |
| Momase | 6 | 3 | 1 | 2 | 7 | 4 | 10 |
| Moukasi | 6 | 3 | 1 | 2 | 6 | 3 | 10 |
| University | 6 | 3 | 1 | 2 | 5 | 5 | 10 |
| Kurti Andra | 6 | 2 | 3 | 1 | 3 | 3 | 9 |
| FBH Defece | 6 | 2 | 2 | 2 | 4 | 4 | 8 |
| GFC | 6 | 1 | 2 | 3 | 5 | 6 | 5 |
| PTC | 6 | 1 | 2 | 3 | 2 | 10 | 5 |
| Sobou | 6 | 1 | 1 | 4 | 5 | 9 | 4 |
| Golo | 6 | 1 | 1 | 4 | 3 | 9 | 4 |
| Blue Kumuls | 6 | 0 | 3 | 3 | 0 | 3 | 3 |
| Koupa | 6 | 0 | 3 | 3 | 1 | 5 | 3 |

Division Two

| | | | | | | | |
|--------------|---|---|---|---|----|----|----|
| PS Roots | 6 | 5 | 1 | 0 | 12 | 1 | 16 |
| Buresong | 6 | 5 | 1 | 0 | 9 | 0 | 16 |
| SB Boomers | 6 | 5 | 0 | 1 | 15 | 2 | 15 |
| Eastenders | 6 | 5 | 0 | 1 | 13 | 15 | 15 |
| Bilawawa | 6 | 4 | 2 | 0 | 12 | 1 | 14 |
| Cyclone | 6 | 3 | 2 | 1 | 7 | 4 | 11 |
| Kumunimdo | 6 | 3 | 0 | 3 | 4 | 4 | 9 |
| Maset | 6 | 3 | 0 | 3 | 8 | 11 | 9 |
| Maset | 6 | 2 | 2 | 2 | 4 | 4 | 8 |
| Batisalam | 6 | 2 | 0 | 4 | 5 | 7 | 6 |
| Katamani | 6 | 1 | 3 | 2 | 3 | 6 | 6 |
| Sians | 6 | 1 | 2 | 3 | 3 | 5 | 5 |
| Masters | 6 | 1 | 1 | 4 | 2 | 16 | 4 |
| Batu Bros | 6 | 1 | 0 | 5 | 2 | 13 | 13 |
| Club Eastern | 6 | 0 | 0 | 6 | 0 | 12 | 0 |
| Masemo | 6 | 0 | 0 | 6 | 0 | 12 | 0 |

Under 19s

| | | | | | | | |
|--------------|---|---|---|---|----|----|----|
| Rapatona | 6 | 6 | 0 | 0 | 13 | 0 | 18 |
| Magi Rangers | 6 | 4 | 2 | 0 | 9 | 0 | 14 |
| Kurti Andra | 6 | 4 | 2 | 0 | 7 | 2 | 14 |
| Blue Kumuls | 6 | 3 | 2 | 1 | 6 | 1 | 11 |
| Momase | 6 | 3 | 2 | 1 | 6 | 1 | 11 |
| Moukasi | 6 | 3 | 1 | 2 | 5 | 5 | 10 |
| De La Salle | 6 | 2 | 2 | 2 | 4 | 3 | 8 |
| Gruia | 6 | 2 | 1 | 3 | 6 | 8 | 7 |
| FBH Defence | 6 | 2 | 1 | 3 | 3 | 5 | 7 |
| Golo | 6 | 1 | 3 | 2 | 6 | 8 | 6 |
| PTC | 6 | 1 | 2 | 3 | 5 | 7 | 5 |
| GFC | 6 | 1 | 2 | 3 | 4 | 8 | 5 |
| Cyclone | 6 | 1 | 1 | 4 | 2 | 7 | 4 |
| Ela United | 6 | 1 | 0 | 5 | 1 | 11 | 3 |
| Koupa | 6 | 0 | 0 | 5 | 0 | 12 | 0 |

Women's One

| | | | | | | | |
|--------------|---|---|---|---|----|----|----|
| Guria | 6 | 4 | 1 | 1 | 20 | 3 | 13 |
| Sunam | 6 | 3 | 2 | 1 | 7 | 3 | 11 |
| FBH Defence | 6 | 3 | 2 | 1 | 6 | 3 | 11 |
| Waliay | 6 | 2 | 4 | 0 | 5 | 3 | 10 |
| University | 6 | 3 | 1 | 2 | 4 | 4 | 10 |
| GFC | 6 | 3 | 3 | 0 | 4 | 3 | 9 |
| Moukasi | 6 | 2 | 2 | 2 | 3 | 6 | 8 |
| Yellow Pages | 6 | 1 | 2 | 3 | 2 | 3 | 5 |
| LSC | 6 | 1 | 2 | 3 | 2 | 5 | 5 |
| Sobou | 6 | 1 | 2 | 3 | 6 | 10 | 5 |
| Kurti Andra | 6 | 1 | 2 | 3 | 1 | 10 | 5 |
| Wanzesi | 6 | 1 | 1 | 4 | 1 | 7 | 4 |

Women's Two

| | | | | | | | |
|-------------|---|---|---|---|----|----|----|
| PTC | 6 | 4 | 2 | 0 | 16 | 1 | 14 |
| Gerehu High | 6 | 4 | 1 | 1 | 10 | 3 | 13 |
| PS Roots | 6 | 4 | 0 | 2 | 9 | 4 | 12 |
| Blue Kumuls | 6 | 2 | 2 | 2 | 6 | 6 | 8 |
| Tarangau | 6 | 2 | 2 | 2 | 3 | 4 | 8 |
| Momase | 6 | 2 | 2 | 2 | 4 | 11 | 8 |
| STC | 6 | 2 | 1 | 3 | 5 | 8 | 7 |
| Murat | 6 | 1 | 3 | 2 | 4 | 7 | 6 |
| Keezsang | 6 | 1 | 1 | 4 | 3 | 8 | 4 |
| Club Easter | 6 | 0 | 0 | 6 | 0 | 12 | 0 |

NCD GOILALA LEAGUE

Results Of Last Weekend Games Round 13

| "A/Grades" | Saturday May 27, 1995. | PTS |
|-------------|------------------------|-----|
| Cowboys 12 | beat Bulldogs | 8 |
| Reds 24 | beat Norths | 4 |
| Tigers 6 | beat Goilords | 4 |
| "B/Grades" | | |
| Cowboys 15 | f/fited Bulldogs | nil |
| Norths 6 | beat Reds | 2 |
| Tigers 15 | f/fited Goilords | nil |
| "C/Grades" | | |
| Cowboys 10 | f/fited Bulldogs | nil |
| Reds 6 | beat Norths | nil |
| Goilords 7 | beat Tigers | nil |
| "A/Grades" | Sunday May 28, 1995. | |
| Sharks 2 | beat Bears | nil |
| Panthers 7 | beat Raiders | 6 |
| Dolphins 14 | beat Adda Rocks | 10 |
| "B/Grades" | | |
| Sharks 8 | beat Bears | 6 |
| Panthers 10 | beat Raiders | 2 |
| Dolphins 1 | beat Adda Rocks | nil |
| "C/Grades" | | |
| Sharks 4 | draw Bears | 4 |
| Panthers 4 | beat Raiders | nil |
| Dolphins 10 | f/fited Adda Rocks | nil |

**KOIARI RUGBY LEAGUE ASSOCIATION
POINTS LADDER**

**Round 1/8
May 4/1995**

| A grade | P | W | L | D | F | A | Pts |
|---------------|---|---|---|---|----|-----|-----|
| Team | | | | | | | |
| Mebos | 8 | 6 | 2 | | 58 | 53 | 12 |
| Sogeri Choice | 7 | 5 | 2 | | 86 | 62 | 10 |
| Brothers | 8 | 5 | 3 | | 85 | 56 | 10 |
| Lakers | 7 | 4 | 1 | 2 | 73 | 33 | 10 |
| Tigers | 7 | 4 | 2 | 1 | 44 | 38 | 9 |
| Sharks | 8 | 3 | 3 | 2 | 58 | 47 | 8 |
| Panthers | 7 | 4 | 3 | | 56 | 56 | 8 |
| Knights | 7 | 3 | 3 | 1 | 62 | 65 | 7 |
| Doma | 7 | 2 | 4 | 1 | 58 | 56 | 5 |
| Souths | 7 | 1 | 6 | | 26 | 50 | 2 |
| Broncos | 7 | | 7 | | 40 | 111 | |

| B grade | P | W | L | D | F | A | Pts |
|---------------|---|---|---|---|----|----|-----|
| Team | | | | | | | |
| Sogeri Choice | 6 | 5 | | 1 | 74 | 48 | 10 |
| Mebos | 7 | 5 | 2 | | 35 | 26 | 10 |
| Knights | 6 | 4 | 2 | | 66 | 34 | 8 |
| Doma | 6 | 4 | 2 | | 36 | 32 | 8 |
| Brothers | 7 | 3 | 4 | | 34 | 34 | 6 |
| Panthers | 6 | 2 | 3 | 1 | 66 | 41 | 5 |
| Tigers | 6 | 2 | 4 | | 46 | 46 | 5 |
| Lakers | 6 | 2 | 3 | 1 | 28 | 22 | 5 |
| Souths | 7 | 2 | 5 | | 42 | 66 | 4 |
| Sharks | 7 | 1 | 6 | | 20 | 48 | 2 |
| Broncos | 6 | 1 | 5 | | 14 | 50 | 2 |



• No ken ting olsem meri ya i laik flai, em i wokim stail bilong em long taim tim bilong em Raukele i bungim Mermaids long netbal pilai insait long Mosbi.



• Aquila Emil bilong Mosbi Vipers i lukluk raun long ol narapela tim pilaia bilong em long salim bal i go. Vipers i bin pilai wantaim ol Rabaul Guria na ol i winim ol Guria 17-34.



• Dispela em kain stail i bin kamap taim GFC i bungim Kurti Andra long Sarere las wik.



• Moa stail i bin kamap long gem bilong Mermaids na Raukele long netbal wankain stail bai kamap gen long dispela wiken.



• Elias Paiyo bilong Mosbi Vipersi laik abrusim takel long wanpela pilaia bilong Rabaul Guria tasol em i no inap.



• GFC pilaia i ilaik rausim bal kwiktaim long pilaia bilong Kurti Andra.

FRENCH BAKEHAUS

 • **CAKES**
 Weddings & Birthdays
 Our speciality
25 1266 Pom
42 5349 Lae

PROVINSAL
SOKA NIUS

FRENCH BAKEHAUS

 • **CAKES**
 Weddings & Birthdays
 Our speciality
25 1266 Pom
42 5349 Lae

Momase rijonal kik bai laitim Vanimo

ARI HABA i raitim

BIKTAUN bilong Sandaun provins, Vanimo bai paia lait long dispela wiken bikos long Momase rijonal soka sempionsip.

Ol tim bai kam olsem long Madang, Lae, Wewak na Vanimo yet long traim bun bilong ol long dispela longpela Kwins Betde wiken.

Bipo ol bikman makim olsem 16 tim olgeta bai kik. Tasol Lae soka tim wantaim Lae

Kantri, Ramu, Suka, na Bulolo/Wau bai i no inap i kamap. Olsem na namba bilong ol tim i go daun.

Wanpela mausman bilong komiti i lukautim ol pilai long fil, Vincent Tupi i tok ol tim bilong Morobe no inap stap insait long dispela resis. Astingting bilong ol long i no salim wanpela tim i no klia yet.

Nau yet Vanimo i gat tupela tim, Nuku 2, Aitape 1, Lumi 1, Telefomin 1, Lido 1, na Amianiab 1. Wewak i gat 4-pela tim. Em

Wewak 1, Maprik 1, Arigoram 2. Toksave i no klia yet olsem Wewak bai salim wanpela o tupela tim.

Tok sori

Bikpela tokori i go long ol pipel long Sandaun, na tu long ol soka sapota insait long Vanimo taun olsem Lae bai i no inap bung long dispela soka resis. As bilong dispela i no klia yet long ol komiti i wok wantaim long hofim dispela resis.

Planti pipel Jong

Vanimo i laik lukim tru ol kain soka stail na pilai bilong Lae soka. Tasol nau bai ol i no inap long kam.

Nau yet komiti i oraitim pinis ful sistem bilong pilai soka. Taim ol pikim olgeta tim pinis, ol bai i go insait long pul 1 na pul 2. Taim ol tim i stap pinis long pul 1 na pul 2, ol komiti nau bai kamapim dro bilong ol long pilai.

Wanem tim i skoarim bikpela poin long gem bilong ol, bai ol go insait long fainal. Na bihain bai tupela top tim long ol dispela pul i go insait

long gren fainal.

Ples bilong pilai

Olgeta soka gem bai kamap insait long Vanimo taun soka oval. Ol mameri laik lukim pilai bai baim geit na go insait lukim.

Ol komiti i redim pinis hap bilong ol tim long slip. Ol i no kisim gut nem bilong olgeta tim. Tasol ol i redi gut inap ples bilong slip.

Mista Tupi i mekim bikpela apil tru i go long ol pipel long Sandaun long rispektim dispela Momase rijinol soka

sempionsip long kamap gut.

Mister Tupi i go het na tok taim bilong pilai em i taim bilong amamas. Olsem na olgeta tim i mas sapotim wanpela na narapela. Na wanem asua i kaamp long fil, em i wok bilong referi wantaim tupela lainsmen na tupela kepten bilong tim.

Mister Tupi i tok plis bai putim was tu long pilai. Na wanem lain i mekim bikhet pasin, bai plis i kam holimpasim na sasim ol.

Vanimo Kantri no amamas long Lae no kamap

TIM trena na kosa bilong Vanimo Kantri soka, Valentine Wokre i tok em i no amamas na wanbel tru long Lae soka tim i no krungutim Vanimo long dispela Momase tonanmen.

Em i tok Lae em i wanpela bikpela nem soka senta we ol i gat olgeta samting bilong mekim pilai i kamap strong wantaim moa gutpela stail. Na tu ol i gat sans long mekim moa mani long baim rot na kamap. Tasol bilong wanem na ol i no kam.

Em i tok olgeta yia tim bilong Vanimo i save krungutim ol arapela senta olgeta taim. "Maski mipela bungim hevi long mani trenspot, mi wantaim tim bilong mi save kamap bikos mipela i no laik dauning nem bikpela senta mas bekim dinau long fil.

Mista Wokre i tok ol pipel long Vanimo i gat bikpela laik long lukim Lae i kik wantaim Vanimo. Bikpela samting em i no long lukim sempion tim bilong rijon. Em i tok bikpela samting em ol i laik lukim Lae soka stail, na Vanimo wantaim hapkas Jayapura soka stail.

Nau dispela driman ong ol pipel long lukim Vanimo soka tim pilai wantaim Lae nau i lus.

Tasol Mista Mokre i tok Vanimo bai kamapim gutpela pilai wantaim Madang na Wewak taim ol i kisim ol. Em i tok ol pilaia bilong em i gat strongpela pawa na spit long fowat, midfil na baklain. Olsem na ol senta husat i kamap i mas lukaut gut.

Paulinus Hasubek wantaim Abraham Hababuk bai sanapim strongpela banis bilong Vanimo Kantri. Mista Wokre i tok em i gat tupela smok balus winga long saillain tu. Nem bilong tupela em Luis Kwanteri na John Akwi. Olsem na tupela dispela pilaia tu em ol birua tim i mas lukaut.

Midil bai lukautim pilai wantaim lukaut bilong ol nem pilaia olsem Bonny Wasem, Philip Maksi na kepten Philip Sikre.



• Elcom soka tim bilong Lahi soka resis long Lae siti. Ol i lus long Guria 4-2 long Jas wik Sande. Foto: Yakam Kelo

Momase tim gat sans long pilaim Jayapura

ARI HABA i raitim

PRESIDENT bilong Momase soka sempionship long Vanimo, Gerald Cubon tokaut long Vanimo olsem Momase soka skwat bai i gat sans long kik wantaim primia o sempion soka klab bilong Jayapura taun, Apusai.

Apusai soka klab bilong Jayapura i holim 4 yia rekot olsem Jayapura soka king. Na tim bilong Sentani i stap namba tu.

Las yia, Vanimo soka skwat bin go pilai wantaim ol. Na Apusai soka tim bin niim ol 4-1. Na long Sentani, ol bin givim ol 2-0. Long narapela gem gen, Sentani i nilim Vanimo 2-1.

Nau yet ol gutpela soka pilaia insait long Momase rijon bai testim save na

stail bilong ol egensim ol top tim bilong Irian Jaya.

Mista Cubon i tok em wantaim ol eksekutyu bilong em i laik bringim Jayapura soka tim i kam long Vanimo, we ol opisal na pilaia mas luksave long ol kain stail na pilai, em ol arapela Melanesia brata stap klostu long boda i gat.

Mista Cubon i tok dispela bai sans bilong ol pilaia long Lae, Madang, na Wewak, husat i nogat sans long kik wantaim Jayapura tim bipo long soim stail na nem bilong ol.

Mister Cubon i tok tu olsem insait long Momase rijonal soka sempionsip, bai ol i makim ol pilaia bilong makim Momase long kik egensim ol lain hapsait long boda.

Saint United i redi tu long mek nais

ARI GUH DANDEE i raitim

OL boi bilong Saint United insait long Wau, Morobe provins nau i wok long stap insait long strongpela trening tru, aninit long lukaut bilong kosa John Chippet. Bikos ol i gat bikpela laik tru long kukim Nesenel soka klap sempionsip, em bai kamap long Lae siti long dispela longpela Kwins Betde wiken.

Saint United, husat i winim soka gren fainal bilong Wau soka resis long 1994 nau i rejista pinis long stap insait long dispela bikpela soka pilai.

Dispela tu i soim olsem liklik ples Wau i wok long kamapim na promotim soka

gut. Bikos nau em i namba wan taim bilong Wau long kik long kain bikpela nesenel kik.

Long training kemp bilong ol long tunde apinu taim Wantok nius i bin toktok wantaim kosa John Cippet, John i tok em i gat bikpela amamas tru logn wanmen liklik taun Wau i gat bikpela nem tru logn sai bilong ekonomik tasol long sots Wau i no gat nem logn wanem development bilong spot i no kamap gut na strong tumas.

Tasol stat long 1990 Wau i wok long develope gut tru long soka na stat long dispela taim Wau i wok long salim squad long pilai insait long Morobe na planti bilong ol i pilai insait long ol regional tournaments.

Long anu yet piksa bilong Saint United i soim tru olsem soka insait long Wau i wok long kamap gut.

Wantaim liklik experience long soka na olsem kosa bilong ol Wau na Bulolo squad long planti yi i go pinis em i gat bilip olsem ol boi bilong em i bai i pilai gut tru long ol raun up pilai tasol long kamap champion em bai soka bol yet i tok long eri taim ol boi i kikim em i go i kam long pil.

Saint United bai i no inap wari tumas bikos ol i gat sampela ol experience pilaia husat i makim Morobe Kantri na i gat save liklik long pilai olsem Plenstine Kale, Patik Ruben, Gavmin na Janiku Gurua husait ol i stap long anda 16.

National tatols na ol i gat sampela experience pinis wantaim Steven Jacob, Sebastine Park, Ruben Surua na Willie husait tu i gat samepla experiences tu long pilai insit long Morobe kantir bai i givim apot long ol wan pilai bilong.

Bikpela sapot tru na man husait bai givim bikpela sapot tru na saint United bai i tingting moa long em, em Phillip peter husait Saint United 1 kolim em olsem masin man bilong tim.

Phillip tu i gat save tru long pilai soka bikos em i bin, makim Rabaul insait long sampela bikepal tournament long hapsait hailain na sapos em i usim ol dispela save na ol kain trick na stail Saint United basi i no gat moa

wari. Planti bilong ol dispela pilai i no save pilai insiat kain national titol bifo na ol bai i skin kirap liklik taosl long pilai taosl dispela bia i no inap givim wari tumas long ol.

Bikpela tingting bilong ol en long lukim olsem Saint United tu mas i gat nem long finals na en fasol ol so: i gat logn tingting bilong ol.

Chippet i surukim maus moa na i givim tenkyu long Wau soka association United insait logn dispela national taitol wei ol i stap insait olsem Mami Association bilong ol na salim ol i go aut logn pilai insait long, dispela taitol wei i soim olsem Wau i gat nem long pilai soka.

PNGFA laikim Solomon Ailan long holim U17 kik

YAKAM KELO i raitm

PRESIDEN bilong Papua Niugini Futbol Asosiesen (PNGFA), Peter Mommers i tok bai PNGFA i stretim tok-tok wantaim Solomon Ailan. Dispela em long lukim olsem Solomon Ailan i lukautim soka resis bilong Anda 17 long mun Septemba, 1995.

Mommers i tokaut long las wik olsem PNGFA bai amamasim yet Anda 17 tim bilong PNG wantaim wanpela ovasis tonamen.

PNG Anda 17 tim long dispela ya i no bin pilai long Osenia Anda

17 tonamen long Vanuatu. Bikos PNGFA i sot long mani bilong salim dispela junia tim i go long pilai.

Mommers i tok PNGFA i holim toktok pinis wantaim Australia na Solomon Ailan long dispela pilai.

Long Australia, ol i tingting long holim pilai ya long Kens. Olsem na toktok i stap pinis wantaim Kwinslen Soka Asosiesen.

Tasol long lukluk long sait bilong mani, PNGFA i skelim olsem ol i ken sevim mani na PNGFA i no inap tromoi bikpela mani tumas.

Narapela samting tu

em ples long Solomon Ailan i wankain olsem PNG long sait bilong san na win. Olsem na i moa gutpela long junia skwat bilong PNG i go pilai long hap.

Mommers i tok PNGFA i tingting long kamapim dispela pilai long mun Septemba 'long skul holide. Bikos planti bilong ol manki long skwat bilong PNG i go pilai long hap.

Presiden i tok narapela samting long salim skwat ya i go pilai long Solomon Ailan em bikos dispela i ken givim gutpela piksa long ol opisal na kosa i glasim pilai bilong mipela, na skelim level bilong mipela wan-

taim Solomon Ailan. "Australian em i bikpela kantri tumas we level bilong mipela i no wankain olsem bilong ol. Olsem na i moa gutpela long mipela i skelim mipela yet wantaim ol wansolwara kantri pastaim".

Tripela pilai bai makim Wewak na Mosbi

Wewak Soka Asosiesen (WSA) na Mosbi Soka Asosiesen (PMSA) i baim pinis afiliesen fi bilong ol i go long PNGFA. Olsem na Mommers i askim Nesenel Yut Kosa, Ludwig Peka long lukluk na kisim tripela manki long tupela

asosiesen ya. Na putim i go insait long skwat bilong em.

Tasol Mommers i tok wok i stap long Ludwig yet long em i laik kisim tripela pilai long Wewak na tripela long Mosbi.

Tasol long las wik Fonde, Ludwig i bin tokim Wantok olsem em bai amamas sapos PNGFA i holim toktok wantaim Solomon Ailan long kamapimim dispela pilai bilong ol junia.

Ludwig i no tokaut long wanem as tasol em i tok bai gutpela pilai i ken kamap namel long ol manki bilong PNG na Solomon Ailan.

Faundesesen helpim Wewak volibal

GODFRIED YASSAFAR i raitim

TAIM wanpela man Dagua long Is Sepik Provins, nem bilong em Antok Sakarai tokim mi olsem Wewak Volibal Asosiesen (WVA) i gat faundesesen bilong en, mi paul na askim Sakarai: Faundesesen em wanem samting ya?

Em nau Sakarai tok klia long mi olsem faundesesen em i bun beksait o strong bilong Wewak Volibal Asosiesen.

Sakarai go het na tokaut olsem bikos faundesesen i stap olsem bun bilong WVA, wok bilong faundesesen em long holim ol bung na paitim toktok. Na painim ol rot na we long sapotim WVA long karim aut wok bilong en long promotim volibal insait long Is Sepik Provins.

Em i tok dispela em i namba wan taim long wanpela spot insait long Is Sepik Provins i kamapim wanpela komiti o grup long helpim, strongim na sapotim ol wok bilong en. Na WVA i namba wan long putim kamap dispela Volibal Faundesesen Komiti long helpim WVA.

Sakarai tok WVA i putim kamap dispela Faundesesen Komiti bihainim indai bilong wanpela biknem volibal pilai bilong WVA. Nem bilong dispela pilai ya em Bobby Tau.

Long tripela yia i go pinis, pastaim long Bobby Tau i dai, em i bin kisim bikpela sik. Em nau ol opisal bilong WVA i raitim pas na putim wanpela bikpela askim i go long ol bisnis oganaisesen insait long provins helpim WVA antaim sampela mani. Na ol i ken yusim dispela mani long salim Bobby i go long bikpela haus sik long Lae.

Bihainim dispela askim bilong WVA, sampela lokol bisnis oganaisesen i givim fainensal helpim. Na WVA i yusim dispela mani long salim Bobby i go long Lae. Tasol em i go stap long bikpela haus sik long Lae na em i dai. Na ol i yusim sampela bilong dispela mani long bringim bodi bilong Bobby i go bek long Wewak. Na bihainim salim bodi bilong em i go bek long asples bilong em long Lae, Morobe Provins.

Bihain long WVA i stretim na pinisim olgeta samting wok we i kam aninit long indai bilong Bobby Tau, WVA i lep wantaim samting olsem K800 bilong mani we ol bisnis haus i givim. Em nau ol opisal bilong WVA i paitim toktok na kamapim wanpela tokorait. Na ol i opim wanpela IBD akaun wantaim Wespek Beng na putim dispela K800.

Bikos dispela mani kam long han bilong WVA bikos long bagarap na dai bilong Bobby, WVA i kamapim tingting olsem ol i mas mekim wanpela gutpela samting long yusim dispela mani. Wantaim astingting long promotim volibal long provins we Bobby i bin traim hat long mekim taim em i stap laip yet. Dispela tingting i strong moa moa yet na WVA i putim kamap dispela Faundesesen Komiti bilong WVA.

Anton Sakarai stap olsem siaman bilong dispela Faundesesen Komiti.

Long arapela samting, olgeta samting na wok i go het gut long holim provinsal volibal tonamen long dispela wiken, Jun 10-12.

Sakarai tok planti tim i givim pinis nem bilong ol. Na long wankain taim baim afiliesen bilong ol. Afiliesen, Sakarai tok, bai pas long tumora Fraide, Jun 9.



• Axle A gret tim long NCD volibal resis.

Kaindi pipel long Wau i laikim spot sevis

ARI GUH DANDEE i raitim

OL pipel bilong Kaindi insait long Wau distrik nau i singaut strong tru, na askim spot opis bilong ol insait long Wau long kirapim ol spot pilai insait

long eria bilong ol. Dispela askim bilong ol i bin kamap bihainim wanpela wokabaut bilong spot kodineta, Guti Kawa, husat i bin i go lukluk long hap bilong ol long las wik. Astingting bilong

Mista Kawa mekim wokabaut i go long hap em long kirapim spot.

Insait long wanpela kibung, Mista Kawa i bin tokaut olsem opis bilong em bai traim strong tru long lukluk long hevi bilong ol

Kaindi pipel. Bikos dispela em i wanpela sevis we ol pipel i laikim.


Em i tok i tru long lukluk bilong em ol pipel long Kaindi i laikim pilai o spot. Tasol ol i nogat gutpela pilai graun bilong holim ol pilai. Na dispela em

i wanpela bikpela hevi tru.

Mista Kawa i askim pinis sampela bilong ol dispela pipel long stap insait long wanpela skul o kos we opis bilong em i wok long tingting long holim kamap long dispela mun.

BATIM


**Weekend Sport
long Fraide na
bai yu lukim ol
spot nius
bilong tude.**



SPORT
WEEKEND

EM I SPOT NIUSPEPA BILONG PNG STRET!

WANTOK SPOTS



PNG bai kisim planti gutpela samting long Supa Lig

PAPUA Niugini bai kisim planti gutpela samting long supa lig long developim ragbi lig insait long kantri tasol sapos em i laik putim wantaim tim long resis long supa lig, em bai kosim PNG K7 milien long wanwan yia long putim wanpela tim long dispela resis. Na lukluk long nau yet, dispela i no nap kamap tasol bai i mas stap bihain taim liklik.

Tasol long ol narapela samting, PNG bai kisim planti gutpela samting moa long supa lig em Australian Ragbi Lig i no bin mekim long bipo na PNG bai i gat sans long kisim moa mani long ranim ol develop-

...K7 milien long putim tim long wanwan yia...

RODNEY KAMUS i raitim

men program.

Siama bilong Papua Niugini Ragbi Futbol Lig bod Joe Keviam i bin tokaut long dispela long asde taim em i stretim sampela toktok em planti manmeri i no save gut long wanem samting PNG bai kisim aninit long dispela nupela supa lig resis.

Keviam i tok olsem long joinim Supa Lig, dispela i no min olsem Papua New Guinea bai putim wanpela tim i go insait long Supa Lig resis hariap tasol dis-

pela i ken kamap long sampela yia bihain taim sapos gutpela sapot i kam long ol bisnis haus.

Jenerel menesa bilong Papua Niugini Ragbi Futbol Lig Martin Adamson i tokaut tu olsem sapos PNG i laik putim wanpela tim i go insait long bihain taim, PNG i mas gat gutpela stedium na mani long mekim dispela samting. Mani PNG i mas gat long putim wanpela tim i go insait long Supa Lig em bai inap olsem long K7 milien long wanpela yia.

"Sapos ol bisnis haus na ol narapela i givim sapot, PNG i ken putim wanpela tim long yia 2000 o 2002," Adamson i tok.

PNGRFL long nau yet ino nap tokaut long hamas mani em i stap insait wantaim dispela kontrak bilong Supa Lig tasol ol narapela samting i gutpela tru insait long dispela kontrak. Mani tu i gutpela.

Keviam i tok olsem long sain wantaim Supa Lig, PNG i putim em yet i go wantaim Nu Silan, Inglen, Westen Samoa, Fiji, Tonga na Supa Lig Australia.

Wanpela Supa lig

intanesenel bod em ol bai kamapim na PNG i gat wankain rait o masu olsem Australia, Inglen na Nu Silan.

Ol Kantri husat i ful memba bilong supa lig bod bai i gat rait long vot long olgeta disisen bilong ol na PNG emi wanpela tu.

Wanpela gutpela samting tru long dispela bung bilong PNG wantaim supa lig em ol Tes pilai bai kamap yet long olgeta taim. Dispela em ol bai toktok long em taim Supa Lig Intanenesenel Bod i bung.

Long dispela ol Tes pilai, PNG bai resis tu tasol bai ino nap long lusim wanpela mani long tonamen bilong wanpela yia wantaim Fiji, Tonga, Nu Silan na

Australia. Dispela resis bai i gat pilai i kamap long PNG wantaim ol fainels bai ol i pilaiam olsem Nu Saut Wels, Kwinslen na Nu Silan series.

Papua Niugini tu bai gat bikpela sans long pilai long Fiji Ragbi Lig sevans tonamen we ol i makim olsem opisal sevans tonamen bilong supa lig.

Ol narapela gutpela samting em PNG bai kisim em long putim wanpela bikpela pilai bilong Supa Lig tim olsem Brisbane Broncos na Canberra Raiders long wanwan yia na PNG bai holim olgeta mani bek em ol i kisim long geit.

Narapela samting em ol kos bilong ol mani em i kamap long ranim ol kosing klinik, na junia developmen program em ol dispela samting

bai Papua Niugini i no nap lusim mani tasol Supa Lig bai stretim dispela olgeta samting.

Supa Lig tu bai givim ol sapot olsem long sait bilong ranim ol kos bilong ol kosa na referi na kain ol man olsem Bill Harrigan i ken kam antan long PNG long lukautim ol inta siti pilai tu.

Na liklik wok tasol PNG bai mekim em soim ol tasol ol pepa bilong hamas kos bilong olgeta dispela samting na supa lig yet bai stretim.

Wanpela samting tasol PNG i no nap long mekim em PNG i no nap pilaim ol tes pilai egensim ol kantri husat i no memba bilong supa lig. Tasol olgeta narapela samting i gutpela tru long helpim ragbi lig i develop long kantri.



Kerema joinim ol boi Tolai ... Long lephan i go long rait em Lipirin Palangat, Joshua Kouoru, Tuksy Karu, Terry "FM" Longbut na kosa Apelis Maniot. Karu na Kouoru i bilong Kerema, husat save pilai long Mosbi Wes. Tupela i givim pawa nau long bekdain bilong Rabaul Guria olsem tupela i soim long las wiken egensim Mosbi Vipers long Lloyd Robson oval. Dispela wiken Guria bai bungim Hagen Eagles long Hagen. Olsem na ol boi "Kange" mas lukaut gut. Foto: Ivan Bayagau.

Netbal supa lig kam bek long Mosbi

PAPUA Niugini Netbal Federesen i bin senisim ples bilong bikpela pilai netbal Supa Lig long Popondeta i kam long Mosbi.

As tingting bilong dispela senis em bikos 5-pela tim i no inap long kisim balus i go long Popondetta. Ol dispela

tim em Madang, Hagen, Goroka, Alotau na Kimbe. Netball Federesen i painimaut olsem i save i gat wanpela ron bilong balus (F27) tasol long olgeta Fraide. Na dispela em i givim hevi tru long ol dispela tim.

Ol bikmeri bilong

Netbal Federesen i bin traim long askim Air Niugini na Sivel Aviesen long traim kamapim tupela or tripela arapela ran bilong balus i go long Popondetta.

Dispela ol senis nau bai givim bikpela hevi tu long Popondetta husat i bin tromoi bikpela mani long stretim ples bilong pilai. Tresera bilong Popondetta Netball

Association, Kewana Kendi i no amamas long tingting bilong Netbal Federesen long sensim Supa Lig i go long Pot Mosbi. Misis Kendi tu i no wanbel bikos dispela senis i givim hat taim long Popondetta long painim K1,000 long salim tim i kam long Mosbi bikos olgeta mani ol i bin tromoi long stretim ol ples pilai.

Lae askim sapot long lukautim PNGFA Kap ki

YAKAM KELO i raitim

LAE Soka asosiesen i sanap strong yet long tingting bilong holim PNGFA Kap sempionsip long Lae long 21-23 Julai.

Tupela soka asosiesen long Lae, Lahi na LFA i wok long askim sapot long ol arapela asosiesen insait long Morobe provins, Madang, Hagen na Enga long sapotim dispela tingting bilong holim PNGFA Kap tonamen long siti bilong tupela.

Tonament Dairekta bilong PNFFA, John Peka i tok dispela tingting bilong PNGFA long holim pilai ya long Mosbi bai kos bikpela mani tumas. Peka i tok gutpela as long holim resis ya long Lae em bikos Lae em namel senta we i ken bungim olgeta provins long pilai. Dispela bai mekim isi long wanwan senta i painim rot na go bung long Lae. Na planti senta i ken kamap na sevim mani. Na PNGFA i ken pulim moa mani long geit.

Peka i tok Lae em provins bilong soka. Na PNGFA Kap salens i ken pulim planti manmeri long go lukim pilai. Na tu PNGFA i ken pulim inap mani bilong salim Saut Pasifik Gems skwat i go pilai long SP Gems long Tahiti long mun Ogas.

Presiden bilong PNFFA, Peter Mommers i bin kamapim dispela tingting bilong holim tonamen ya long Mosbi long mun Julai. Mommers i tokaut long dispela divisen taim em i stap long Vanuatu long wanpela miting bilong Osenia rijinal soka grup long las mun.

Dispela tingting holim PNGFA Kap resis long Lae tu i bin kisim sapot bilong nesene kosa, Posma Kisakiu.

Posman i laikim moa tim i mas kamap long tonamen ya. Bikos dispela i ken kamapim moa gem na

givim moa Mets Fitnes long SP Gems skwat bilong em. Olsem na Lae em i gutpela hap long holim tonamen ya.

John Peka toktok long Vanimo

Peka i laik stretim tu ol tok paul long las wik ripot olsem Lae i wok long kempen long pulim sapot bilong holim Momase Rijonal tonamen.

Peka i tok dispela tok i no tru. Bikos Lae i kempen tasol long winim sapot bilong holim PNGFA Kap nesene tonamen long Lae.

Peka i laik tokim ol lain long Vanimo husat bai lukautim Momase Rijonal soka tonament long dispela wiken olsem LFA na Lahii no inap kamap long tonamen ya.

Bikos PNGFA Kap tonament em klostu tasol long mun Julai. Na sapos LFA na Lahi salim skwat i go long Vanimo, bai tupela i tromoi moa long K4,000. Na taim ol i kam bek na redi long go long Mosbi, ol i mas redim K6,000 samting.

Long dispela as, tupela asosiesen ya bai bungim hevi, Peka i tok. Dispela hevi tu bai wankain long Madang.

Peka husat tu em tonament dairekta bilong Momase Rijonal tonamen i tok Vanimo na Wewak Soka Asosiesen i mas luksave olsem olgeta asosiesen long kantri i mas bihainim Kalenda bilong PNGFA pastaim. Bikos ol i fainasal memba bilong PNGFA. Olsem na ol i mas stap long PNGFA tonamen.

Tasol i nogat taim nau long senisim wanpela samting. Bikos Vanimo i redim olgeta samting pinis bilong pilai. Olsem wanem tim i redi mas go pilai. John Peka tasol bai kalap long balus long tude (Fonde) na go long Vanimo long stap insait long dispela rijonal tonamen.

LAE
BISCUIT



RAGBI LIG

NIUS

I NO BILONG SALIM

LAE
BISCUIT



Mosbi Vipers na Muruks pas yet

TUPELA bilong ol gren fainel feveret tim bilong dispela yia, Mendi Muruks na Mosbi Vipers bai bung long dispela wik Sande long Lyolld Robson pilai graun long brukim rop we i pasim tupela longpela taim liklik nau.

Bihain long 4-pela raun bilong pilai long inta siti kap resis, tupela tim yan Muruks na Vipers i sindaun long namba tu ples wantaim long poin lata wantaim 6 poin long tupela yet. Timhusat i stap namba wan na wanpela feveret tim bilong dispela yia logn winim gren fainel em Mt Hagen Eagles husat i sindaun long 8-pela poin.

Mosbi Vipers i no bin lusim wanpela pilai bilong ol yet long dispela sisen tasol ol judiseri komiti i bin rausim tupela poin bilong ol na givim i go long Hagen Eagles long namba wan raun bilong pilai bihain long ol Vipers i yusim winga Arnold Krewanty husat i stap aninit long saspensen.

...Sande bai tupela brukim rop...

RODNEY KAMUS i raitim

Mendi Muruks tu i bin lusim wanpela pilai bilong ol egensim Hagen kompetisen lida Mt Hagen Eagles long namba tu raun bilong pilai na i sanap strong tru nau long winim dispela pilai bilong ol egensim ol Vipers long dispela wik Sande.

Bihain long strongpela pilai bilong ol tru egensim Goroka Lahanis long las wik Sande we bikpela pait i kirap long ol sapota bilong Lahanis, ol i soim olsem ol i ken winim pilai long graun bilong ol narapela tim.

Na sapos dispela i tru, i luk olsem Mosbi Vipers tu bai pundaun aninit long han bilong ol long wanem ol manmeri husat i save

sapotim ragbi lig long Mosbi i save sapotim ol tim i kam long narapela senta na i no save singaut strong long Vipers.

Tasol Vipers husat i gat bikpela na strongpela rekot long winim ol pilai long asgraun bilong ol inap long 1993 we ol Lahanis i rausim trausis bilong ol bai putim olgeta gutpela pilaia bilong ol i go insait long lukim olsem ol i mas brukim dispela rop i pasim ol wantaim Mendi Muruks na stap namba tu long ol Hagen Eagles sapos Eagles i no lusim pilaia bilong ol egensim Rabaul Guria long dispela wiken tu.


Long putim strongpela bilip i go insait long ol Muruks, biknem pilaia bilong ol na olpela Vipers fowat Nander Yer bai keptenim

ol gen long dispela bikpela pilai na em wantaim yangpela Petrus Thomas bai kontrolim olgeta pilai bilong ol Muruks long fran na beklain.

Sapot tu bai kam long John Kepilou husat i bin pilai gut tru long las wiken na skorim wanpela trai bilong ol we ol i winim ol Goroka Lahanis.

Tasol Mosbi Vipers wantaim ol planti biknem pilaia insait long kantri olsem Daroa Ben Moide, Ben Bire, Aqiula Emil na Stanley Haru i ken mekim planti bikpela wari long ol Muruks.

Strong bilong ol Vipers long winim olgeta taim i save stap long beklain bilong ol na ol yangpela olsem Markus Bai, Paul Komboi na Wilson Mavoko bai strongim tru win bilong ol ol Vipers.



• Keten Raisa pilai bilong ol hai skul mangi long Goroka lig. dispela pilai em bipo long inta siti pilai namel long Goroka lahanis na Mendi Muruks. Foto: Sape Metta.

Sponsa bilong Muruks stretim toktok

JOE KANEKANE i raitim

SPONSA blong Mendi Muruks na siaman blong Hagen Eagles ragbi lig bot, John Bori i tok aut olsem ol toktok long askim em long lusim wok blong em na larim em long sanap namel long wanem em i sapotim tupela tim ino tru. Na em i laik kliam tingting olsem em i no sapotim wanpela tim tasol long wanem em i sambai long tupela tim na posisen blong em i stap long namel na i no long wanpela tim.

Sekreteri bipo blong Hagen lig, Michael Kerepa i tok olsem, Mista Bori i mas soim wanem hap em i sanap long wanem long

hap sait em i sponsaim Mendi na long hapsait em i kamap olsem siaman blong hagen lig na tu kampani blong em i kamap olsem liklik sponsa blong ol eagles na dispela i no mekim klia wanem hap tru Mista Bori i sanap.

Mista Kerepa i askim: Wanem samting bai kamap sapos Eagles na Muruks i go long fainel, long dispela taim bai em i sanap long we?"


Tasol Mista Bori i tok long stat long inta siti lig em i no bin sapotim wanpela tim na em bai ino inap long mekim dispela kaim pasin inap long taim dispela resis i pinis.

"Taim mi bin kisim dispela posisen long Ken Vincin, mi bin wokim dispela wok long laik blong em yet, na mi no bin sapotim wanpela tim, mi bin sanap long namel tasol", mista bori i sanap.

Em i tok halivim blong em long tupela senta i soim olsem em i laikim ol pilaia long ol narapela senta blong kantri long kisim seleksen na dispela em i nambawan tingting blong em.

Em i surukim tok tu olsem wok em i holim, em i bin tek ova long laik blong em na em i no bin sanap long kisim dispela opis.

Adrian Lam i no klia yet



• **Adrian Lam**

PAPUA Niugini Kumuls hapbek Adrian Lam i no save yet sapos em bai pilai yet wantaim Papua Niugini Kumuls o nogat.

Dispela i kamap long wanem disisen bilong Papua Niugini Ragbi Futbal Lig long joinim Supa Lig long las wik i givim Lam kainkain tingting. Lam husat i bin pilaia tripela tes pilai wantaim PNG Kumuls long las yia egensim Frans na Nu Silan i sain pinis wantaim Australian Ragbi Lig.

Klab bilong Adrain Lam em Sidni Siti Roosters husat em klab bilong James Pecker man husat i pait wantaim Rupert Murdoch long ragbi lig olsem na Lam i stap yet wantaim Australian Ragbi Lig.

Toktok bilong Lam long wanem kantri em bai i laik pilai i bin kamap bikpela tru taim ol lain long Kwinslen i makim em olsem hap-

...PNG joinim Supa Lig...

bek bilong ol long pilai egensim ol Blues long State of Origin.

Bihain long Lam i bin kamapim gutpela pilai tru long tupela State of Origin wantaim, planti toktok i bin kamap long Australia olsme Lam i gat sans yet long makim Australia.

Tasol Lam yet i tck olsem em i mekim wanpela bikpela disisen pinis na dispela em long pilai long PNG Kumuls na em i amamas tru long werim dispela yelo na red jesi.

Em bin tok tu olsem em i sain wantaim ARL na em i no save yet long disisen bilong PNGRFL long joinim wanem lain.

Tasol sapos PNGRFL i joinim supa lig, em i no gat wanpela save sapos em bai pilai yet long PNG o nogat. Tasol dispela em i disisen bilong wanem ol lain i holim em pinis.

Papua Niugini Ragbi Futbal lig siaman Joe Keviam i mas toktok yet long dispela samting.

Tasol sapos PNG i joinim supa lig na i pilaia tes pilai wantaim ol narapela kantri bipo long supa lig i stat, Lam bai pilai yet long PNG. Tasol taim Supa Lig i stat, PNG bai pilaia tes pilai wantaim ol Supa Lig kantri tasol na i luk olsem Lam i nogat gutpela sans.

Rabaul Guria laik sainim moa Mosbi West pilaia

FAIRDEAL West Ragbi Lig klab bilong Mosbi nau yet i laik traim mekim sampela kain gutpela wok bung wantaim Rabul Guria ragbi lig tim bilong inta siti resis.

West ragbi lig tim i laik kamap olsem wanpela tim we bai i stap op tasol long seleksen i kam long Rabaul Guria long dispela yia na ol yia i kam antap.

Dispela toktok em presiden bilong Rabaul Ragbi Futbol Lig (RRFL) i tokaut long wanem nau yet planti ol pilaia bilong Rabaul Guria i nogat inap fitnes bilong pilai. Ol i nogat fitnes long pilai logn wanem, taim maunten i paia long Rabaul, planti bilong ol i no pilai longpela taim liklik long kisim strong bilong pilai.

Tamtu i tok olsem em wantaim menesmen tim bilong Rabaul Guria i lukim olsem dispela i wanpela hevi bilong ol olsem na ol bai lukluk yet long sainim moa pilai bilong Mosbi West ragbi futbol lig klab.

Tamtu i mekim dispela toktok bihain long tupela biknem Mosbi pilaia olpela Kumuls hapbek Tuksy Karu na olpela Kumul senta/winga Joshua Kouoru i sain wantaim Rabaul Guria na pilaiam namba wan pilai bilong ol long las wiken egensim Mosbi Vipers.

Tupela narapela pilai bilong Mosbi West husat i stap insait long Rabaul Guria long bipo yet em winga Lipirin Palangat na strongpela West fowat Terry 'FM' Longbut. Tupela pilaia i memba bilong Rabaul Guria na tu i save



□ Tuksy Karu.

pilai long West ragbi lig klab long Mosbi.

Rabaul Guria em i wanpela namba tu tim insait long resis bilong inta siti kap long sainim ol pilai bilong narapela senta long pilai wantaim ol. Narapela tim husat i sainim ol pilai long narapela senta long pilai wantaim ol em Madang Kalibobo Globetrotters husat i kisim Sam Karara, Joe Gipse, Kaibel Kanaka na Robert Tia long pilai wantaim ol. Narapela pilaia bilong Rabaul Guria ol i lusim i go long Globetrotters em Kuks Pato husat i go long Madang bihain long maunten i paia.

Tamtu i tok olsem ol Rabaul Guria nau i laik lukluk long sainim moa pilaia bilong Mosbi West long pilai wantaim ol inap ol i sanap strong gen long lek bilong ol yet long wanem volkeno i bagarapim strong bilong ol.

Inap Hagen Eagles holim yet No. 1 ples?

RODNEY KAMUS i raitim

HAGEN Eagles long dispela wik Sande bai traim long soim strong bilong ol olsem kompetisen lida bilong SP Inta Siti Kap pilai taim ol i bungim Islands Aviation Rabaul Guria long bikpela pilai bilong raun namba 5 bilong SP Inta Siti Kap long Hagen.

Hagen Eagles nau yet i sindaun namba wan long lata bilong inta siti resis wantaim 8 poin tasol Rabaul Guria i no winim wanpela pilai bilong ol yet long dispela sisen.

Hagen Eagles i bin wanpela strongpela tim tru taim dispela resis i bin stat long 1989 tasol i bin pundaun taim moa tim i kam insait long dispela resis.

Long pilai bilong ol long dispela wik Sande egensim Rabaul Guria, ol i gat moa sans long holim yet posisen bilong ol olsem namba wan tim bilong inta siti resis long wanem ol bai kisim gutpela sapot long asgraun bilong ol yet.

Tasol ol Eagles bai i no nap winim dispela pilai isi tasol long wanem ol Rabaul Guria bai i gat bikpela laik tru long winim dispela pilai long kisim namba wan poin bilong ol egensim ol Eagles.

Wantaim ol nupela rikrut i go insait long tim olsem olpela Kumul hapbek Tuksy Karu, senta/winga Joshua Kouoru wantaim Lipirin Palangat na Terry FM Longbut, Rabaul Guria i gat bikpela sans

....ol Tobras bai pretim ol...

long pretim ol Eagles liklik. Na sapos ol Eagles i no was gut long Karu, i luk olsem em bai givim planti gutpela bal long tupela winga Kouoru na Palangat long pinisim olgeta win bilong ol Eagles.

Sapos ol Eagles i nap was gut long Karu, i luk olsem ol bai gat bikpela sans tru antap long ol Rabaul Guria long win na bosim yet lata bilong inta siti resis.

Long ol narapela strongpela pilai tu bilong dispela wiken long inta siti, Lae Bombers i gat sans long kisim tupela moa poin sapos ol i autim Kundiawa Warriors long Lae long dispela wiken.

Kundiawa husat i no strong olsem las yia i bin dro wantaim Globetrotters long namba tu raun bilong pilai long Madang. Dispela i soim olsem Lae bai gat moa sans gen long kisim tupela moa poin long lata.

Goroka Lahanis tim husat ol sapota bilong em i bin statim pait long las wiken egensim Mendi Muruks bai bung wantaim

Globetrotters long dispela wiken long Madang.

Madang long dispela yia i mekim rekot bilong ol yet long i no lusim wanpela pilai long as graun bilong ol yet na i luk olsem ol bai strong tru nau long daunim ol Lahanis long dispela pilai.

Narapela bikpela pilai em sem-pion tim bilong las yia Mosbi Vipers bai bungim Mendi Muruks long Mosbi.

Dispela pilai tu em i luk olsm bai wanpela strongpela tru long wanem ol Mosbi sapota i save stap baksait long ol tim bilong narapela senta tasol i luk olsem ol Vipers bai win yet.

Dro bilong dispela wiken

- MOSBI VIPERS VS MENDI MURUKS (POM)
- GOROKA LAHANIS VS GLOBE-TROTTERS (MAG)
- HAGEN EAGLES VS RABAU GURIA (HGU)
- KUNDIAWA WARRIORS VS LAE BOMBERS (LAE)

Poin Lata Bihain long Raun 4

- HAGEN EAGLES...8
- MOSBI VIPERS...6
- MENDI MURUKS...6
- GOROKA LAHANIS...4
- KUNDIAWA WARRIORS...3
- MADANG GLOBETROTTERS...3
- LAE BOMBERS...2
- RABAU GURIA...0

Pasin bilong bekim dinau i no gutpela

WANEM samting kosa bilong Goroka Lahanis i bin toktok long National Niuspepa olsem "mipela i bekim dinau pinis na em taim bilong sindaun gut gen" i minim olsem ol sapota bilong Goroka Lahanis, wantaim ol opisal na ol pilaia i bin plenim pinis olsem ol bai bekim dinau nau long ol Mendi Muruks long wanem samting i bin kamap long ol long Minj long las yia.

Tete i bin mekim dispela toktok long pait bilong las wiken we ol sapota bilong Lahanis i ron i go insait long pilai graun na paitim ol pilaia na opisal bilong Mendi Muruks. Insait long dispela pait, tim menesa bilong Mendi Muruks, Robert Posu i kisim bikpela bagarap long het bilong em na ol i mas karim em i go long haus sik.

Long las yia, ol Mendi Muruks wantaim ol sapota bilong ol i bin mekim nambaut na statim pait wantaim ol Lahanis long Minj semi fainel we kosa Tete i bin kisim bagarap tru.

Dispela kain toktok bilong kosa Tete i no soim gutpela pasin bilong spotsmansip we wanem kain hevi i kamap long pilai graun long bipo, em samting bilong bipo na yumi noken bringim i kam insait gen. Long planti ol spot insait long wol, i nogat wanpela man, tim opisal, o kosa i save mekim dispela kain toktok na mi yet olsem wanpela ripota bilong ragbi lig i no bin amamas tru long lukim dispela kain toktok i kamap long pepa.

Dispela kain toktok i soim olsem trabel

namel long tupela senta ya Mendi na Goroka bai ino nap pinis tasol bai i go het yet inap wanpela bikpela samting tru i kamap olsem man i dai o narapela samting bai ol i lusim.

Em i tru olsem kosa Tete i belhat long wanem samting i kamap long tim bilong em na em yet long las yia na em i amamas long ol i bekim dinau. Long dispela trabel las yia, Tete i kisim 5-pela tret long het bilong em

na long Goroka las Sande, Posu i kisim 4-pela. Tasol pasin bilong gutpela spotsman i no olsem long bekim dinau logn wanpela na narapela. I tru yu ken bekim dinau long gutpela pilai pasin. Sapos ol i winim yu wansait bipo, orait traim long bekim na winim ol wansait tu. Tasol long bekim long pait taim ol i pait long yu bipo i no gutpela.

Kosa bilong Mendi Muruks Mark Yangen i bin tokaut long Tunde olsem bipo

long ol i pilai long las wik Sande, toktok i bin kamap long bikpela spika olsem "nau em taim bilong bekim dinau" na olgeta manmeri na sapota i wok long singaut long dispela i go inap trabel i kamap long pilai graun.

Olsem na toktok bilong Tete i soim tru olsem olgeta lain long Danny Leahy pilai graun i laikim na sapotim dispela samting long kamap.

Papua Niugini Ragbi Futbol Lig Judiseri Komiti bai sindaun sampela taim long dispela wik na lukluk long dispela hevi bilong las wiken na skelim long tingting bilong ol yet.

Menesa Posu bilong Muruks tu i singaut long ol Lahanis olsem ol i mas stretim dispela hevi namel long tupela na narapela pilai bilong tupela long Minj i mas go het yet.

Long ol Muruks, ol i mas tingim olsem sapos wanpela moa trabel i kamap aninit long nem bilong ol, laik bilong ol long pilai ragbi lig i luk olsem i no gutpela logn wanem ol i lusim planti gutpela pilaia pinis long hevi bilong las yia.

Maski, yumi olgeta lusim dispela tingting nogut bilong Papua Niugini long 'bekim dinau' na helpim ragbi lig long kamap bikpela long kantri. Sapos pasin bilong bekim dinau i stap yet, i luk olsem dispela spot em planti man i save laikim bai i nogat gutpela nem olgeta na trabel bilong Goroka na Mendi bai i no nap pinis.



□ Fulbek bilong Goroka Lahanis David Buko i laik abrusim wanpela Muruks pilaia long las wiken. Muruks i win 20-17.

Ol sapota statim pait long ol Muruks

SAPE METTA i raitim

...sans bilong Goroka i no gutpela....

PLANTI 100 manmeri na sapota i ron i go insait long Sir Danny Leahy pilai graun long Goroka na paitim ol pilaia na opisal bilong Mendi Muruks wantaim tupela lainsmen na Mosbi referi Mike Luff long Sande taim pilai i laik pinis long SP Inta Siti resis namel long Goroka Lahanis na Mendi Muruks.

Referi Mike Luff i bin stopim pilai 12-pela minit i go insait long namba 2 hap na i stap inap 20 minit olgeta taim ol Muruks opisal i go insait long pilai graun na komplem olsem ol lain sapota bilong Goroka i wok long paitim ol na

mekim nambaut long ol long sait lain.

Ol Muruks pilaia na opisal i stap long namel bilong pilai graun i go inap long ol i pasim toktok wantaim ol opisal bilong Lahanis na go bek long saitlain na pilai i kirap bek gen.

Maski pilai i kirap gen, tripela minit long pilai i pinis na ol sapota i ron i go insait long pilai graun na raunim ol pilaia wantaim ol opisal. Long dispela taim ol sapota i paitim menesa bilong Muruks tim husat i pundaun i go daun long

graun na kisim bikpela bagarap tru na ol i karim em i go long haus sik.

Dispela hevi i nap kamap bikpela tasol ol Goroka plis husat i mekim gutpela wok i brukim pait ya hariap tru.

Ol plisman yet i was long ol Muruks pilaia na opisal i go autsait long pilai graun i go inap long ol i go aut long Goroka taun olgeta. Mendi Muruks i bin go pas long Goroka Lahanis long 20-17 taim dispela pait i bruk.

Laik bilong Goroka long holim

moa pilai bilong Inta Siti resis i stap nogut nau long wanem dispela trabel i kamap.

Maski pilai ya i no pinis gut we ol sapota i kirapim pait, ol Lahanis i bin putim namba wan poin bilong ol bihain long wanpela trai i kamap long fulbek David Buko 6-pela minit tasol bilong pilai na ol i go pas long 4-0.


Tasol ol Muruks i bekim gen liklik taim tasol long fulbek John kepilou na ol i pas long 4-4.

Ol Lahanis i go raun gen long trai lain bilong ol Muruks long

winga Oscar Zugu na wanpela fil gol i kam long Stanley Gene i bringim skoa i go antap long 3-4. Muruks i kisim wanpela penelti gen na mekim skoa i go antap long 9-6. Tasol taim namba wan hap bilong pilai i laik pinis, ol Muruks i putim wanpela trai gen na oli go pas long 12-9.

Long namba tu hap bilong pilai, ol Lahanis i putim tupela trai tasol kik i no go insait. Trai i kam long Uti Divilake na Joe Kale. Ol Muruks tu i putim tupela trai we ol i lid long 20-17 taim dispela trabel i kirap.

Ol mangi Nokondi i nap long winim dispela pilai sapos ol i kikim olgeta gol bilong ol. Na tu referi i tok nogat long tupela trai bilong ol.



• Ol fowat bilong Vipers Doroa Ben Moide na Elias Paiyo i daunim wanpela Guria pilaia. Vipers i win 34-14.

Waliwei Tigers bai bungim hevi long dispela wiken

WALIWEI Tigers bai i mas putim kamap strongpela banis long dispela Sande sapos ol i laik winim pilai namel long ol up Waliwei Tigers na Blue Souths Bulolo.

Tigers husat ol i bin lusim wanpela gem bilong ol long las wik long Bulolo name long ol wantaim Brothers bai i tingting strong tru mas putim kamap gutpela pilai na stori bilong ol.

Blue Souths Ragbi kap husat i givim fofeit long Royals long last wikend na i gat syrong yet i stap, i tingting strong na sikai teeth long brukim bung bilong ol Tigers.

Blue Souths mas i wok kisim strongpela trein tru bikos ol i laik memeim ol boi bilong Waliwei long Wau na dispela i mekim na Waliwei Tigers i gat tupela tingting.

Sapos half bek bilong Blue Souths Solomon Kiap inap pilai

oslem Andrian Lam bilong Maroons long dispela wiken ol bai i kapsaitim ol Tigers. Em sapos faiv eight Niro, fullbek David Garap i wok bung wantaim em, na kamapim ol kain stai long i save i gat bilong pilai.

Austsaid senta Joseph Wauil husait bai i holim tim long dispela taim bai i mas traim long movim ol bol long ol bek lain long traim na abrusim aut senta bilong boi Waliwei Tigers olsem Joshua Kealley.

Em i graun bilong ol Tigers tasol ol Souths bai traim strong tru long brukim olgeta bun bilong ol, Tigers na soim pawa bilong Souths.

Waliwei Tigers tu nau bai i pautim ai bilong ol long buldoza Giya Muga, aut senta Harvey Banabas, hooker Paul George long strongim pilai.

Banabas husait i save pilai gut tru wantaim Mugau i mas traim long lukluk gut na i mas kamapim gutpela pilai wantaim em olsem planti taim tupela i wokim pinis.

Bikpela foward Paul Maima bilong ol Waliwei bai i traim long sali skoa wantaim ol Blue Souths long givim spes bilong Banabas o Mugau long putim ol trai.

Moses bai wok hat tru long lukautim ol speed man bilong Souths olsem Simon Kave na Samuel long n ken abrusim en na long wantaim tim tu, em bai usim tu gutpela tingting na ai bilong em long Kikiau ol konvention kik bilong Waliwei Tigers.

Tigers bai i bungim liklik hevi long ragbi long dispela wken sapos ol i no kamapim gutpela pilai na tok na wok bungim long nekim ol Blue Souths.

Planti pilai no regista long Madang Lig

RODNEY KAMUS i raitim

MADANG Ragbi Futbal Lig (MRFL) i salim strongpela toktok long sapsendim olgeta pilai bilong dispela sisen sapos ol klab i no harim toktok bilong ol na go het yet long putim ol pilaia husat i no regista i go insait long pilai.

Namba tu presiden bilong Madang Lig John Maki i tok olsem dispela pasin i wok long kamap bikpela nau we olklab i putim ol pilaia nating i go insait long pilai.

Dispela strongpela toktok bilong ol i kamap tru taim ol i sapsendim olgeta pilai bilong ol junia divisien.

Ol i mekim dispela long wanem ol i no laikim wanpela pilaia husat i pilai nating na kisim bagarap long bodi bilong em.

Lig i tokaut olsem em bai i no nap long peim kompensesen long ol pilaia husat i no regista na kisim bagarap long pilai graun na i toktok strong tru olsem ol bai stopim olgeta pilai long dispela sisen sapos ol klab i no mekim wanpela samting.

"Mipela i givim ol pilaia 5-pela mun long mekim dispela samting long painim mani em long Novemba i kam inap long April

...lig redi long sapsendim ol pilai...

long dispela yia," Maki i tok.

"Mi no save bilong wanem tru na ol i no nap long registaim ol yet."

Maki i tok olsem lig bai singautim wanpela bikpela miting wantaim olklab long traim na sindaun wantaim na painim sampela kain rot long stretim dispela hevi.

Em i tok strong moa olsem long dispela miting, sapos ol klab i no painim wanpela gutpela rot bilong dispela hevi, lig bai i no nap pret long stopim olgeta pilai bilong dispela sisen.

"Ol klab i save pinis olsem long putim wanpela pilaia long pilai nating i no gutpela samting.

"Mi no save bilong wanem na ol klab i wok long karim na mekim yet dispela samting i nogut tru," Maki i tok.

Ol i mekim dispela strongpela toktok bihain long wanpela yangpela mangi i dai taim em i gat bikpela splin long bel bilong em na i bin pilai na i no bin regista.

Eagles strong moa long Warriors

MINJ Ragbi Lig graun i bin pulap stret long las wiken taim ol Simbu Warriors i pilai wantaim kompetisen lida Hagen Eagles long Sande.

Tupela tim wantaim ya i bin pilai hat tru long olgeta hap bilong ol pilaia na ol manmeri tu i i sindaun gut long lukim dispela pilai.

Waghi Rikruk na kepten bilong ol Eagles Thomas Tumbé i bin wanpela strongpela pilaia tru long dispela pilai long olgeta taim em i holim bal na ron.

Dispela 20-12 win bilong ol Eagles i apim nem bilong ol i go antap moa long go pas long ol

narapela tim long inta siti resis. Mosbi Vipers i kam namba tu wantaim Mendi Muruks long 6 poinis na Goroka Lahanis 4, Warriors na Madang Globetrotters long 3 poinis, Lae Bombers 2 poinis na Rabaul Guria i no winim wanpela pilai yet.

Long dispela wiken bai ol Eagles bai bungim wanpela strongpela salens gen i kam long ol Rabaul Guria taim ol i bung long dispela wik Sande long Hagen.

Long ol lokel pilai, primia tim bilong las yia Kubor United i kisim taim stret long han bilong ol Country Brothers husat i win long 18-12.

Win bilong Bombers kirapim bel

FOAPELA trai bilong Bill Kinsim i helpim Lae Builders Bombers long autim tiket Madang Globetrotters 20-10 insait long SP Inta Siti salens long Lae las Sande.

Insait long 7 minit bilong pilai, Bill Kinism husat i pilam autsait senta bilong Bombers i putim namba wan trai aninit long mak bilong Globetrotter. Kauvesen kik i abrus na Bomers i go pas 4-0.

Bill i kisim narapela sans gen taim lep winga Peter Boma i brukim difens long sait na go insait long eria bilong Madang. Bill i ron klostu na kisim past bilong Peter na putim aninit long pos. Kik bilong Peter Bomai i go insait na Bombers i go pas long Globetrotters 10-0.

Klostu ong hap taim, Globetrotters i pilai strong na salim John Dako long fulbek i go pundaun long trai lain na rejis-taim 4 points. Ben Parendo kisisim kik na apim skoa i long 6 poins. Skoa i stap 10-6 na tupela tim i go aut long haptaim.

Long namba tu raun, Bill Kinsim i kisim narapela bal go long 30 mita mak bilong Globe Trotters na go putim aninit long trai lain. Kik bilong Bill Kissam i bringim skoa i go antap long 16 poins.

Referi i bin rulim tupela fowet pas we i stapim sans bilong Bill long kamapim tupela moa trai.

Ol boi long Madang i statim paia na salim ol fowet olsem Rlobert Tia, Joe Gispe na Petrus Atep i go brukim banis bilong Bombers. Globe Trotter is holim Bombers insait long 20 mita mak biong em longpela taim tru tasol ol boi bilong Lae i sanap strong difens na stopim Globetrotters long putim trai.

John Dako bilong Madang i mekim wanpela gutpela ron i go abrusim 20 mita mak bilong Bombers na salim long Rlobert Tia tasol han bilong Tia sot liklik na bal i go lus nating.

Pilai i go strong olgeta taim Sam Karara, husat i holim hap-bek bilong Globetrotters i winim bal long skram na ron i go pundaun long trai lain bilong Bkometers. Karara i apim skoa i go antap long 10 poins tasol kik i abrus.

Klostu long fultaim, lep winga bilong Bombers, Peter Bomai i kisim wanpela sans na ron i go olgeta long banis bilong Globetrotters na pundaun antap long trai lain. Dispela trai i paism skoa bilong LBC Bombers wantaim 20 poins na Madang Globetrotters 10 poins.

Dispela em namba wan win bilong LBC Bombers long SP Inta Siti salens bihain long em i bin lusim tripela gem pinis long Goroka Lahanis, mendi Muruks na Mosbi Vipers.

SP Holdings Man-of-the match prais i go long David Reeka bilong Lae Bombers.

Papua Niugini joinim nupela Supa Lig

...planti gutpela samting i stap long kisim...

PAPUA Niugini i joinim pinis nupela Supa Lig husat i bruk na lusim Australian Ragbi Lig na i bringim namba bilong ol kantri husat i sain insait long supa lig i go antap long 4-pela olgeta nau. Dispela olgeta samting i kamap long wanpela wiken tasol.

Dispela Supa Lig tim em sief eksekutiv bilong ol John Ribot i lusim Mosbi wantaim gutpela bel bihain long em i kisim Papua Niugini, Fiji, Tonga na Westen Samoa.

Dispela gutpela poro pasin namel long supa lig na ol Pasifik Ailens kantri i ken lukim ol 4-pela kantri i bung wantaim na putim wanpela tim i go insait long supa lig resis.

Siaman bilong Nu Silan Ragbi Lig Graham Carden husat i bin kam hia long las wik long opim ol

toktok wantaim ol Pasifik kantri i tok olsem gutpela poro pasin i kamap na olgeta samting PNG bai kisim long supa lig taim resis ya i

long Mosbi tasol taim ol i go pinis, olgeta i save olsem PNG i joinim supa lig.

Siaman bilong Papua Niugini

“mipela i ken kisim mani tumoro sapos mipela i laikim” -Keviam

stap long narapela yia. Tupela man ya i kam wantaim olpela kepten bilong Australia Mal Meninga husat i wanpela bod dairekta bilong Supa Lig. Planti manmeri i no bin save long wanem as na dispela ol man i kamap long lukim pilai bilong Vipers na Guria

Ragbi Futbol Lig(PNGRFL) Joe Keviam bai tokaut long dispela 5 yia kontrak sampela taim long dispela wik yet.

“Mipela i amamas long supa lig olsem na mipela i sain wantaim ol,” Keviam i tok. “Dispela kontrak i

gutpela tru na mipela bai kisim mani tumoro tasol sapos mipela i laikim.”

Insait long dispela kontrak i luk olsem samting olsem 6-pela PNG pilai bai stap insait long pilai supa lig long Australia na PNG wantaim ol narapela Pasifik grup bai pilaim ol tes pilai yet.

Ribot i amamas tru olsem PNG i stap aninit nau wantaim supa lig na olsem wanpela sinia memba bilong Pasifik Grup, PNG bai i gat ol tes pilai yet wantaim ol supa lig kantri tasol.

PNG husat i go insait wantaim supa lig i bringim namba bilong ol kantri i go antap long 6 wantaim Nu Silan na England. Frans i mas tokaut yet long posisen bilong ol long wanem nau yet ol i wok long raun long Nu Silan.



• Mal Meninga wantaim tupela pikinini bilong em Tamika na Joshua. Meninga i wanpela bilong ol bod memba bilong Supa Lig husat i bin stap long Mosbi long las wiken taim PNG i sain wantaim Supa Lig.

Muruks singaut long pinisim ol pilai long Goroka

OL Opisal bilong Mendi Muruks i singaut strong nau long Papua Niugin Ragbi Futbol Lig long pinisim olgeta pilai bilong inta siti resis long Goroka.

Dispela singaut ol i mekim strong bihain long bikpela trabel i kamap long Goroka taim ol sapota bilong Lahanis i ron i go insait long pilai graun na paitim ol pilai na opisal bilong Mendi Muruks long bikpela pilai bilong ol long las wiken taim Muruks i go pas long skoa 20-17.

Long Hagen long Mande,

RODNEY KAMUS i raitim

kosa bilong Mendi Muruks Mark Yangen i tok olsem pait i kirap long ol sapota bilong Goroka Lahanis na tu ol lig opisal.

Tasol long Goroka ol i tok, pait i kirap taim sampela ol man tasol i spak na mekim nambaut.

Tasol Yangen i tok olsem bipo long pilai i stat, ol opisal bilong Goroka Lig i toktok long

spika olsem nau em i taim bilong bekim bek.

Dispela hap toktok em ol narapela insait long ol sapota i wok long singaut i go olgeta taim tru.

Em i tok tu olsem taim trabel i bin bikpela, kosa bilong Lahanis Leva Tete i bin stap long namel bilong pait tu taim em i sapos long stopim ol pilai na sapota long mekim dispela pasin.


Ragbi Lig Nius i no nap long kisim toktok bilong Tete long ol

dispela samting.

Long dispela pait tu, tim menesa bilong Mendi Muruks, Robert Posu i bin kisim bikpela bagarap we ol i mas karim em i go long hausik taim em i kisim bagarap long het bilong em.

Em i mekim bikpela singaut nau i glong Papua Niugini Ragbi Futbol Lig judiseri komiti long lukluk long dispela na sapendim ol pilaia, opisal na ol lain husat i stap long dispela pait na tu pinisim olgeta inta siti resis long kamap long Goroka.

NEW technology to serve you better



**IDD
to the World**

For all telecommunication needs in Papua New Guinea, Telikom gives you world class quality with the newest and best technologies available.

You simply can't get better anywhere.

Think of it, International Direct Dialling to the world gives business immediate access to international markets, and friends can be in touch immediately – distance no problem.

Our upgraded digital exchanges mean that voice calls and computer links get through quickly, accurately and with more clarity than ever before plus all the convenient extras like call forwarding, ring back information, wake up calls, and abbreviated dialling.


We are now on the brink of the cellular phone revolution. A phone you can carry anywhere and use on the move. Imagine the convenience of immediate access to customers and contact with friends anywhere, anytime.

All part of the new technology brought to you by the new Telikom because now we're really talking.



**DIGITAL
Clarity and Speed**

**MOBILE PHONES
calls on the move**



THE NEW



TELIKOM

Now we're really talking!




• James Miviri wantaim Elias Paiyo i bung wantaim long daunim wanpela rabaul Guria pilai. Vipers i win long 34-14.



• mal Meninga i toktok wantaim referi bilong pilai bilong Guria na Vipers.



• Senta bilong Vipers paul komboi i salim bal igo long wan pilaia bilong em Wilson marako.



• Tupela fowat bilong Vipers i lokim pinis wanpela Guria fowat



• (LEPHAN) David Mune bilong Vipers i redi long mekim wanpela strongpela ron na Elais Paiyo i lukulk long em.

• (RAITHAN) Lok bilong Vipers peter Sterlo i laik holim Guria tasol ino inap.

• (DAUNBILO LEPHAN) Patrick kiap na Elias bilong Vipers i bung wantaim long daunim wanpela rabaul guria pilaia long las wiken long Mosbi. vipers i win. Poto Ivan Bayagau.

• (DAUNBILO-RAITHAN) Mal Melninga wantaim tau Peruka i lusim pilai graun. mal wantaim ol lain bilong em long Supa lig i toktok wantaim PNGRFL na tok tok i kamap gut na PNGRFL i joinim Supa Lig.



Mackay lukluk gen long Sidni



Brad Mackay, surrounded by his parents Lyle and Irene, wife Joanne and 10-month-old son Angus. Photo: JOHN ELLIOTT

SKIPA NOGAT WANPELA KRU

LUKLUK long stail bilong em long gras na ol samting em i save werim long het long taim bilong pilai, bai yu lukim olsem Brad Mackay i was gut long em yet.

Dispela em i namba wan taim Brad Mackay i kam bek long Kogarah na olupela pilaia bilong ol Dragon i no laik pulim planti ai. Em i lukluk gen long dispela maunten we em i save go sindaun taim em i mangi yet na singaut long ol kain pilaia olsem Rod Reddy na Craig Young.

Na long Kogarah tu, em i ken painim rot bilong em long go long haus taim ol i pasim ai bilong em long dresing rum yet. Tasol Mackay i no go lukim ol olupela poroman bilong em. Em i go aut isi tasol taim pilai i pinis. I gat sampela kain tingting long dispela apinun taim Mackay i tingting bek sapos em i ken werim dispela ret na wait jesi gen. Dispela kain samting i no nap gen tasol em i mekim wanpela disisen long statim nupela laip long West. Tasol ol samting i tenis long dispela sotpela taim em i stap longwe.

Mackay i wokim wanpela gutpela wok long stap olsem kepten bilong Western Reds, i gat gutpela pasin wantaim kosa Peter Mulholland na i laikim tru Perth. Em i no lukluk bek gen tasol olgeta tingting bilong em i stap wantaim Reds tasol em bai nogat

sans moa. I gat bikpela sans olsem em bai i ken kamap wanpela kepten husat i nogat ol kru boi. Olsem Brad Fittler, Mackay em wanpela ARL pilaia husat i stap long wanpela klub we i joinim supa lig pinis.

Bihain long mekim bikpela surik tru long narapela sait bilong Australia, laspela samting em bai laik mekim em long lusim Perth bihain long 12 mun. Tasol sapos nogat wanpela samting i kamap, em bai i mas surik yet. "Mi gat bikpela laik tru long stap long Perth yet," Mackay i tok. "Mi mekim nupela haus bilong mi long Perth na pilaiam wanpela bikpela wok long helpim developmen bilong ol Reds.

"Tasol mi mekim tingting bilong mi pinis long stap wantaim ARL na mi no nap surik gen. Mi bai no nap sainim wanpela narapela kontrak gen na i mas gat wanpela gutpela toktok bai kamap long mekim ol Reds i stap yet long dispela resis."

Mackay i gat planti as long lusim ARL tasol em i no mekim wanpela samting long bekim bek. Long las yia em i no bin go long Kangaroo tour bihain long em i kamap pinis olsem wanpela strongpela tes pilaia. Taim em i gat bilip olsem em bai go long dispela tour, em i stretim tikek bilong meri na pikini bilong em tu long go tasol em i no go na olgeta samting i pundaun.

Bihain long dispela em i no kisim wanpela samting nating. Long taim ol i makim em long pilai state of origin, em i kisim longpela taim liklik long redim em yet.

"Mi no bin mekim wanpela plen. Tasol taim ol i makim mi, Joanne (meri bilong Mackay) na mi i mas plenim ol samting hariap," Em i tok. "Mi ring long mama long lukim olsem Joanne wantaim bebi i ken stap wantaim ol long hap."

Mackay i no ting olsem em bai stap longpela taim long state of origin tasol sapos em i go bek long Perth bihain long pilai bilong Melben, i luk olsem em i stap moa long wan mun. Maski em i gat 25 krismas tasol, ol narapela i lukim em olsem wanpela olupela pilaia. Melben pilai i bin namba 16 bilong Mackay. Andrew Ettinghausen 22, Michale O Connor 19, Ben Elias 19, Garry Jack 17 na Steve Roach 17 i bin makim Blues planti taim tru. "I bin gat bikpela toktok olsem ol Blues bai bagarapim stret sindaun bilong Kwinnslen na dispela resis bai go daun liklik," Mackay i tok. "Tasol mi no bilip long dispela. Ol pilaia bai kam antap yet.

"Dispela series i mekim mi tingim bek long 1989. Ol Kain lain olsem mi, Laurie Dale, Bradley Clyde na Glen Lazarus i mekim namba wan pilai bilong mipela long dispela yia. Ol Maroons i kilim mipela wan-

sait tasol mipela i kamap olsem ston bilong bihain taim.

"Ol Blues na Maroons i wok long go insait long wanpela nupela samting gen nau."

Kambek bilong Mackay long pilai rep futbol i apim em i go antap gen tasol em i painim hat long go het long wanem em i no save wanem samting bai kamap long em. Wanem samting i mekim hevi bilong emi go bikpela moa em long dispela 12 mun bilong em long Perth, olgeta toktok bilong supa lig tasol i bin stap wantaim em.

"Ol i save tok olsem tripela bikpela samting bai kamap long laip bilong yu em taim yu marit, gat bebi na muv i go longwe long namba wantaim," Mackay i tok. "Tasol mi bin mekim dispela olgeta samting i kamap long mi long wanpela yia tasol. Na long sait bilong futbol, las yia em bin wanpela hatpela tru long mi.

"Bihain long mi tokaut olsem bai mi go long Perth long stat bilong sisen, mi les long ol sapota i kros long mi.

"Dispela i bin hat tru-mi kisim papa bilong mi long lukim ol pilai bilong mi na tokim mi hamas mi wok long putim i go insait.

"Mi traim olgeta save bilong mi. Sampela taim yu mekim planti wok tumas bai yu putim han long sait na ol man bai ting yu no fit. Mi wari long ol dispela samting.

DAVIES NO SAVE! LONG WANPELA SAMTING YET

Jonathan Davies ...
enjoying the easy-going
Townsville lifestyle.



LONG dispela kros bilong supa lig nau i stap, i nogat wanpela pilai i longlong yet olsem fulbek bilong England Jonathan Davies.

Long las yia taim Davies i mekim dil bilong em wantaim North Queensland Cowboys, Davies i gat gutpela tingting long wanem hap em bai pilai long 1996.

"Plen bilong mi em long pinisim Winfield Cup pilai wantaim ol Cowboys na go long ples na pilai long klab bilong mi Warrington long primiasip resis bilong England," Davies i tok.

"Tasol dispela olgeta i senis nau long wanem Supa Lig i kisim England pinis. Mipela bai senis i go long pilai long sama sisen tasol olgeta kontrak bilong mipela bai i go inap long namel bilong yia tasol. Olsem na olgeta samting i no stret gut yet."

"Yu no nap save nogut bai mi pilai long Supa Lig long Australia long neks sisen."

Davies i tok olsem dispela toktok na pait bilong supa lig i mekim em i stap long wanpela ples we i nogat man.

"Mi givim loyelti agrimen bilong mi i go wantaim Australian Ragbi Lig (ARL) tasol kontrak bilong mi i stap wantaim supa lig long wanem resis bilong England em supa lig nau.

"Sapos Warrington i tingting long lusim mi i go long wanpela klan bilong Australia, mi bai pilai long supa lig i go inap long pinis bilong 1996 na bihain long dispela em ARL.

"Tasol long tok tru, mi no save wanem samting bai kamap. Mi no tingting olsem planti man i gat dispela kain tingting long dispela kantri olsem long England.

"I gat wanpela sotpela sisen tasol i stap long mi long England na sapos mi go bihain

long Winfield Cup resis, ating bai i luk olsem olgeta samting bai kamap gut pinis.

Davies i tok olsem tingting bilong em long werim Cowboys jesi long neks yia i no stret yet sapos supa lig i kirapim sisen bilong ol long neks yia 1996.

"Em bai stap long tingting bilong mi yet long mi laikim o nogat na tu ol Cowboys bai lukluk sapos mi pilai gut o nogat long stap yet. Dispela agrimen bilong mipela i no stap long pepa tasol mipela i toktok tasol.

"Mipela i toktok long wanpela o tupela yia tasol mi tok olsem mi bai traim wanpela yia na lukim pastaim."

Davies i tok em wantaim femili bilong em i no westim taim long sindaun long Townsville long dispela isi laipstail.

Ol i bin yusim dispela malolo raun long laswiken long lukluk long kainkain hap na lukim tu ol kaikai olsem kindam, pis na kuka.

"Mipela i kisim gutpela taim stret," Davies i tok.

"Hot bilong san tasol em wanpela hevi bilong mipela.

Taim yu tren 4-pela taim long wanpela wik em bai bikpela samting tru long yu.

"Long wankain taim tu yu bai kisim longpela taim liklik long kisim stail bilong ol Cowboys long pilai na dispela hatpela san.

"Yu mas save long husat bai yu pilai futbal wantaim na husat bai yu raun wantaim.

"Em bai luk olsem mi mas pilai sampela ol pilai pastaim long kisim stail bilong dispela Winfield Cup resis olsem mi bin mekim long 1991.

"Pilai long ya i narakain tru long stail bilong England long pilai."

-RUGBY LEAGUE WEEK-



TAIM BILONG KIRAP BEK

Hevi i orait tasol ol i painim Robbie

LONG winga bilong Penrith Robbie Beckett, laip bai i no nap gutpela. Dispela yangpela mangi husat i gat 20 krismas tasol em ARL na supa lig i pait strong long kisim em na tu em i gat wanpela Roosters jesi long bokis bilong em.

Beckett i save amamas tasol long kisim wanem samting i kam long rot bilong em. Tasol long stat bilong dispela sisen em i stap long wanpela hap we em bai i ken lusim olgeta samting.

Gutpela save bilong em long pilai i ken kisim em i go kamap bikpela tasol i gat bikpela askim long pasin bilong em long pilai strong na go long trening.

Taim em i joinim Panthers long las yia bihain long em i lusim Parramatta, hevi bilong em i bikpela moa. Em i no nap long tren long wanem wanpela masol bilong em i bagarap iiklik na kain pasin bilong em long kaikai i bringim hevi bilong em i go antap olgeta long 96 kilogram. Kosa Phil Gould i givim em wanpela strongpela tok-

tok tru olsem "lus weit o bai yu no nap pilai" Beckett wantaim narapela tim meit bilong em Matt Hamilton i save mekim moa trening long katim daun dispela weit. Ol i save kolim tupela F-Trup.

I nogat prais long wanem man i tokaut long mining bilong F tasol dispela samting i mekim na em i wok hat tru long bringim weit bilong em i go daun long 83 kilogram na em i stap long rot bilong pilai gen.

Long ol kol moning bilong trening long Penrith Stadium, Beckett i save tingting i go bek long brata bilong em Danny. Danny i gat wankain krismas olsem em na wankain save bilong pilai tasol em i pilai rep futbal pinis. Tasol wanpela samting i mekim em pundaun em les long trening.

Weit bilong Danny i go antap olgeta long 120 kilogram na nau em i save pilai long Cabramatta resis insait long A gret divisen. Robbie i mekim tingting bilong em

pinis long noken bihainim bikpela brata bilong em. Em i pilai gut tru long namba wan pilai bilong em wantaim Panthers na seleksen bilong em long siti tim em wanpela prais bilong hatwok bilong em. "Mi kam klostu tru long stap aut," Beckett i tok

Beckett i no save isi long taim bilong trening nau na long op sisen em i save tren hat tru. Klab i kisim em long wok olsem man bilong bosim graun long Penrith Stadium we em i toktok em i kisim planti gutpela save moa.

"Bipo long mi kisim dispela wok, mi save kirap long 10 klok na pilim les liklik i go inap apinun. "Tasol nau mi save kirap hariap na redi tasol long olgeta samting."

Faiv-eit bilong Penrith Steve Carter em wanpela man husat i save laikim Beckett tru na i bilip strong tru olsem winga ya wanpela taim bai makim Australia.

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.